


郡國利病書序

崇禎己卯秋闈被擯退而讀書感四國之多虞亟經生  
之寡術於是歷覽二十一史以及天下郡縣志書一代  
名公文集間及章奏文冊之類有得即錄共成四十餘  
帙一為輿地之記一為利病之書比遭兵火多有散佚  
亦或增補而其書本不曾先定義例又多徃代之言地  
勢民風與今不合年老善忘不能一一刊正姑以初稔  
存之篋中以待後之君子斟酌去取云爾壬寅七月望  
日亭林山人書



郡國利病書目次

郡國利病書目次

卷一

輿地山川摠論

卷二

北直一

卷三

北直二

卷四

北直三

卷五

郡國利病書 卷一 目

國家圖書館 NATIONAL CENTRAL LIBRARY, TAIWAN, R.O.C.

北直四

卷六

北直五

卷七

北直六

卷八

北直七

卷九

北直八

卷十

北直九

卷十一

北直十

卷十二

北直十一

卷十三

江南一

卷十四

江南二

卷十五

江南三

卷十六

江南四

卷十七

江南五

卷十八

江南六

卷十九

江南七

卷二十

江南八

卷二十一

江南九

卷二十二

江南十

卷二十三

江南十一

卷二十四

江南十二

卷二十五

江南十三

卷二十六

江南十四

卷二十七

江南十五

卷二十八

江南十六

卷二十九

江南十七

卷三十

江南十八

卷三十一

江南十九

卷三十二

江南二十

卷三十三

江南二十一

卷三十四

江南二十二

卷三十五

國家圖書館, NATIONAL CENTRAL LIBRARY, TAIWAN, R.O.C.

山東一

卷三十六

山東二

卷三十七

山東三


卷三十八

山東四

卷三十九

山東五

卷四十



山東六

卷四十一

山東七

卷四十二

山東八

卷四十三

山東九

卷四十四

山東十

卷四十五

山西一

卷四十六

山西二

卷四十七

山西三

卷四十八

山西四

卷四十九

山西五

卷五十

河南一

卷五十一

河南二

卷五十二

河南三

卷五十三

河南四

卷五十四

河南五

卷五十五

國家圖書館, NATIONAL CENTRAL LIBRARY, TAIWAN, R.O.C.

陝西一

卷五十六

陝西二

卷五十七

陝西三

卷五十八

陝西四

卷五十九

陝西五

卷六十

陝西六

卷六十一

陝西七

卷六十二

陝西八

卷六十三

陝西九

卷六十四

陝西十

卷六十五

國家圖書館, NATIONAL CENTRAL LIBRARY, TAIWAN, R.O.C.



皇國才苑書 卷一

四川一

卷六十六

四川二

卷六十七

四川三

卷六十八

四川四

卷六十九

四川五

卷七十



四川六

卷七十一

四川七

卷七十二

湖廣一

卷七十三

湖廣二

卷七十四

湖廣三

卷七十五

皇國才苑書 卷一 四

國家圖書館, NATIONAL CENTRAL LIBRARY, TAIWAN, R.O.C.

湖廣四

卷七十六

湖廣五

卷七十七

湖廣六

卷七十八

湖廣七

卷七十九

江西一

卷八十

江西二

卷八十一

江西三

卷八十二

江西四

卷八十三

浙江一

卷八十四

浙江二

卷八十五

國家圖書館, NATIONAL CENTRAL LIBRARY, TAIWAN, R.O.C.

浙江三

卷八十六

浙江四

卷八十七

浙江五

卷八十八

浙江六

卷八十九

浙江七

卷九十

浙江八

卷九十一

福建一

卷九十二

福建二

卷九十三

福建三

卷九十四

福建四

卷九十五

國家圖書館, NATIONAL CENTRAL LIBRARY, TAIWAN, R.O.C.

福建五

卷九十六

福建六

卷九十七

廣東一

卷九十八

廣東二

卷九十九

廣東三

卷一百

廣東四

卷一百一

廣東五

卷一百二

廣東六

卷一百三

廣東七

卷一百四

廣東八

卷一百五

廣西一

卷一百六

廣西二

卷一百七

雲南一

卷一百八

雲南二

卷一百九

雲南三

卷一百十

雲南四

卷一百十一

雲南五

卷一百十二

雲南六

卷一百十三

貴州一

卷一百十四

貴州二

卷一百十五

邊備

卷一百十六

河套

卷一百十七

西域

卷一百十八

交趾

卷一百十九

海外諸番

卷一百二十

海外諸番入貢互市



國家圖書館, NATIONAL CENTRAL LIBRARY, TAIWAN, R.O.C.

郡國利病書卷之一

輿地山川總論

裴秀傳

秀為司空以職在地官以禹貢山川地名從來久遠多有變易後世說者或強牽引漸以暗昧于是甄摘舊文疑者則闕之古有名而今無者皆隨事指列作禹貢地域圖十八篇奏之藏于秘府其序曰蓋書之設由來尚矣自古列象垂制而賴其用三代置其官國史掌厥職暨漢屠咸陽丞相蕭何畫收秦之圖籍今秘書既無古之地圖又無蕭何得所惟有漢氏輿地及括地諸雜圖各不設分率又不考正整望亦不脩載名山大川雖有



君國不窮言 卷一  
粗形皆不精審不可依據或荒外迂誕之言不合事實  
于義無取大晉龍興混一六合以清宇宙始于庸蜀深  
入其阻文皇帝乃命有司撰訪吳蜀地圖蜀土既定六  
軍所經地域遠近山川險易征途迂直校驗圖記圖或  
有差今上考禹貢山海川流原隰陂澤古之九州及今  
之十六州郡國縣邑疆界鄉閭及古國盟會舊名水陸  
徑路為地審十八篇制圖之體有六焉一曰分率所以  
辨廣輪之度也二曰準望所以正彼此之體也三曰道  
里所以定所由之數也四曰高下五曰方邪六曰迂直  
此三者皆因地而制形所以校夷險之異也有畜象而

無分率則無以審遠近之差有分率而無準望雖得之  
于一隅必失之于他方有望準而無道里則施于山海  
絕隔之地不能以相通有道里而無高下方邪迂直之  
校則徑路之數必與遠近之實相違失準望之正矣故  
以此六者參而考之然遠近之定定于分率彼此之定  
定于道里度數之定定于高下方邪迂直之算故雖有  
峻山鉅海之隔絕域殊方之迥登降詭曲之因皆可得  
舉而定者準望之法既正則曲直遠近無所隱其形也  
周禮大司馬正義有云若據鳥飛直路則周之九服亦  
止五千若隨山川屈曲則禹貢亦萬里

唐書

賈耽好地理學凡四夷之使及使四夷還者必與之從容詢其山川土地之終始是以九州之夷險百蠻之土俗區分指畫備究源流自吐蕃陷隴右積年國家守於內地舊時鎮戍不可得知耽乃畫隴右山南圖兼黃河經界遠近聚其說為書十卷表獻曰臣聞楚左史倚相能讀九邱晉司空裴秀創為六體九邱乃成賦之古經六體則為籀之新意臣雖愚昧夙嘗師範蒙拔擢遂忝台司雖歷踐職任誠多曠闕而率土山川不忘寤寐其大圖外薄四海內別九州必藉精詳乃可摹寫見更

續集續異畢工然而隴右一隅久淪蕃落職方失其圖  
記境土難以區分輒課扣虛徵採掇輿議畫閩中隴右  
及山南九州等圖一軸伏以洮隄舊墟連接監牧甘涼  
右地控帶朔陸岐路之徧候交通軍鎮之脩禦衝要莫  
不匠意就寔依稀像真如聖恩遣將護邊新書授律則  
靈慶之設險在目原會之封畧可知諸州諸軍須論里  
數人額諸山諸水瀆言首尾源流上不可脩書憑據必  
實記注謹讓別錄六卷又黃河為四瀆之宗西戎乃群  
兇之帥臣並研尋史牒蒐彙浮詞罄知聞知編為四卷  
通錄都成十卷文義鄙朴伏增慚悚德宗覽之稱善賜

廐馬一匹錦綵百疋銀餅盤各一至十七年又讓成海  
內華夷圖及古今郡國縣道四夷述四十卷表獻之曰  
臣聞地以博厚載物萬國基布海以委輸環外百蠻繡  
錯中夏則五服九州殊俗則七戎六狄普天之下莫非  
王臣昔母邱出師東銘不耐甘英奉使西抵條支奄蔡  
乃大澤無涯蜀窟則懸度作險或道里回遠或名號改  
移古來通儒罕遍詳究臣弱冠之歲好聞方言並仕之  
辰注意地理究觀研考垂三十年絕域之比鄰異蕃之  
習俗梯山歛琛之路乘舶來朝之人咸究竟其源流訪  
求其居處闡闡之行賈戎貊之遺老莫不聽其言而撮

其要閭閻之瑣語風謠之小說亦收其是而芟其偽然  
殷周以降封畧益明承歷數者八家渾區宇者五姓聲教  
所及惟唐為大秦皇罷侯置守長城起于臨洮孝武  
却地開邊障塞限於雞鹿東漢則哀牢請吏西晉則裨  
離結轍隋室列四郡於卑和海西創三州于扶南江北  
遼陽失律因而棄之高祖神堯皇帝誕膺天命奄有四  
方太宗繼明重熙柔遠能迹踰大磧通道北至仙娥於  
骨利幹置玄闡州高宗嗣守丕績克廣前烈道單車賚  
詔西越蔥山於波刺斯之疾陵府中宗復配天之業不  
失舊物睿宗含先天之量惟新永圖玄宗以大孝清內

以無為理外大宛驥騏歲充內廐與貳師之窮兵黷武  
豈同年哉肅宗掃平氛祲潤澤生人代宗剗除殘孽彝  
倫攸叙伏惟皇帝陛下以上聖之姿當太平之運敦信  
明義履信包元惠養黎蒸懷柔遐裔故瀘南貢麗水之  
金漢北獻余吾之馬玄化洋溢率土霑濡臣等切磋於  
師友長趨侍于軒墀白揣孱愚叨榮非據鴻私莫答夙  
夜兢惶去興元二年伏奉進止令臣脩撰國圖旋即充  
使魏州汴州出鎮東洛東都間以衆務不遂專門績用  
尚虧憂愧弥切近乃力竭衰病思殫所聞見藁於丹青  
謹令工人画海內華夷圖一軸廣三丈從三丈三尺率

君國利書 卷一  
以一寸折成百里別章甫左衽奠高山大川縮四極于  
織縞分百郡於作績宇宙雖廣舒之不盈庭每車所通  
覽之咸在目并撰古今郡國縣道四夷述四十卷中國  
以禹貢為首外夷以班史發源郡縣紀其增減蕃落叙  
其盛衰前地里書以黔州屬百陽今則改入巴郡前西  
戎志以安國為安息今則改入康居凡諸流并悉從釐  
正隴西十地播棄於永初之中遼東樂浪陷屈於建安  
之際曹公棄陜北晉氏遷江南綠邊累經侵盜故墟日  
致堙毀舊史譾錄十得二三今書搜補所獲大半周禮  
職方以淄時為幽州之浸以華山為荆河之鎮既有乘

於禹貢亦不出于淹中多聞闕疑詎敢編次其古郡國  
題以墨今州縣題以珠今古珠文執習簡易臣學謝小  
成才非博物伏波之聚米開示衆軍鄒侯之畜書方知  
扼塞企慕前哲嘗所寄心輒罄庸陋多慙紕繆優詔答  
之賜錦綵二百匹袍段六錦帳二銀研盤各一銀楯二  
馬一匹進封魏國公

王士性五岳遊草

地脉

自昔以雍英河洛為國中楚吳越為夷今聲名文物反以東南為盛大河南北不無少讓何客有云此天運循環地脉移動彼此乘除之理余謂是剛然矣要知天地之所以乘除何以故自昔堪輿家皆云天下山川起崑崙分三龍入中國然不言三龍盛衰之故蓋龍神之行以水為斷深山大谷豈足跡能遍惟問水則知山崑崙據地之中四旁山麓各入大荒外入中國者一東南支也其支又于塞外分三支左支環陰山賀蘭入山西起

太行數千里出為盤無閘度遼海而止為北龍中支循  
西番入趨岷山沿岷江左右出江右者包叙州而止江  
江左者北去趨閩中脈系大散關左渭右漢中出為終  
南太華下秦山起嵩高右轉荆山抱淮水左落平原千  
里起太山入海為中龍右支出吐蕃之西下麗江趨雲  
南繞霑益貴竹閩嶺而東去沅陵分其一由武岡出湘  
江西至陵武止又分其一由桂林海陽山過九嶷衡山  
出湘江東趨巨廬止又分其一過庾嶺度草坪去黃山  
天目三吳止過庾嶺者又分仙霞關至閩止分衢為大  
盤山右下括蒼左去為天台四明度海止摠為南龍宋

儒乃謂南龍與中龍同出岷山沿江而分蓋宋畫大渡  
河為守而棄滇雲當時士夫游轍未至故不知而臆度  
之也今金沙江源出吐蕃犁牛河入滇下川江則已先  
于塞外隔斷岷山矣故南龍不起岷山也古今王氣中  
龍家先發家盛而長北龍次之南龍向未發自宋南渡  
始發而久者宜其少間歇其新發者其當全涌何疑何  
以見其然也洪荒方闢伏羲都陳少皞都曲阜顓頊都  
牧野周自后稷以來起岐山豐鎬生周孔子秦又都  
關中漢又都之唐又都之宋又都汴故曰中龍先而久  
黃帝始起涿鹿堯都平陽舜都蒲坂禹都安邑其後畫

君國才英書  
卷一  
祭于塞外徽旆冒頓突厥夷狄之王歲後遼金至元而  
亦入主中國故曰北龍次之吳越當秦伯時猶然被髮  
文身楚入春秋尚為夷服孫吳曰馬晉六朝稍之王建  
康僅偏安一隅亦無百年之主至宋高南渡立國百餘  
年我太祖方纔混一故曰南龍王方始也或謂雲貴  
東西廣皆南龍而獨盛于東南何曰雲貴兩廣皆行龍  
之地前不云乎南龍五支一止於武陵荆南一止于匡  
廬一止于天目三吳一止於越一止于閩咸遇江河湖  
海而止不前則必於其處踴躍潰出而不肯遽收宜今  
日東南之獨盛也然東南他日盛而久其勢未有不轉

而雲貴百粵如樹花先開必於本末其髓盛而花不盡  
者又轉而老榦內時溢而成等蔽桂茅花皆然山川氣  
寧與州水異故中龍先陳先曲阜其後轉而關中北龍  
先涿鹿先晉陽後亦轉而塞外今南龍先吳楚關越安  
知他日不轉而百粵鬼方也或謂齊魯亦中龍之委也  
乃周孔而後聖人王者不生意先輩秀穎所鍾多矣曰  
固然亦黃河流斷其地脉故也河行周秦漢時俱河間  
入海河間者禹九河之間也故齊魯為中龍自隋煬帝  
幸江都引河入汴河竟委淮將齊魯地脉流隔尚得泰  
山塞護海東王氣不絕故列侯將相英賢不足而聖王



不興意以是乎然則我朝王氣何如曰俱非前代之  
比前代龍氣王一支惟我朝鳳泗祖陵既鍾靈於  
中龍之淮留都王業又一統于南龍之委今長安宮  
闕陵寢又孕育于北龍之蟬兼三大龍而有之安得不  
萬斯年也此余于送徐山人序中已及之而特未詳其  
說

形勝

自古郡國分治割裂茫乎無據惟我朝兩都各省衛  
天造地設險要不易兩都乃二祖創建神謨廟畫制  
畫善弗論如出都門以西則晉中太行數千里亘其東

洪河抱其西沙漠限其北自然一省會也又西則關中  
河流與潼關界其東劍閣梁山阻其南諸蕃臂其西北  
左渭右漢終南為宗亦自然一省會也轉而南則蜀中  
層巒疊嶂環以四周沃野千里躡其中服岷江為徑衆  
水緯之咸從三峽一線而出亦自然一省會也出峽而  
東則入楚長江橫絡江南九水匯于洞庭江北諸流導  
于漢水然後入江沅桂永吉袁寧諸山色其前荆山峩  
其北亦自然一省會也又東則江右左黃山右匡廬二  
龍咸自南來逶迤東西南三面環之衆水皆出于本省  
浸于彭蠡一道以入于江去水來山長江負其後亦自

然一省會也五嶺以外為兩廣、右又自為一局三江  
咸交于蒼梧以東又分梅嶺以東自為一支以包乎北  
盡東海為閩皆大海前繞之亦皆自然一省會也西南  
萬里滇中滇自為一國貴竹線路初本為滇之門戶後  
乃開設為省者非得已也將犴烏柳諸水散流湖北川  
東轄制非一蓋有由已獨中原片土莽蕩數千里無山  
不得不強畫野以經界之故雖陳以東鳳泗而北兗濟  
以南人情土俗不甚差殊然兩河、流中貫淮衛為輔  
大行在後荆山在前秦山西峙崧高中起亦自然一省  
會也山東以秦岱為宗其於各省雖無高山大川之界

然合齊魯為一原自周公太公之舊疆也不入他郡邑  
矣惟兩浙兼吳越之分土山川風物迥乎不侔浙西澤  
國無山俗靡而巧近蕪常以地原自吳也浙東角山鎮  
海其俗朴自甌越為一區矣兩都一統之業自本朝始  
南都轉漕為易文物為華車書所同似乎宗周北都大  
行天塹大海朝宗扼夷狄之吭據戎馬之地似乎成周  
附龍江  
客問昔在龍城客有問余黔中百粵風氣久不聞  
者余曰江南諸省會雖咸多山然遇作者會處咸聞大  
洋駐五人烟凝眾氣脉各有澤數停蓄諸水不徑射流  
如川中山絕離祖水尚源頭然猶聞成都千里之沃野

水雖無儲然全省羣流提歸三硤一線故為西大者獨  
貴竹百粵山牽群列隊向東而行粵西水好而山無開  
洋貴竹山劣而又無開水龍行不住郡邑皆立于山椒  
水滴止為南龍過路之場尚無駐蹕之地故粵西數千  
年暗習雖與吳越閩廣同入中國不能同耀光明也黔  
中際可知已昔蒙恬被收自嘆曰吾築長城起臨洮負  
海吾不無絕地脈哉宋徽宗時有人于汴城中夜步月  
偶鑑盆水駭而嘆曰天星不照地脈已絕此地不久當  
為胡地矣此未可以堪輿言少之

### 風土

南北寒暑以大河為界不甚相遠獨西南隅異如黔中  
則多陰多雨滇中則乍雨乍日粵中則乍暖乍寒滇中  
則不寒不暖黔中之陰雨以地在萬山之中山川出雲  
故晴霽時少語云天無三日晴地無三里平也粵中之  
乍暖乍寒以土薄水淺陽氣盡洩故頃時晴雨疊更裘  
葛兩用兼之林木蒼蔚虺蛇噓吸烟霧縱橫之中者謂  
之瘴瘴宜也獨滇中風氣思之不得其故夏不盛熱冬  
不甚寒日則單夾夜則絳絮四時一也夏日不甚長冬  
日亦不甚短余以刻漏按之與歷書與中州各差刻餘  
又鎮日咸西南風一別不起東北冬春風刮地揚塵與

江西北即二三百里內地之寒熱與穀種之先後懸絕  
星淵地多海子似天造地設以潤極高之地亘古不涸  
不堙猶人之首上脈絡也李月山謂其地去崑崙伊邇  
勢極高而寒以近南故寒燠半之以極高故日出沒常  
受光先而入夜遲也未知然否河汝在江北而暑月之  
熱反過吳越蓋夏至日行天頂嵩高之上北對河汝而  
吳越稍偏也長沙乃衡岳之麓洞庭鄱渚上流而古稱  
卑濕蓋其地咸黃土粘膩不漏故濕氣凝聚謂卑而濕  
者臆解耳附龍江客問客有問余廣右俗冷熱不以寒暑  
而以晴雨即土人亦不得其說但知此中陽氣太洩故

多熱而已而不知其所以然請以土薄水淺之云而申  
繹之余曰此無他特以地氣有厚薄疏密之故也廣右  
地脈疏理疎則陽氣易於透露發洩故自昔稱炎方一  
至天晴日出則地氣上蒸如坐甑中故雖隆冬亦無異  
于春夏之日然其地居萬山中山皆拔起純是岩石無  
寸土之附石氣本寒今走廣右諸洞深入里餘雖六月  
披裘亦戰慄不自持氣寒故也一至天欲雨則石山輸  
雲嵐烟岫霧鍾趾相失咸挾石氣而升幽寒逼人故雖  
盛暑亦無異於隆冬之時及夫雲收雨止日出氣蒸乍  
熱乍寒無冬無暑皆以是故或謂南中同此土也廣右

居交廣之內暖氣反發洩過于彼土者何蓋他處山少而廣右純山少者地土相兼脈理本密兼以地皆種植尺寸不移地氣上升多宣洩于五穀又糞壅澆溉地面肥饒故密而地氣不甚洩廣右地氣盡拔為石山則餘土皆虛業已無石而疎理又滿眼荒蕪百里無人烟十里無稼穡土而不肥穀氣不分地氣無所發洩安得不隨日上升而散中于人之肌膚也以是知寒暑之故半出于天半出於地風光日色之寒暑出於天者也氣候之寒暑出於地者也地薄而理疎則氣升而多暑地厚而理密則氣歛而多寒非專為方隅南北之故也向

讀異域志見陰山沙漠之北萬餘里有其地四時皆春草木不凋者嘗疑其無有極北愈寒安得為是說也乃今意誠有之正為地各有厚薄疎密其果不全係于天與南北方隅之故與若謂寒暑盡出於天則今高山峻嶺之上漸近于天漸遠于地宜其多暑而無寒矣何故山愈高而愈寒豈非土石厚而地氣隔故寒多亦其一驗

徐問百川考

素問曰天不足西北地不滿東南蓋地西北高東南下  
江海百川所聚海水周于地之四維其流東極氣盡故  
歸墟尾閭如沃焦釜北海路寢遙至極盡處疑與天浮  
接也東夷女直為黑水靺鞨之後國有長白山其巔有  
潭周八十里南流至遼東朝鮮國為鴨綠江南入于海  
北流為女直混同江經會金寧府達五國頭城北東入  
海西夷黑水出漢張掖郡雞山今甘州南至燉煌今肅  
州過三危界梁雍二州之間程子以為即西珥河與漢  
志桑榆澤相貫漢武問滇雋今雲南其地古有黑水舊

祠而知之但今水滄瀉不入南海中原之水惟黃河來  
 寂遠攷禹貢註及諸儒說黃河一自于闐國葱嶺一自  
 西吐蕃之崑崙山發源合流二萬一千三百餘里東北  
 與積石河合屬漢金城郡西南羌中而至龍門河渠志  
 一統志皆云出今西番朶甘衛西直四川馬湖蠻部止  
 西三千餘里去雲南麗江西北一千五百里有水從地  
 湧出泓方七八十里高瞰之若星列俗傳為星宿海尋  
 淮為二大澤復瀕曰哈刺海東出曰杰賓河合忽蘭也  
 里木二河東北流經崑崙山之南為九渡河水清騎可  
 涉貫山中行西戎都會為細黃河水流已濁繞崑崙山

南折而東流合乞里馬出河復繞崑崙山之北自貴德西  
 寧之境至積石經河州屬陝西合洮河東北流至蘭州始  
 入中國又東北出沙漠經三受降城東勝諸州又折而  
 東南入冀州屬陝西凡九千餘里乃元學士蒲察篤寔所  
 窮歷而得之大學衍義補亦據此當以志為定禹治水  
 時河從積石東北而南計三千零里至龍門為西河冀州  
 呂梁山石勢崇竦其流激震禹從呂梁山北鑿龍門以殺  
 水勢西因其迴流之性而導之又南而至華陰在陝西華陰縣  
 自南而東至砥柱在河南陝州又東經孟津河南府過  
 洛汭鞏州至于大伾大名府東北過洛水真定至

于大陸屬中山郡今真定邢趙深三州之地北分其勢播分為九河復同

聚一處為逆河蓋迎之以入于海簡潔一水先儒互分

而二其一則河之經流也徒駭等河故道皆在河間滄

州南皮東光慶雲獻縣山東平原海豐由寧津吳橋南

皮諸處直達東海周定王五年河徙於磔始失故道漢

文帝時決酸枣東清金隄在河南延津滎陽諸果至武大名清豐一帶延亘千里

帝時溢平原屬德州徙頓邱今清豐又決濮陽魏子口開州

注鉅野屬濟寧州通淮泗河始與淮通尚未入淮元帝時決

館陶屬大名又決清河靈鳴犢口今高唐州屬清河郡成帝時

決東郡金隄決平原溢渤海清河高唐州一帶信都今冀州唐

玄宗時決博州今東昌溢魏州今大名冀州五代時決鄆州

於鄆博之揚劉今東平涓之魚池宋太祖時決東

平之竹村開封之陽武大名之靈河澶淵太宗時決溢

縣滎澤頓邱泛于檀濮曹濟之州東南流至彭城界即今

徐入于淮自此河入淮真定時決鄆及武定州尋溢滑澶

濮曹鄆諸州邑浮于徐濟而東入淮仁宗時決開州館

陶神宗時決冀州考強大名州邑一合南清河以入淮

一合北清河以入海南渡後河上流諸郡為金所據金

獨受河患其上也始自開封北衛州決而入渦河南直

亳蒙城懷元時決衛輝之新鄉開封之陽武杞縣之蒲

遠之周



口崇澤之塔海莊歸德封邱諸界其臣建議疏塞若今  
會通河乃世祖所開以通漕運隨時救救而已當時九  
河逆河故道久已淪入于海滄州接平州程子以為止  
南山有名碣石者在海中去岸五百里今平原有馬頰  
河形在沙渠其迹尚可攷大伾之北不行矣我朝洪武  
中決陽武之黑羊山東經開封南至頓邱潁州潁上東  
至壽州正陽鎮全入于淮故道復淤永樂中疏濬稍引  
支流自金龍口入臨清會通河正統間又決滎陽天順  
間決祥符宏治間分流為二一自祥符經歸德至徐邳  
入淮一自金龍口黃陵岡經曹濮達張秋鎮入海尋命

重臣治築黃陵岡等口以塞張秋乃疏為二流一鑿蒙澤  
孫家渡至朱仙鎮經扶海通許壽潁諸州邑合渦河至  
于鳳陽亳州達淮一疏滑魯舊河由曹州出徐沛以通  
運河合淮俱入于海正德間決曹縣者再嘉靖開河歲  
為寇患屢遣重臣治未底績濫溢于金鄉魚臺出沛縣  
之飛雲橋南下徐邳十三年復塞由新聞趙皮寨口順  
流合渦河入淮故道今始復矣雍州之水自西近塞內  
玉門關至蘭州北東至華陰皆黃河繞帶又有弱渭注  
泗漆沮澧諸水弱水出吐谷渾界窮石山自張掖郡刪  
丹縣西至合黎山與張掖河合餘波入于流沙注出平

涼府岍頭山經西安府涇州汪陽至馮翊陽陵縣今高陵

入渭之出渭源縣鳥鼠山西北谷流入咸陽南至華陰

入河汭出隴州至蒲葦入涇漆出扶風古漆縣北經同

官至耀州南合沮：自方州昇平縣北子午嶺延安府宜君

出富平縣合漆澧出扶風鄠縣終南山亦東至咸陽俱

合渭同入于河冀州之水黃河自陝西：北來經古蒲

汾平之間又有汾衛漳恒衛沁諸水蔡傳以汾出山西

太原靜樂縣太岳即霍山至平陽府靈石縣東入河漳水

二一出上黨之沾縣大鵝谷太原府樂平名為清漳一出上

党之長子縣發鳩山屬潞安府今名為濁漳即衛水俱東

至河間阜城東光果入海恒水出真定之曲陽縣東入沕水至保定

之高陽縣入易水晁氏以西南流至真定行唐縣東流

入滋水南流入衡水衡出真定靈壽縣東至滹沱河恒

水在陝西者出吐谷渾界入臨洮因名洮水入于黃河

在真定者出衛輝府輝縣滏水出渾源州恒山南流入

真定之定州至保定高陽合易水易出代州經保定之

易州安州至高陽下與曹徐滋沙諸河合至雄縣南為

瓦濟河迤直沽入海滋則出大同府之靈邱縣迴山經

真保之行唐無極深澤諸縣東南流滹沱河出雁門代

州東流從真定至東鹿深州青縣合輝縣之衛河俱入

于海北京之水曰玉河出玉泉山經大內出都城注大  
通河至白河與蘆溝河合蘆溝河出大同府桑乾經太  
行山入今順天宛平縣界出蘆溝橋東南至省丹口分  
西流一至通州入白河一經固安武清縣至直沽與衛  
河合分南北入海白河出密雲流入通州與蘆溝河路  
河合潞河自塞外丹花嶺分流合螺山鮑邱諸水為東  
西二河俱合流入海沁水發太行山東北經輝縣合衛  
河入運又東南流下徐呂二洪合黃河入淮豫州之水  
黃河自山西蒲州平陸入境經河南之閩鄉靈寶陝澠  
池新安濟源孟津孟軻溫汜水武陟河陰原武滎澤陽

武中年祥符尉氏陳留通許杞太康睢寧歸德諸州縣  
至南直隸鳳陽亳縣合馬腸河城西北合潞河其支流  
有四大槩交錯于祥符尉氏扶海商水項城通許太康  
與南直隸壽州朱仙鎮之間或溢兗州出沛或合渦河  
入淮又有伊洛瀍澗滎波孟豬濟衛淮諸水伊出盧氏  
縣東南書傳以出熊耳此山在盧氏之西南入于洛出陝西冢崩山  
六經洛陽縣瀍山洛陽穀城山澗出澠池白石山經新  
安縣皆會于洛合流至鞏縣入河濟即沈水出懷慶府  
濟源縣王屋山二源分東西流歷虢公臺至溫縣入河  
復出其南溢而為滎即滎東出于陶邱之北在館陶又東

至于荷在今曹州地已涸東北會于汶即今汶又北東入于海

波為洛水別流孟澹在虞城西北濟之別流衛出河南

衛輝府輝縣從大名之內黃濬縣出與濬沱淇漳諸水

合臨清之會通河北流至直沽淮出唐縣東南經桐栢

山潛流山十里復東出經汝信東流會沂泗俱入海兗

州之水其地最下今曹魚為黃河下流又有濟濞濞雷

夏濞沮汶泗淄濞濟出河南濟源濞出濟南之長山縣

長白山西北流經章邱新城諸界濞出歷城縣入濟雷

夏濞在亳州雷濞縣濞沮二水之別流自陳留浚儀陰

溝至蒙為濞東入于泗出兗州之泗水縣陪尾山經

曲阜至濟寧分流南入徐州北入會通河又出鉅野受

沛水下流于睢即沮水文有三源至泰安州靜封鎮合

而為一在寧陽平陰汶上又西至東平州注于濟經東

阿濟寧入會通河淄水出今青州萊蕪縣原山達臨淄

東至壽光濞水出瑯琊郡今諸城經高密昌邑濞縣東北

俱入海荊州之水其澤數曰雲亭跨江南北八百里又

有江漢川九江沱潛江水發源于梁州四川之岷山青

城諸山之陽出今茂州文川縣東別為沱經叙瀘重夔

入瞿峽過巫山出湖廣夷陵州荊州至干東陵梁州府

合洞庭過漢陽府合漢水至黃州江西九江府合彭蠡

鄱陽經安慶池州太平應天諸府儀真通州入海漢出  
 湖口鄱陽經安慶池州太平應天諸府儀真通州入海漢出  
 陝西漢中嶓冢山之下始為峽道縣東源漾水東至武  
 都為漢道武東今武中州為滄浪之水道三澁即鄧州  
 府至于大別山今漢入江經黃州九江合鄱湖諸水同  
 趨入海九江孔氏以為潯陽非是沅辰漸元叙西澧澧  
 湘九水是為九江皆合于洞庭道巴陵合川水入武昌  
 合漢水東南下入揚子江衝北岸甚急與江水俱入于  
 海揚州之水北至於淮東南至於海東合江西江東諸  
 水經豫章之南潁汀吉合衡永長沙別派入袁州出臨  
 江會潁水入洪都合瑞洪所聚饒撫信南康諸水于鄱

陽今江西九江府蓋名其入口處與前江漢諸水同趨

建康今南蓋諸方水道所湊東南合蘓松常三郡水淮

而為震澤在吳縣南又吐納宣歙金壇宜興洮滬湖同

百瀆西來衆水而溢為三江吳江界于吳淞江震澤之

間去吳淞江七十里分東北流者為婁江東南流者為

東江其常之靖江則接建康之水入海北為北江通泰

至海門縣而入海所謂江漢朝宗者也禹時江淮未通

首賦沿于海至吳夫差與晉會盟黃池始開蘓之刊溝

今為運河自常之孟瀆鎮之京口以通于江自揚之

儀真六閘溝以通於淮隋因廣之今首賦皆自江淮以

達于京師也二廣古百粵漢交州部廣西之水一曰灘  
 江源出海陽山南流五里與永州湘水北分為二故曰  
 灘又名桂江合癸水至桂林城下合相思江入昭潭今  
 平樂府會平富樂荔臨賀諸水至梧州為府 一曰左  
 江又名藤江發源交趾至古邕州今思明府經容縣合  
 容江經藤縣合繡江經南寧之合江鎮與石江合入橫  
 州又名鬱江一曰右江又名黔江源出雲南廣南府之  
 富州西洋江入廣西田州經象州今柳合柳江至南寧  
 府之合江鎮與左江合二江合入潯州大藤峽出為潯  
 江貴州古羅施鬼國其水曰盤江源出四川烏撒府普

暢寨東經古夜郎地又為黔中隸牂牁郡今善東北下  
 流入安南衛經廣西泗州城入慶遠府烏泥江下合柳  
 江即為右江以上三江分合為二入梧州大江即漢武  
 使馳義侯發夜郎兵下牂牁江是也西流經廣東封川  
 德慶合肇慶之端溪江又名西江至番禺流入于南海  
 廣東省之東南皆大海其水一出惠州博羅縣西流者  
 為東江一出江西大庾嶺即梅嶺者為潯水漢武時楊  
 僕為樓船將軍始于南越出豫章下潯水者是也至韶之  
 英德為潯陽峽一出湖廣郴州經武岡南入南雄之樂  
 昌為武水又南為潯水合而為曲江過三水縣與西江

合即漢者牂牁江也皆合至南海縣入于海雲南古西南夷焚鳩地其人曰滇池周五百餘里出澱江嵩明盤龍寺江九十九泉源廣末狹若倒流者故名滇漢武欲伐滇國於長安穿昆明池象滇以習水戰故亦以為昆明誤也大理之葉榆河即西洱海及瀾滄諸江其流不出本省惟廣南西洋江則由廣西經右江入于海其四海之水北海極遠不可窮東北至於朝鮮東至于登萊東南至於閩浙島夷日本琉球南至交廣瓊崖又南至于安南占城真臘等夷國而西南至于交趾云

楊升菴集子產相楚：子享之賦吉日王以田江南之

夢注楚之雲夢跨江南北地故有南夢有北夢五代孫光憲號北夢本此治水有南浚北浚北浚在琅琊靈門南浚在九疑零陵冀州之浸曰潞有東潞西潞東潞今之張家灣潞河驛西潞山西之上黨也東陽今之金華西陽今之黃州山海經注東甌今之永嘉在岐海中西甌即閩越今之建安在岐海中山有東吳西吳西鎮吳山在龍州水有東漢西漢蜀有上雒下雒上雒新都下雒中江庸有上庸下庸

上庸金州  
下庸夔州





鎮遠府一貴州一貴州一貴州一廣西一府

永平府一雲南一永昌府

興化府一福建一福州府

西安府一陝西一西安府

保定府一河北一保定府

德安府一江西一九江府

順德府一廣東一廣州府

臨安府一浙江一杭州府

建寧府一福建一福州府

建昌府一江西一南昌府

武定府一山東一濟南府

歸德府一河南一開封府

南康府一江西一南安府

平陽府一浙江一溫州府

南寧府一廣西一南寧府

思恩府一廣西一慶遠府

鎮安府一陝西一西安府

嘉興府一浙江一杭州府

長沙府一湖南一長沙府

金華府一浙江一杭州府

下泗河馬驛 北直

國家圖書館, NATIONAL CENTRAL LIBRARY, TAIWAN, R.O.C.

邵武府 福建屬

漢陽府 湖廣屬

大同府 山西屬

南昌府 江西屬

寧國府 南直屬

楚雄府 雲南屬

思明府 廣西屬

平樂府 廣西屬

武昌府 湖廣屬

南陽府 河南屬

河間府 北直屬

大名府 北直屬

廣平府 北直屬

太原府 山西屬

成都府 四川屬

襄陽府 湖廣屬

遵義府 四川屬

鳳陽府 南直屬

真定府 北直屬

銅仁府 貴州屬

國家圖書館, NATIONAL CENTRAL LIBRARY, TAIWAN, R.O.C.

鳳翔 果府 一 陝西 一 即屬

平涼 果府 一 陝西 一 即屬

州名同縣者

新寧 州 一 廣西南寧府 一 果 三 廣西 一 夔州

永安 州 一 廣西平樂府 一 果 二 廣東 一 惠州 一 府

興安 州 一 陝西漢中府 一 廣西 一 桂林 一 府 一 江

新興 州 一 雲南 一 廣東 一 肇慶 一 府

寧海 州 一 山東登州府 一 浙江 一 台州 一 府

威遠 州 一 雲南 一 嘉定 一 州 一 果

保安 州 一 陝西 一 延安 一 府 一 果

安平 州 一 廣東 一 太平 一 府 一 果

桂陽 州 一 湖廣 一 衡州 一 府 一 果

嘉定 州 一 四川 一 馬湖 一 府 一 果

永康 州 一 廣西 一 太平 一 府 一 果

興國 州 一 湖廣 一 武昌 一 府 一 果

新化 州 一 雲南 一 臨安 一 府 一 果

開州 州 一 廣西 一 賓州 一 府 一 果 一 夔州 一 府

巴州 州 一 四川 一 重慶 一 府 一 果

祁州 州 一 直隸 一 保定 一 府 一 果

涇州 州 一 陝西 一 平涼 一 府 一 果

萬州 廣東 瓊州府

安州 北直 保定府

威州 北直 成都府

蒲州 山西 平陽府

絳州 山西 平陽府

曹州 山東 兗州府

州名同者

寧州 江西 南昌府 陝西 慶

通州 北直 順天府

趙州 北直 真定府

忠州 四川 重慶府

蘭州 陝西 臨洮府

縣名同者

新城 北直 保定府 浙江 杭州府

新安 北直 保定府 河南 河

東安 北直 順天府 廣東 羅

安化 湖廣 長沙府 陝西 慶

龍泉 浙江 處州府 江西 吉

定遠 南直 鳳陽府 雲南 楚

長寧 江西 贛州府 廣東 惠

國家圖書館, NATIONAL CENTRAL LIBRARY, TAIWAN R.O.C.

興寧二

湖廣惠州府

咸寧二

湖廣武昌府

寧鄉二

湖廣長沙府

寧遠二

湖廣永昌府

懷遠二

南直鳳陽府

安仁二

江西饒州府

安定二

陝西鞏昌府

樂安二

江西撫州府

樂平二

江西太原府

長樂二

福建福州府

歸化二

福建河州府

德化二

福建泉州府

昌化二

浙江杭州府

廣昌二

江西建昌府

新昌二

浙江紹興府

永福二

福建福州府

永豐二

江西吉安府

海豐二

山東濟南府

山陰二

浙江紹興府

山陽二

南直淮安府

國家圖書館, NATIONAL CENTRAL LIBRARY, TAIWAN, R.O.C.

清河二 北直廣平府

清平二 山東都勻府

鎮平二 河南潮州府

大寧二 山西平陽府

太和二 南直鳳陽府

華亭二 南直松江府

石城二 江西高州府

石泉二 陝西漢中府

東鄉二 江西撫州府

唐二 北直保定府

桃源二 湖廣常德府

三水二 廣西梧州府

建德二 浙江嚴州府

會同二 湖廣靖州府

上林二 廣西柳州府

衛名同者

藩陽六 左右二衛在京中衛在遠東中屯衛在山西潞

永寧三 一在延慶州永寧州一在福建泉州府

安東三 一在山東登州府一文登州一在陝西平涼府

國家圖書館, NATIONAL CENTRAL LIBRARY, TAIWAN, R.O.C.

蔚州二 一在山西大同府蔚州

鎮海二 一在福建漳州府漳浦縣

永昌二 一在隸陝西行都司

寧遠二 一在隸廣東都司

衛名同千戶所者

通州 一在順天府通州 一左衛 一右衛俱

定海 一在福建寧波府定海縣

靖海 一在廣東潮州府惠來縣

平海 一在福建興化府府

海寧 一在浙江嘉興府海鹽縣

海門 一在廣東潮州府海陽縣

海州 一在遼東都司

永平 一在永平府

歸德 一在河南歸德府

廣寧 一在廣西廣寧府

建昌 一在江西建昌府

新安 一在安徽安府

武平 一在福建汀州府

金山 一在松江府

興化 一在揚州府

興武衛一在京興武營千

安南衛一在隸貴州都司

雲山衛一在山東萊州府膠州  
一在廣東廉州府雲山縣

所名同者

安福二縣一在江西吉安府安福  
一在廣九溪衛

海安二縣一在浙江溫州府  
一在廣東雷州府徐聞縣

永安二縣一在福建定平府永安  
一在廣東廉州府永安

廣安二縣一在四川順慶府廣安  
一在湖廣柳州府桂陽縣

衛名與府州縣同而非其地者

武功左右中衛三親軍府有武功  
安親軍府有武功

永清左右衛親軍府有永清  
順天

濟陽衛親軍府有濟陽  
山東

大興左衛親軍府有大興  
順天

彭城衛親軍府有彭城  
徐州

大寧中前二衛親軍府有大寧  
順天

鎮南衛親軍府有鎮南  
雲南

大同中屯衛親軍府有大同  
山西

建陽衛親軍府有建陽  
福建

金鄉衛親軍府有金鄉  
山東

廣南衛親軍府有廣南  
雲南



永定衛 在湖廣岳州府有永定縣

威遠衛 在山西大同府有威遠縣

西寧衛 在陝西行都司有西寧縣

所名與府州縣同而非其地者

鎮安 在雲南永昌府有鎮安縣

長寧 在湖廣荊州府有長寧衛

大田 在湖廣施州府有大田縣

大城 在廣東潮州府有大城縣

萬安 在福建福州府有萬安縣

清平衛 在江西吉安府有清平縣

寧津 在山東登州府有寧津縣

海陽 在廣東潮州府有海陽縣

寧化 在福建汀州府有寧化縣



郡國利病書卷之二

北直 疆域形勢

今之畿甸古之冀州也考古冀方分為幽并廣博遠濶一倍於雍豫三倍于青兗荆揚梁益迥莫與儔詎如後世提封之有四履者乎畿甸又幽并地也遼東二千里跨有四州亘及三國東無疆而疆以渤海西無域而域以太行南襟大河北屏乾嶽亦猶一家之有戶壁焉尔疆域云乎哉而形勢家且斤斤于設險之說焉古人云天子守四裔在德不在險似可置而勿道乎輿氏又曰天時不如地利殆難與縱橫之談可一切吐棄者已明

劉侗有言曰建都于燕北宅南嚮威外福中玉食航輦  
盖用西北之勁以制東南之饒亦用東南之饒以養西  
北之勁饒勁各異勢長在我又曰中宅天下不若虎眠  
天下虎眠天下不若挈天下為瓶而身抵其口故洛不  
如閩也閩又不如薊也盖守洛必以天下守閩必以關  
守天下必以薊斯誠諳於形勢之大較者歟間嘗東抵  
榆關西臨雁塞南游河洛王屋之間北眺宣雲大漠之  
野瞭然于帝京形勢之雄以壯也太行岷函谷起西  
南以趨東北壇坫逶迤條閃騰躡如屏擁如襟抱二千  
里而大會于碣石形家以為盡龍占者以為王氣故千

峰奔會群梯趾于蓬瀛萬派淵溥共息肩于鼉柱詢所  
謂斗拱天心帶環地脉者乎獨餘陽一面曠周原  
酌禹甸受梯航來玉帛勢誠敞焉乃有黃流在中九  
折而歷雍豫萬里以迄東南曲流曲抱當其由豫  
而魯由魯而齊由齊而海也收太行之左氣攬恒嶽之  
全龍既周且密加以衛漳遠于魏北滹沱界乎趙中拒  
馬桑乾際漾于燕南悉匯天津合襟入海左有輔右有  
弼背有倚面有朝宏龐完固不更彰耶朱紫陽曰天  
下好風水第一在英州宜其然乎即以形勢論由燕而  
達四國者行皆周道由四國而達燕者在皆要津

君國刑鼎書 卷二  
履道坦、將軍不用從天維石巖、井陘誰能列騎蹶  
上游而制人限天塹而守我文德可來武功可競蓋信  
劉侗之說亦爲摩也

周宏祖燕京論

燕京辰山帶海有金湯之固真定以北至於永年閘口  
不下百餘而居庸紫荆山海喜峰古北黃花險阨尤著  
故薊州保定重兵屯馬白山後諸州棄以予敵則居庸  
之外即宣府為藩鎮廣平以南水陸畢會于臨清而天  
津又海運通衢也其防禦之勢山西行都司其常衝萬  
全都司蕪其背大寧都司蔽其備薊州守備斷其徑萬  
全都司一衛一所蔽山西行都司之境以為瞭遠之兵大  
寧都司五衛一所蔽冀州守備之境以為夾持之法秦  
漢備邊所急在西北上谷北平為緩我朝所急在東

北甘肅寧夏為緩秦漢急西北故秦塞起臨洮漢武置朔方緩東北也 神京以遼東為左臂宣大為右臂古北口永寧居庸為腦後遼東限以山海宣大隔之居庸惟大寧淪失 天壽與異域為隣宣府與遼東隔絕腦後之防蓋甚疎矣說者欲規復大寧此豈可易言哉養威蓄銳觀釁俟時可也其他如遂城西北之年山保州西北之柏山保安之八角口定州之北岩與夫石舅寧坊冶山等處皆臨制中原之道然山川形勢與 京都大是向背苟屯兵聚眾必死以守未易當也此外自安順東至任邱二十里川壘溝瀆葦泉縱橫地類天守又東北至雄州三十里又東至霸州七十里又東抵海口營田圩岸集水淤潴地類天陷又自順安至安肅約五十里葦草叢茂地類天羅凡此皆兵家所忌過潞更盛未易進矣乃建康徐淮臨德之間似當練兵儲將可備緩急遣發無徒藉手於北可也

勞堪京都形勢說

本朝之都燕也蓋與古不同稍難於周漢而大勝于東漢趙宋矣夫周漢建都西北地資建瓴之險人藉風氣之勁天下莫之迫焉東漢宅雒已失全勢宋人指燕雲則又無限胡之防故卒不能為守我朝却燕雖風氣之稟士馬之強不及周漢然據險防胡居外馭內其視周漢一也故自其常論之則京後為最急宣大次之遠東次之陝西又次之去京有遠近也夫京後為最急則大寧之內從三衛之盤据不可不講也宣大次之則獨石之孤懸豐勝之淪沒不可不講也講大寧則

宣薊無阻隔而遼東之右臂伸講豐勝則山陝有交應而甘肅之左臂伸此立國之宏規保安之上畫也而永樂宣德之間但知兀良哈之誠款開平之報遠豐勝之下口不立甘心棄土畧不顧惜得非往事之恨乎自其度論之則大寧不可復而京後之重垣宜設定遠不可合而花當朵顏之交構宜防開平東勝已窮異域而宣大之士馬不可一日忘戰而成化宏治之間但知火篩之通貢山海之征商宣大之鑿壘築敵臺京後之防一不措之籌策又非往事之恨乎夫始也藉開創之威東斥大寧西闢豐勝無難也繼也藉生養之富大垣

京後盛兵宣大無難也時日因循不以為意愉玩既久釁孽乃生敵犯太原則增忻代澤潞之兵而乘寧雁之塞敵犯洪蔚廣昌則乘宣府之塞而弛東北之防夫阻太原之寇在力戰于大同偏頭之間恤洪蔚之擾當不忘乎潮河川黃花鎮之備增忻代澤潞之兵則度支急弛東北之防則畿輔震近年之經營得微小有過乎嗟夫白刃在前不顧流矢敵既目宣大矣垣宣大可也明哲所燭防患未然因垣宣大而併垣京後亦可也精薪必燃旁川必決以宣大為餌而先垣京後亦可也悉力宣大置京後不講則所謂輕重緩急之間失權



多矣嗚呼往有恨無能追也近有過六幸無大夫也今  
宣大之垣役告成而降水之荼毒極慘慄矣大城京  
後以奠金湯宣大以戰而為守京後以守而為戰宣  
大遇秋則乘塞餘時有人與之戰京後有警則乘塞  
餘時分為番休以習禁軍之勞逸斯皆所謂即體酌用  
備形勢之道也

漢之邊在北長安去朔方千餘里唐之邊在西去吐蕃  
亦幾千里今京師北抵居庸東抵古北口西南抵紫荆  
關近者百里遠不過三百里居庸則吾之背也紫荆則  
吾之喉也卒有急則搯吾之喉而拊吾之背

燕之山石塊壘危峰雄特水冽土厚風高氣塞其草木  
皆強幹而豐本蟲鳥之化亦勁連翮轟而矚然迅飛  
也以故負樛之粹蒸為噴豪上之人文雅沉摯而不粗  
於浴感時觸事則悲歌慷慨之念生焉其猶燕丹遺烈  
哉以至閭巷備販之夫亦莫不堅悍不屈矧然以急人  
為務無闡首帖窳之習此其善也然而風會之趨人情

之化始未嘗不樸茂而後漸以瀉其流益甚焉大都薄  
骨肉而重交游歎老成而尚輕銳以晏遊為佳致以飲  
博為本業家無擔石而飲食服御擬於巨室囊若懸磬  
而典妻鬻子以佞佛進香甚則遺骸未收即樹幡疊鼓  
宗朝雲集德化陵遲民風不競此詎可令晉太傅規  
馬政 先輩謂馬政賦之于民不若買之邊買之于  
邊不若養之于官戎 祖宗參用三法至善也然而牧  
地有廣狹而民病飼養有厚薄而馬病民困于牧芻馬  
疲於僱賃而人馬俱病此寄養之馬竟孽息之不加而  
冀北之羣皆歎院之不若也

順義志馬政 按正統十四年八月 上北狩十一月  
虜退十二月令順天府所屬州縣寄養各處起解馬匹  
計糧分俵此吾縣養馬之始原脩 京師倉猝警報耳  
事寧之後馬不復散宏治壬子題准十年審編一次嘉  
靖丙戌改審五年大略地一頃養馬一匹其為民累乙  
丑順御史廷對題請每匹派地二頃合縣原額一千九  
百二十三匹隆慶間併為一千八匹民猶不支多乘夜  
繫馬於縣坊而逃萬歷庚辰馮侯夢元減定馬數六百  
七十二匹十三年崔侯淳比甯城三河亭例乞行減數  
蒙奉道于屯院周 題請減去一百七十六戶每馬一

昌平州志 卷之二  
匹湊折金地四頃九十畝零歲貼草料銀六兩額編四百九十六戶

昌平州志 嘉靖四十二年順天府尹高平王公國光因編審目擊時弊考之會典參之部牒較郡邑繁簡難易復詢民情之苦樂更定賦役書冊減去橫征糧三千餘金省冗役六十餘兩

涿州志 燕地高塞土宜桑枣桑之葉大於齊魯枣實小而多肉甘于晉魏然絲之產不多而棗不流于他境者民情故也宏治四年知州張遜承巡撫秦公令取官田之沃行者遂築四圃課桑甚棗核若干斛俾善于種

藝者培壅灌溉歲得桑棗數萬本令民及時移植私田久之漸有成效

大學衍義補

臣按自古建都者皆於四近之地立為輔郡所以為京師屏蔽也漢以京兆左馮翊右輔風為三輔唐亦以華州同州鳳翔為輔而宋初未遑建立至于徽宗時六于畿郡立為四輔焉每輔則屯兵二萬人為額我朝建國江南于鳳陽屯重兵凡京師軍皆散於江北滁和等處為屯田雖不名輔而儼有藩屏之意太宗皇帝自北平入正大統遂建都于此其初猶以行在為名而立一行部以總之其後編立五府六部大小衙門如舊制凡京衛之兵皆分其半以來并起江南富民以寔

之而去其行在之名則是萬二年不拔之基永定于此矣然而畿甸之間猶未有輔郡蓋有待也臣按漢唐宋之輔郡皆因郡治而立之建置則以形勝要害為固蓋漢唐都長安宋都汴梁皆去邊地遠遠非若我朝都燕則自以都城為北邊捍蔽北京近而東次之南又次之而南為最遠焉請如漢唐宋故事之為輔郡以宣府為北輔因現舊而以番守之軍俾守國之北門其東也以永平為輔以守松亭一帶闕隘及扼遼左要害其西也以易州為輔或真定以守紫荆一帶闕隘其南也則以臨清為輔坐鎮滹河而總扼河南山東之衝又

自此而南北兵于徐州以通兩京之咽喉每處屯重兵一二萬量其輕重緩急以多寡其數罷兩直隸河南山東上京操備班軍因近屯守以為京師之屏蔽遇京師有事則調發焉夫自古為國者必因內以蔽外居重以馭輕譬則人之家居必有藩籬墻壁然後室家堅固內呼而外應若設閨扃然有所動于中而四面之機畢應之然後盜之利吾財者不敢輕侵犯焉近年以來起調兩直隸河南山東軍赴京上班操備半年一替方其新班既起而舊班未回城池雖設而隊伍空虛者有之幸而無事則已萬一有不逞之徒乘虛為亂將何以

支持之備立為輔郡因近屯守則軍士遂室家之願而  
生息日蕃 國家有轉輸之勞而調發易集邊方足備  
禦之具而闕隘有守如此則都城鞏固 宗社真安矣  
萬一臣言可採見之施行其于 國計不為無補  
自古國都於其近郊必有牧馬之所其間必積芻豆以  
為飼餼之具方無事時資以牧育固為近也然世道不  
能常泰而意外之變不可不先為之慮金人犯宋嘉人  
導之屯兵於其近郊之年駝岡藉其芻飼其馬以為久  
駐之計此往事之明鑒也矧今 國都去邊伊邇已已  
之變倉卒用言者計然芻芻豆何啻千萬當時見者莫

不悔惜然事已即休無復有以為言者竊惟都城東北  
鄭村壩二十四馬房其倉塲所儲積者如京如抵請于  
無事之時即其地築為一城以圍護其積聚及移附近  
倉塲成聚其中就將騰驤等四衛官署軍營設于其中  
特勅武臣一旬于此鎮守仍司羣牧四衛官軍不妨  
照舊輪班內直下直回城屯住是亦先事而備之一策  
也

范守已燕譚

輟耕錄云元初有望氣者言其地某山有天子氣金主謂元主曰請以某山歸我元主許之金乃發卒十餘萬一夕鑿其山輦致于燕置於北郭外及元得燕京改築城郭其山遂在大內後于山上建蓬萊仁智諸殿為遊觀之所據此則今禁中萬歲山是也在金為郭外地則金之城邑當在今都城南矣乃北安門內有蕭太后樓考其地又在山而北豈遠之都邑在今城北耶不知置山石時有此樓否有則不應棄於野外若先無而後構則非遠氏故物矣曰蕭太后樓妄也

上谷郡圖經曰黃金臺在易水東南十八里昭王置千金其上以延天下士梁任昉曰臺在幽州燕王故城中土人呼為賢士臺亦為招賢臺按史記昭王為魏改築宮師事之新序亦言築宮不云築臺至後漢孔融始言昭王築臺以延魏不知何據然亦不言金臺也酈道元水經注云固安縣有黃金臺言金言臺不言在燕王城中今都城東南十有六里有黃金臺後人偽為爾都穆遊西山記曰甕山之陽有元卽律梵村墓其西數百步有玉泉山金章宗嘗建行宮今廢山北麓鑿石為螭頭出泉醕為池所謂玉泉東流入湖經大內注都城

東南入大通河按金史有宛平縣有玉泉山行宮玉泉之名其來久矣

李西涯云西湖方十餘里有山趾其崖曰甕山其寺曰圓靜又三里為功德寺其南路盡乃有玉泉散為溪池池上有亭 宣廟巡幸駐蹕處又一里為羊巖寺又二十里為香山樓臺殿宇與石高下其絕頂勝甕山其泉勝玉泉按金李晏有碑云西山蒼々上干雲霄重岡疊翠來朝皇闕中有古道場曰香山上有一大石狀如香爐蝦蟆有泉自山腹下注溪谷六號小清溪是香山之勝亦非一日矣



盧溝或謂盧海即盧龍之水按水經注云濕水東逕下  
洛縣故城南又東左得于延水又東過涿鹿縣北南至  
馬陘山謂之落馬河又南入山瀑布飛梁懸河注壑瀨  
瀨十丈許謂之落馬洪自南出山謂之清泉河又東南  
逕良鄉縣之北界歷梁山南高粱水出焉又東過廣陽  
薊縣南又東與洗馬溝水合又東南高粱之水注焉又  
東至漁陽雍奴縣入于苟溝魏氏土地記曰清泉河上  
承桑乾河東流與潞河合考之水經溫水與桑乾異源  
同流又會如渾水合為一河逾山而東別名清泉河是  
盧溝之本名也其稱盧海者以至宛平縣境內從葫蘆  
溝東南入潞故爾

昌平志云高粱河自并州黃河之別源東逕州治沙澗  
又東南逕高粱店入都城海子按水經注高粱水出薊  
城西北平地泉東注逕燕王陵北又東逕薊城北又東  
南流入濕水魏氏土地記曰薊東一十里有高粱之水  
是高粱水不出并州也况可云黃河之別源乎

詩韓奕云溥彼韓城燕師所完王錫韓侯其進其貺奄  
受北國朱傳謂為陝西韓城縣水經注云聖水東過良  
鄉縣南又東過長鄉縣北又東逕長興城南又東逕方  
城縣故城又東南逕韓城東詩所謂溥彼韓城者也王

肅曰今涿郡方縣城有韓城世謂寒號亦也觀此則非  
陝西之韓城矣水經注又云溫水逕良鄉縣之北界歷  
梁山南高粱水出焉是涿郡亦有梁山也詩所謂弈  
梁山正指此言之矣不然馮翊去燕二千餘里燕師曷  
得遠離鄉土築城於彼耶必不尔矣

世言易州有涑水余每過保定北不知何為涑水及查  
水經言巨馬水出代郡廣昌縣涑山注云即涑水也東  
逕迺縣又東南逕容城縣北督亢滹水注之督亢滹受  
涑水出涑谷東南逕迺北又東逕涿縣樓桑里南又東  
逕督亢澤苞方城縣謂之督亢水又南謂之白滹水南

逕廣陽亭西又南入于巨馬水則今之白滹河其涑水  
之支流也涑水正流自涑谷西南出漸微不復成川至  
迺縣北重源再發結為長潭謂之渠水亦名巨馬水又  
東南逕范陽縣故城北易水注之易水出涿郡故安縣  
西山寬中谷歷武夫閨東出是兼武水之稱故燕之下  
都擅名武陽矣又東逕故安城南謂之故安河又東過  
范陽縣故城東與濡水合亂流入涑自是易水與諸水  
互揖通稱東逕容城縣故城北滹滹東注至平舒縣與  
代之易水合代之易水出代郡廣昌縣東南即山東逕  
西故安城又東縣過武遂縣南新城縣北又東范陽故

水入之范陽波南通梁門淀東南流注易謂之范水易水自下有范水通曰又東逕范陽縣故城南又東逕容城縣故城南王莽更名深澤矣又東逕渾渥城南東合涇水自下涇易通稱矣又東逕易縣南太子丹至荆軻處又東至文安縣與雩池合是謂之南易至平舒縣與北易合東逕東州縣東南入于海是涿水與二易水異源同委通名互稱矣今之流離河疑即北易而南易在新城縣北下經深澤文安疑今之胡梁河也

### 穀山筆塵

唐都長安每有寇盜輒為出奔之舉恃有蜀也所以再奔再北而未至亡國亦幸有蜀也長安之地天府四塞辟如堂之有室蜀以膏沃之土處其闔闢如室之有奧風雨晦明有所依而蔽焉蓋自秦漢以來巴蜀外為府而唐卒賴以不亡斯其效矣今日燕京之形辟如扇底端拱坐於堂皇之上南面而臨天下形勝則甚偉矣然而勢有所不足者有堂而無室况奧安之間耶金虜節要曰燕山之地易州西北乃金坡關昌平縣之西乃居庸關順州之北乃古北口景州之東北乃松亭

閘平州之東乃榆關榆關之東即金人來路也此數閘皆天造地設以為華夷之限今皆在京師之背若首尾然可謂天險矣金坡函即紫荊固榆關即山海松亭不知何在

三國時遼西烏桓以袁尚兄弟入塞曹操將討之乃鑿二渠以通運一自潯沱入泃水謂之平虜渠一自洶口入潞河謂之泉州渠以通海運說文泃水出雁門後入戎夫山東北入海水經洶水出無終西山西北流至平谷又南流入于潞河又東合泉州渠口曹操所築也渠東至樂安亭南與瀘水合入海按二水當時通漕以割

遼左所謂平虜渠者在今都城之南疑即潯沱入運處也惟泉州渠乃在京北而東入遼海不知定在何處若因其遺跡通之以餽平虜遼西亦一便也泉州故城在幽州雍奴

汪道昆輔兵議

自古畿輔之地必設重兵所謂強幹弱枝隆上都以觀萬國者也我國家京營之弊未易更張環顧三輔之間尺籍僅二耳昌平捍邊圉陵寢在焉世宗帝命大將軍昌平旋以罪議罷顧畿內巡撫秋駐昌平載在 璽書迄今未改昌平故隸霸州兵備道項復設專道治其兵隆慶初言官上言兵事請昌平團游兵三萬召兵部侍郎譚某總兵戚某專練之先帝嘉納其言召兩人者至議增兵增餉議格不行尋以薊昌屬此兩人僅出中策幸而兩人者同心戮力完善邊防比及

數境外無犯其後輔臣建議增置兵部侍郎二人一守  
昌平一守通州青以防敵誠知昌平地重宜必重為之  
防得時而行蓋有待于今日耳迨者薊昌以保禦得策  
宣大以 貢市弭兵九邊宴然胡馬不敢南牧議者方  
欲休兵捐餉以紓大農似也不佞通計竊以為不便我  
國家用夏變夷自昔一以邊備為急以 前師而視  
薊昌宣大皆在肩背肘腋間則視九邊尤急矣竊年  
內握勝算外藉壯猷財力畢殫卒鮮底績即其弊未  
可縷指其大較有兩端畫地而守聲援不通一弊也無  
所不備則無所不窳二弊也夫匈奴雖強不過中國一

縣計彼控弦十萬其餘復何能為通計九邊之鬥士且  
什倍之曾何負於敵顧今督府相望鎮撫比隣 朝廷  
分信地而責成之使各保其境內然或聚敵數萬直趨  
一隅一隅敢戰之兵曾不足以當其什一所謂無所不  
寡是也既分信地曾何患于其隣束手而坐視之不啻  
秦越敵之始至既不能併力而扼其方張及其情歸又  
不能出奇而乘其既敝所謂聲援不通是也甚或以隣  
壑為賂敵而嫁禍于鄰弊也久矣不佞之閱薊師也薊  
分十一路將士各士各分區使徒藉此以待敵來敵  
且乘之矣謀者得敵方嚮則當敵者為主諸將悉自遠

近赴之磨之常山之蛇首尾相應向敵犯大水谷少師  
楊公帥諸部却之率用此也薊昌亡論矣宣大相距不數  
百里猶之唇齒輔車借使敵犯宣府則宣府為主大同赴  
之敵犯大同則大同為主宣府赴之通力合謀交相重  
矣敵果數能得志乎其未即由二鎮而觀之則四鎮可  
知己為今之計請通四鎮之勢而懸衡其間設輔兵六  
萬軍昌平左右顧以伺敵便四鎮之謀者皆能深入敵  
地畢得敵情縱或大舉必先旬日知之自此勒兵長驅  
可一當敵如敵犯薊則薊主兵守以待戰而輔兵赴戰  
以協守如犯宣大亦然乃若因時制宜戰守互用悉在

主將即如薊昌可戰之兵不啻八萬以輔兵六萬合之  
則十四萬有奇即敵大舉而來而吾十萬之師足以制  
勝宣大故有敢戰之兵自今部署而訓練之當不在薊  
昌下即出宣大亦得十四萬有奇以戰則勝以守則固  
事之必至者也藉令分犯四鎮敵勢必懸各鎮全力足  
以應之即分遣輔兵以為之援無不可者夫東西一舉  
不餘萬衆豈直足以禦敵而已哉俟其聲勢既振部曲  
既明技擊既精心力既一猶之肩背臂指伸縮自如敵  
有不庭因而討罪即東搏東敵西控西酋惟上所命耳  
我 國家威德遠甚 成祖蓋先為之乃命復以堂

正之師一收犁庭掃穴之績敵將辟易不暇寧復有  
他由是而放馬休兵以紓國計簡十萬以張禁旅減  
半額以成各邊樞武備文萬世之利也用是謹條四事  
仍以二議足之然惟因兵為兵無甚高論方今君相  
一德文武一道中外一心此所謂千載一時難得而易  
失者矣不佞祇事行役竊自比于獻曝之忠皇天然誠  
懼失時要非好從事者也高明幸察

水利

元史 世祖至元三年十一月戊戌瀕御河立漕倉十  
九年十月由大都至中滦中滦至瓜州設南北西漕運  
司二十六年五月辛丑御河溢入會通渠渠東昌民廬  
舍七月辛巳閩安渠成河渠官言閩魏博之渠以通江  
淮之運古所未有詔賜名會通河置提舉司職河渠事  
英宗至治三年二月己巳脩廣河惠插十有九所  
泰定帝泰定二年閏月己巳脩濬沱河堰四年正月丁  
卯復會通河



御河自大名府路魏縣界經元城縣泉源御于村度南  
北約十里東北流至包家渡下接館陶縣界三口御河  
上從交河縣下入清池縣界又永濟河在清池縣西三  
十里自南皮縣來入清池今呼為御河也至元三年七  
月六日都水監言御河二千餘里漕公私均皆為利甚  
大自兵興以來失于脩治清州之南景州以北頓闕岸  
口三十餘處淤塞河流十五里至癸巳年朝廷後夫四  
千脩築浚滌乃復行每今又三十餘年無官主領滄州  
地分水面高于平地全藉隄堰防護其園圃之家掘堤  
作井深至丈餘或二丈引水以溉蔬花復有瀕河人民

就堤取土漸致缺破走洩水勢不惟淤行毋妨糧運或至漂民居沒禾稼其長蘆以北索家馬頭之南水內暗藏椿樑破舟船壞糧物部議以瀕河州縣佐貳之官兼河防事于各地分巡視如有缺破即率眾脩治拔去椿樑仍禁園圃之家毋穿堤作井栽樹取土都省准議七年省臣言御河水泛武清縣役夫一千疏濬至大元年六月二十九日左翼屯田萬戶府呈五月十八日申時水決會川縣孫家口岸約二十餘步南流灌本管屯田發軍民併工築塞十月大名縣濟州言七月十一日連雨十七日清石二河水溢李家道東南橫流詢社長高

高良輩稱水源自衛輝路汲縣東北連本州淇門西舊黑蕩泊溢流出岸漫黃河古泲東北流入本州齊賈泊復入御河漂及民舍擬差官巡治 延祐三年七月滄州言清池縣民告往年景州吳橋諸處御河水溢衝決隄岸萬千戶奴為恐傷淇屯田差軍築塞舊泄水郎見口故水無所洩浸民廬及已熟田數萬頃乞遣官疏闢引水入海及七月四日決吳橋縣柳斜口東岸三十餘步千戶移僧又遣軍開塞即兗口水壅不得泄必致漂蕩張管許河蓋村三十餘村黍穀廬舍四年五月都水監遣官與河間路官相視元塞即兗口東西長二千五

步南北濶二十尺及隄南高一丈四尺北高二丈餘復  
按視卽兇口下流故河至滄州約三十餘里上下古蹟  
寬濶乃減水故道名曰盤河今為閘閘卽兇口增浚故  
河決積水由滄州城北達薄沱河以入于海泰定元年  
九月二十八日興工十月二日工畢

滌河大德五年平滌路言六月九日霖雨三十五日夜  
滌河與肥沁三河並溢衝圯城東西二處舊護城堤東  
西南三面城墻橫流入城滌郭外三閘瀕河及在城官  
民屋廬糧物沒田苗溺人畜死者甚衆而雨犹不止至  
二十四日夜滌漆肥沁諸水復漲入城餘屋漂蕩殆盡

乃委吏部馬員外同都水監官備之東西二隄計用工  
三十一萬一千五百泰定二年永平路屯田總管府  
言馬城東北五里許張家莊龍灣頭在昔有司差夫築  
隄以防溢水西南連清水河至公安橋皆本屯地分去  
歲霖雨水溢田苗終歲無收方今農隙若不預備必致  
為害工部遺文都水監督令有司差夫補築

河間河在河間路界泰定三年三月都水監言河間路  
水患古儉河自北門外始依舊疏通至大城縣界以洩  
上源水勢引入蓋河古陳玉帶河自軍司口浚治至雄  
州歸信縣界以導淀滌積潦注之易河黃龍港自鑄井

口開鑿至文安縣玳瑁口以通滌水經火燒淀轉流入海計河宜疏者三十處總役三萬三十日可畢是日有臣奏准于傍近州縣發丁夫三萬先請古陳玉帶河尋以歲旱民飢後興人勞罷後年登為之

治河在真定路平山縣西門外經井陘縣流來本縣東北十里入滹沱河元貞元年五月十八日丞相完澤等言往年先帝嘗命開真定治河已發丁夫人後適值先帝昇遐以聚衆罷之今請遵舊制俾卒其事從之皇慶元年七月二日真定路言龍花判官莊諸處壞堤計工物申請省委都水監委官相視會計脩治總計治河始

自平山縣北關西龍神廟北獨石通長五千八百六步共役夫五千為工十八萬八百七十無風雨妨工三十六日可畢史詳

滹沱河源出西山在真定路真定縣南一里經藁城縣北一里經平山縣北十里家守記載徑靈壽縣西南二十里此河連貫真定諸郡經流去處皆曰滹沱水也延祐七年十一月真定路言真定縣城南滹沱河北決隄寢近城每歲脩築聞其源本微與治河不通後二水合其勢遂猛屢壞金大隄為患本路達魯花赤哈散于至元三十年准引闢治河自作一流滹沱河水十退三

四 至大元年七月水漂南閘百餘家淤塞冶河口其  
水復濇河自後歲有潰決之患 泰定四年八月七日  
省臣奏真定路言濇沱河水連年泛溢為患其源自五  
臺諸山來至平山縣王母村山口下與平定州娘子廟  
石泉冶河合夏秋霖雨水漲瀰漫城郭每年勞民築堤  
莫能除害宜自王子村辛安村鑿河長四里餘接魯家  
灣舊濇復開二百餘步合入冶河以分殺其勢從之

泰定  
帝紀同

會通河起東昌路須城縣安山之西南由壽張西北至  
東昌又西北至于臨清以逾于御河至元二十六年壽

張縣尹韓仲暉太史院令史邊源相繼建言開河置牌  
引汶水達舟於御河以便公私漕販省遣漕副馬之貞  
與源等按視地勢高度工用于是圖上可開之狀詔出  
精幣一百五十萬緡米四百石益五萬斤以為備直備  
器用徵旁近丁夫三萬驛道斷事官忙速兒禮部尚書  
張孔孫兵部尚書李處巽等董其役首事于是年正月  
己亥起于瀆城安山之西南止于臨清之御河其長二  
百五十餘里中建牌三十有一度高低分遠迤以節蓄  
洩六月辛亥成凡役工二百五十一萬七百四十有八  
賜名曰會通河二十七年省以馬之貞言霖雨岸崩河

道淤淺宜加脩濬奏撥放罷輸運站戶三千專供其役  
仍俾採伐木石等以充用是後歲委都水監官一員佩  
分監印率令史奏差濠寨官往職巡視且督工易牌以  
石而視所捐緩急為後先至泰定二年始克畢事會通  
鎮牌三土堤二在臨清縣北頭牌長一百尺濶八十尺  
兩直身各長四十尺西雁翅各斜長三十尺高二尺濶  
空濶二丈中牌南至隘船牌三里長廣與上牌同隘船  
南至李海務牌一百五十二里牌空濶九尺長廣同上  
土壩二李海務牌南周家店牌一十二里長廣與會  
通鎮牌同周家店牌南至七級牌一十二里長廣與上

同七級牌二北牌南至南牌三里長廣如周家店牌南  
牌南至阿城牌一十二里長廣北牌阿城牌二北牌南  
至南牌三里長廣同上南牌南至荆門北牌一十里長  
廣上同荆門牌二北牌南至荆門南牌二里半長廣同  
南牌南至壽張牌六十三里長廣同北牌壽張牌南至  
安山牌八里安山牌南至開河牌八十五里開河牌南  
至濟州牌一百二十四里濟州牌三上牌南至中牌三  
里中牌南至下牌二里下牌南至趙村牌六里趙村牌  
南至石佛牌七里石佛牌南至辛店牌一十三里辛店  
牌南至師家店牌二十四里師家店牌南至棗林牌一

十五里枣林牌南至盩陽泊牌九十五里盩陽泊牌南至金溝牌北十里金溝牌南至隘船牌一十二里沽頭牌二北隘船牌南至下牌二里南牌南至徐州一百二十里三汊口牌入盩河南至土山牌一十八里土山牌南至三汊口牌二十五里入盩河兗州牌峒城牌延祐元年于沽頭置小石牌一止許行百五十料船禁約二百料之上船不許入河行運至治三年議于金溝沽頭兩牌中置隘牌二各濶一丈以限大船若欲於通惠會通河行運者止許一百五十料違者罪之仍沒其船其大都江南權勢紅頭花船一體不許來往准擬折移

沽頭隘牌置于金溝大牌之南仍作運環牌其間空地北作滾水石堰水漲即開大小三牌水落即銅閉大牌止於隘牌通舟果有小料船及官用巨物許申稟上司權開大牌仍添金溝牌板積水以便行舟其沽頭截河土堰依例改脩石堰盡除舊有土堰三道金溝牌月河內新建滾水石堰長一百七十尺高一丈濶一丈沽頭牌月河內備截河堰長一百八十尺高一丈一尺底濶二丈上濶一丈

文宗紀至順三年七月乙亥命僧于鐵幡竿脩佛事郭守敬傳大德二年召守敬至上都議開鉄幡竿渠守敬

秦山水頻年暴下非大為渠堰廣五七十步不可執政  
吝於工費以其言為過縮其廣三之一明年大雨山水  
注下渠不能容漂沒人畜廬帳幾犯行殿成宗謂宰臣  
曰郭太史神人也惜其言不用耳

世祖紀至元二十六年四河庚午沙河決發民築堤以  
障之 七月癸卯沙河溢鐵燈杆堤決

王思誠傳起大中大夫河間路總管磁河水頻溢決鉄  
燈杆鉄燈杆真定境也召其邑吏責而懲之遂集民丁  
作隄晝夜督工晷日而塞復築夾堤于外亘十餘里命  
瀕河民及弓手列置草舍于上擊木以防盜決是年民

獲耕藝歲用大稔乃募民運碎甃治郭外行道高五尺  
廣倍之往來者無泥塗之病

劉德溫傳授通議大夫永平路總管深滏二水為害有  
司歲發民築堤德溫曰流亾始集而又役之是重困民  
也遂罷其役而水亦不復至



元泰定中虞集為翰林直學士進言曰京師之東瀕海數千里北極遼海南瀆青齊荏葦之場也海潮日至淤為沃壤用浙人之法築堤捍水為田聽富民欲得官者合其衆分受以地官定其畔以為限能以萬夫耕者授以萬夫之田為萬夫之長千夫百夫亦如之察其惰者而易之三年後視其成以地之高下定額以次漸征之五年有積蓄命以官就所儲給以祿十年不廢得以世襲如軍官之法

至正十二年丞相脫脫言京畿近水地召募江南人耕種歲可收粟麥百萬餘石不煩海運京師足食後之于

是西自西山南至保定河間北抵檀順東至遷民鎮凡  
係官地及原管各處屯田悉從分司農司立法佃種合  
用工價牛具農器穀種給鈔五百萬錠合倍良哈台烏  
古孫良補並為大司農卿又于江南召募能種水田及  
脩築圍堰之人各一千名為農師降空名添設職事物  
牒十二道募農夫一百名者授正九品二百名正八品  
三百名從七品就令管領所募之人所募農夫每名給  
鈔十定由是歲乃大稔

### 大學衍義補

今國家都於燕京之東比瀕大海煙火數千里居民稠  
密當此全安極盛之時正是居安思危之日乞將虞集  
此策勅下廷臣計議特委有心計大臣循行沿海一帶  
專任其事仍令先行闕浙瀕海州郡築堤捍海去處起  
取士民之知田事者前來從行相視可否詳究利害處  
置既定然後召募丁夫隨宜相勢分疆定畔因其多少  
以官職一如彙集之策臣嘗聞闕浙之人言大凡瀕海  
之地多鹹滷必得河水以蕩滌之然後可以成田故為  
海田者必築堤岸以圍鹹水之入疏溝渠以導淡水之

米然後田可耕也臣於京東一帶海涯雖未及行而  
雲泛御障而下由白河以至怒者觀其入海之水氣  
大之處無如直沽然其直馮入海灌溉不多請于將  
盡之地依禹貢逆河法截斷河流橫開長河一帶收其  
流而分其水然後于沮洳盡處築為長堤隨處各為水  
門以曰閉啓外以截鹹水俾其不得入內以洩淡水俾  
其不至漫如此則田可成矣于此有淡水入海所在皆  
依此法行之則沿海數千里無非良田非獨民省其食  
而官亦賴其用如此則國家坐享富盛遠近皆有所  
資譬則富民之家東南之運其別業所出也瀕海之收  
其負郭所獲也其為國家利益夫豈細哉由是而可  
以寬東南之民由是而可以壯西北之勢虞集之言不  
見用於當時而得行于今日矣

萬歷初工科給事中徐貞明上疏議開西北水利為工部議阻未幾以事降外著潞水客譚見志言水利甚悉久之人思其言內陞兵部主事改尚寶丞曰陞少卿兼御史許便宜開水田貞明謂凡民難與慮始條列數款以釋民疑上命撫按官曉諭所在軍民而巡關都御史蘓郁復疏言曰治水與墾田相濟未有水不治而田可墾者也畿郡之水為患莫如蘆溝潯沱二河蘆河發源於柔克潯沱發源於秦戲源遠流長又合沫易濡電沙滋諸水散入各淀而泉渠溪港悉從而注之是以高橋白洋等淀大者廣圓一二百里小者四五十里雁為巨

浸每當夏秋霖潦之時膏腴變為馮鹵菽麥化為菴蒲  
矣夫水患之當除大槩有三曰浚河以決水之壅也曰  
疏渠以殺淀之勢也曰撤曲防以均民之利也唐刺史  
盧暉于河間開長豐渠引水東流以溉田宋臨津令黃  
懋屯田雄莫等州置斗門引淀水灌溉民賴其利嘉靖  
初巡撫許宗魯濬三岔口引諸淀入海而景州知州劉  
深開千頃窪導決河入渠民免水患此皆昔人遺法而  
近世行之有效者也工部請如鄱議并令貞明遍歷郊  
關與撫按司道講求疏濬諸善之法焉貞明親至永平  
一帶設法開壅戚繼光復以南兵助之一歲之間

已得熟田三萬九千餘畝時內侍劾戚恐奪其田又虞  
增課為累極力張言阻之御史王之棟出疏糾劾神  
宗親御門諭令停止閣臣恐違內臣意不敢爭入惜之  
宗禎十五年六月 上諭西北水利長便易舉又出貞  
明潞水客譚命閣臣抄發戶部看詳議舉行然已無及  
矣

天啓中屯田都御史董應舉云 臣近到天津歷何家園  
白塘口雙港辛庄羊馬頭大人庄鹹水沽泥沽曹沽見  
汪司農徃日開河田跡猶存可作水田甚多荒廢不久  
開之甚易一畝農工止用八錢可得粟三石三斗久荒

者畝用農工一兩其挑浚田河為力不多只須挑濬數尺明年萬石之糧可必也按天津水田議之者科臣解學龍也董應舉所開四當口及獲白二港又同知盧觀象所開何家園皆得米萬石轉餉閩門此亦曩行水利之明效也今盡行棄矣

萬歷十四年 月 上視朝畢御煖閣問輔臣中時行等曰近聞水田人情甚稱不便不宜強行時行曰前者科道官紛紛建議謂京東地方田地荒蕪廢棄可惜相應開墾京南常有水患每大水時至漂沒民田數多相應疏通故有此舉昨御史既言滹沱河難治宜且暫停若

開墾荒田則薊州等處開成已五六萬畝不宜遽罷上復云南方地卑北方地高南地溫潤北地醜燥且如去歲天旱水泉乾竭水田如何可做時行等云臣等愚意亦只欲開墾荒田不欲盡開水田上從之又以御史王之棟言竟罷工部言開墾成熟地數已三萬九千餘畝棄之可惜不聽

卷終



却國利病書卷之三

香河縣

邑境濱河東南運艘徒是以達京通而地窪沙積不得  
不役民治之歲設百夫堤障狂濶以五十五夫疏濬運  
道民若勞費官若省成交困矣又有護運兵夫數十名  
每重載經過輒荷戈從之輪轉操防終朝達旦此白河  
之苦也而新河剝船兩項物力更交征焉先是選丁夫  
三百三名徃任新河挑挖之後旋稱不便已之但按丁索  
錢解工部于彼處募役是皆有身之為累耳鈔閩剝船  
分派百七十七隻于本縣選有力者領之故事每船止  
頭一名有烟戶一二名可幫一兩船戶三四名可幫一



西八錢以資備給吏報拘追無端騷擾至四十六年倉院王題准裁去用貼止用正頭于通濟庫領銀備給民困少蘓

縣界去鹽場路甚近鹽多私販價賤民不樂買商鹽至萬歷九年以商鹽難行鹽課未完則官不得考滿商鹽商鹽到本縣按丁派散每年十六斤定價一錢官為追比商收價縣官方報完遂為例

太僕寺寄養馬本縣原額六百九十匹嘉靖四十二年節徑按院題減一百六十匹今五百三十匹寄養五百三十戶十社屯置十羣有長有歎盤其草料銀通

縣均派每地六頃五十畝零養馬一匹內以地多者一人為頭如頭戶絕逃輪二戶領養每馬一匹于六頃五十畝內人戶派起草料銀七兩二錢許馬戶免支本縣每月一點驗太僕寺每歲終一巡查其肥瘠虛實得殿取縣官凡瘦損馬匹除退印外姑容留養者名曰團槽限三個月添臆解烙平時馬有倒失馬戶報縣對領簿驗皮色失者審核得寔俱取醫隣結狀存案通詳太僕寺三堂及順天府馬政廳下縣照例處之或免罪納價或免罪買補或問罪買補三等以領養年分遠近為差其買補馬匹解寺印烙先由馬政廳勘驗次寺丞堂次

大堂次少卿堂或本馬不中退回再買至調發兌軍占馬戶管解交納勞費不費賠累極苦五年編審乃得代馬近太僕寺頒行條款附列于左

一倒死馬匹宜從萬歷三十年少卿施所題例初次倒死者十年以上追銀十兩未及十年責令買補買補復倒十年以上追銀五兩五年以上追銀八兩未及五年者追銀十兩凡遇灾荒年分顆粒無收另行申請以便隨時酌處

一科罰之法宜從萬歷九年少卿蕭所題例如領養三三月內倒死者免罪買補以領養年月稍近不服水草

草所致三月外倒死者罪問買補以已服水草以作踐之罪之三年內倒死者問罪買補以領養年近必作踐所致三并外倒死者免罪買補以領養年分稍久或羸瘦所致倒死買補復倒者例追備銀十二兩一若馬倒不行申報寺院并該府私自買補名為冷補者查出從重究治

一如走失之馬問擬當查年月久近科之如出巡走失不到之馬不分年月久近俱行究擬

按回寺馬不得不寄牧近郊近郊之邑不得不分派編戶其勢然也願解俵之馬傷殘于寄養者什之三四迨

况于官軍之騎操而推折尤甚龍驤可却強胡者有幾  
然民間一任芻牧而中人之產不數年而蕩盡哀我人  
斯制命於馬使原額馬數至今尚在香河之民有了  
遺哉

本縣走遞馬原額十六匹每年挨里順甲應役每匹額  
庫銀二十四兩外甲內按地私貼至五六十兩民稱煩  
苦萬曆三十一年知縣李秉銜因稅監高淮往返驛擾  
應付不給請增十匹申允不役里甲別招商人養馬走  
遞名曰馬高每馬一匹歲給庫銀五十二兩粟足馬價  
工食草料等費民甚便之遂為例

營州前屯衛永樂初開屯正軍八百餘名貼軍餘丁六  
百五十名成化八年將各屯軍調發石塘古北二路防  
邊嘉靖三十二年將官下舍餘抽填新軍五十三名調  
發石塘路防守家屬隨住月糧布花各路造支本衛止  
存老幼餘丁三百餘名今漸消弱

按自永樂初撤大寧都司命以其屬衛散屯內邑而邑  
始有衛凌夷至今日名亡者什七寔沒者什九戎政之  
弛莫可詰問矣

順治十七年八月御史陸 疏言霸州城南之地保定  
縣河北之田文安縣東窪等處俱坐落隄外向時止有

疏濬河道故十年五潦以五年之收賠五年之潦民  
止勞其力而未嘗盡其財自順治十年間渾河南注從霸  
州城下達口頭村而赴東洶渾波所過蕩為巨澤而三  
處之地皆成水府淵深不測一望汪洋數十里千頃之  
良田久已問諸水濱矣

通州志

漕渠

外漕河即潞河也流經州城東至天津接御河以南通  
淮江舳舻此而達元史所謂通州運糧河全仰白榆渾  
三河之水名曰潞河是也榆河即今高河之南相去潞河  
甚遠不知當時河設淺置舖以時挑濬河道指引河洪  
何以合同也

東園葦子廠淺 趙八廟淺 花板石廠淺 供給  
店淺 白阜園淺 白阜園下淺以上係通州地方軍  
營十名

王家淺 馬房淺 楊家淺 和合驛淺 蕭家林  
南營淺 盧家林淺 里二寺淺

上淺 蕭家林下淺 以上係通州地方民淺 長陵營淺

老河岸淺 馬頭店淺 以上係鄭州地方 土壩一處在州東城

角防禦外河通倉糧米就此起載 土壩剥船一百五

十隻船戶一百五十名自張家灣起剥到土壩每糧一

石脚價銀六厘五毫石壩剥船 石壩在裡漕通惠河而

剥船在外河故附于外 河一百八十隻船戶一百八十名自張家灣起剥至

石壩過剥每糧一石脚價亦六厘五毫 外河官粮剥

船嘉靖年來始置正德以前運船至五月以後俱到通

州城下自城東北角停泊迤邐而南七八里許挨次于

東關廟起車無攔河委差之擾無起剥脚價之費近因

三四月間河常水淺始置外河剥船若河淺起剥亦權

宜之利是也及河至五六月水必湧漲運舟可以長行

仍今照舊俱至通州城下通粮就船起車京粮船令

至城北角就近石壩起剥則剥價可省而運軍甚便今

置有攔河之官乃不論水之深淺運船可否通行一概

攔阻通令自灣起剥其故何哉車戶一百五十名自土

壩起粮至中東倉每百石脚價銀一兩一錢至西倉南

門北門南倉東門每百石脚價銀一兩二錢至西倉西

門南倉北門每百石脚價銀一兩三錢

裡漕河即通惠河也河之地方雖半屬在京大典縣然

河運事務俱隸通州戶工二部分司總理而委用管關

管垣俱通州各衛之官經紀水脚之役則京通入互充

而通人居多一河之事通用紀之石壩在州城外嘉靖七年

年通流開在州城中心船運不行惟普濟開在通流開

平津下開在普濟開西十三里平津上開在四里慶豐下開在平

開西十里慶豐上開在下開西五里大通橋在京城東南角以東

元時每開剥船六十隻經紀六十名普濟平津上下慶

豐上下五開共剥船三百隻經紀三百名每經紀一名

領船一隻看管脩理每糧一石脚價銀二分一厘一絲

八忽二微水開五開每開十七名石壩三十六名共一

百二十一名搬抗糧石每糧一石脚價銀九厘一毫三

絲九忽一微御史吳仲曰臣謹按通惠河即元郭守敬

所循故道也入國朝百六十餘年沙衝水擊幾至埋塞

但上有白浮諸泉細流常消，為成化丙申嘗命平江

伯陳銳疏通以便漕運漕舟曾直達大通橋下父老尚

能言之射利之徒妄假黑青之說竟為阻壞正德丁卯

又嘗命工部郎中畢昭戶部郎中郝海參將梁奎復疏

通之所費不貲功卒不就其勢雖堅於權毫要之三人

者以不能無罪為嗣是屢有言者多不得其要空言無

補嘉靖丁亥臣巡視通倉往來相度因見水勢陡峻直

補嘉靖丁亥臣巡視通倉往來相度因見水勢陡峻直

CENTRAL LIBRARY

達艱難踵御史向信之言為撤剝之說向信疏見通志河志恭遇

皇上神明言入即悟賢宰相寔力替之隨命臣暨工部

郎中何棟戶部郎中尹嗣忠恭將陳璠同往備之工興

於戊子二月告成于本年五月不四月而運糧通行上

下快之是年所費總七千兩運糧二百萬石所省脚價

十二萬兩工完仍命臣供職如舊又逾年而始得代初

年止運軍糧今則併民糧而六運之要之水能行舟能

負重所謂多益善斷乎無不可者其有所不可者乃

治河者之罪非河之罪也但第形高下不無衝激之患

歐陽玄所謂勢如建瓴一蟻穴之漏則橫清莫制誠如

是言也隨時脩濬防守之功尚有賴於後之臣工焉

倉廠

大運西倉在舊城西門外新城之中俗呼大倉永樂間

建廠九十七連三百九十三座計二千一十八間圍基

八百四十四個內有大督儲官廳一座監督廳一座各

衛倉小官廳六座籌房各兩間井二口各門掣斛廳各

一座西南北三門各三間大運中倉在舊城南門裡以

西永樂間建廠四十五連一百四十五座計七百二十

三間圍基二百二十二個內有大官廳一座東門掣斛

廳一座南北二門內各有增福廟前接一軒作掣斛廳

各衛倉小官廳五座各籌房二間井一口東南北三門各三間大運東倉在舊城南門裡以東永樂間建殿一十五連四十一座計二百五間圍基一百八個內有神武中衛倉小官廳一座掣斛廳一座神南右北三門各一間大運南倉在新城南門裡以西天順間添置殿二十八連一百二十三座計六百一十五間圍基二百九十二個內有各衛倉小官廳四座籌房各二間各門掣斛廳各一座東北二門各三間內板木殿一處門一間官廳一間每年收貯各運松板枋木專脩鋪墊各殿用曬米殿一處在新城外西南角向北門二座週圍牆垣

計地五頃六十畝 東黑窯殿在城東南八里光年領價燒造磚瓦以脩備倉之用則不惟費用不貲且多逋負自嘉靖七年間將官民船順帶磚料除收發外其半段者備倉取用則費省而事便 西黑窯殿在城西南二十里許昔嘗燒造磚瓦緣土性粗惡今已停止 土坯殿三處東坯殿在旧城南門西南坯殿在新城南門西北坯殿在新城西門北俱有官地打造土坯隨倉應用

糧額

漕運糧儲每年四百萬石正兌京倉七分通倉三分除



京倉不計外通倉收糧一百四十五萬六千六百二十石內 粳米一百一十七萬八千三十六石 粟米二十七萬八千五百八十四石 改免京倉四分通六倉分

### 設官

內總督宣德年間設太監一員提督倉場正統間添設一員或二員提督後為常例嘉靖十四年言官上疏戶部查議裁革內監督正統元年設太監一督倉糧景泰以來又設一員或二員至正德間陸續添置十七八員嘉靖初裁革止留二員嘉靖十四年盡行裁革外總

督宣德間設通政一員提督糧儲正統元年令南京戶部侍郎一員提督倉場正統三年以來令本部侍郎或尚書提督京通倉場糧草提督備倉工部左侍郎一員領 勅備倉往年常出巡通州近惟在部代管巡倉御史景泰二年設差一員專管通倉其京倉巡視東城御史帶管嘉靖七年改屬一員加以提督字面巡歷京通二倉坐糧旬外成化十一年本部初委員外郎一員專管通倉坐撥糧斛禁革姦弊續于嘉靖十年領敕會同巡倉御史督理糧運兼管通倉河事務驗給輕齎給散羨餘查解扣有銀兩 監督主事四員專管收放糧

斛禁革奸弊協助進士每年遇糧運湧至戶部量差辦事進士三四百協收糧二完回部 通倉主事一自常在通州任劄三年一換係註選專管脩理大運各倉經歷宣德間設六自通州衛一自定邊衛一自武清衛一自通州左衛一自通州右衛一自神武衛一自至嘉靖八年御史吳仲奏革止存三自通州衛帶管武清縣倉通州左衛帶管通州右衛倉神武中衛帶管定邊衛倉 倉副使共二十二自徑收糧斛週歲任滿守支攢典共二十二名周歲後滿起送吏部冠帶回倉守支此于通州等六衛倉分為二十二官下每一官下副使攢

典各一自名故各二十二自名此為現任餘各為守支備倉委官把總通州衛指揮一自通州右衛百戶一自

置役

甲斗每一官下每年額食通州等六衛軍餘一十五名應當看守錢糧 欵家每一官下額設一十五名共三百三十名專管包圍糧米進殿脩理倉塙小脚每一官下額設五十名共一千一百名專管抗糧倒囤晒夫無定數俱于近倉居住軍民聽坐糧員外食充鋪軍二百八名係通州等六衛正軍內撥送各倉塙外守鋪晝夜

巡邏 倉門守把官軍宣德九年戶部奏行吏部取撥辦事官兵部取撥致仕軍官守把計四倉共九門每門各二員老軍餘丁共十名一年一換辦事官半年一換嘉靖九年御史吳仲奏改各倉官攜各一員名軍斗八名守把先年三月更換今每月一換 備倉官軍四百五十員名通州衛十八名通州左衛二十七名通州右衛六十九名神武中衛一百八名定邊衛八十五名營州左屯屯前屯後屯四衛每衛二十四名興州後屯衛一十三名密雲中衛二十四名涿鹿左衛一十名每年額備倉廩五十五座如有損漏隨時脩葺者不在此限備

倉軍夫做工八月至冬寒迤難以興作則令辦料四月

閏支

每年除正六七八十一月于京倉放支外其二三四五十月俱於通倉放支九月十二月於太倉庫放銀折糧如太倉缺銀通倉粳米放支其開糧衙門在京者錦衣衛武驤左右二衛騰驤左右二衛府軍衛府軍左右前後四衛金吾右前後三衛旗手衛燕山衛燕山左前後衛龍驤衛豹韜衛濟州衛大寧中前二衛忠義右前後三衛會州衛神武左後二衛牧馬所大興左衛鎮南衛

必衛義勇衛武功右衛留守左右中前後五衛羽林左

右前三衛義勇左右前後四衛興武衛應天衛永清左  
右二衛武德虎賁二衛和陽衛犧牲所蕃牧所寬河衛  
驍騎衛蔚州左衛彭城衛神策衛鷹揚衛武城中衛濟  
陽瀋陽左右二衛虎賁左右二衛龍虎衛光祿太常  
二寺印綬欽天司設尚衣御馬御用司禮內官共八監  
供用庫中帽織染二局織染所兵仗銀作針工三局承  
運庫雍府大軍御馬二倉太平庫寶鈔提舉司都稅司  
等衙門中府教坊司長安等四門西城坊草場通州衛  
在外者通州左右二衛神武中定邊武清三衛通州合  
屬營州左屯中屯後屯三衛通州左等衛備倉密雲中

衛張家灣稅課司北草場倉張家灣批驗所鄭家庄金  
盞兒甸坨上東坨上南坨北坨上北馬房坨上南石渠  
潭石橋峪口官庄峪口張家庄南石渠西共十二倉北  
草場北高倉興州後屯前屯二衛潭石倉義合吳家橋  
二倉

### 馬政

國家以地制馬每養馬一匹免征糧地一半其法未嘗  
病民也乃今西畿及河南山東之民困於種俵而順天  
州縣疲于寄養言及馬政民未有不疾首蹙額者也然  
方其馬之解俵于太僕也龍驤虎躍真可以却強胡而

寄死生一發于百姓之寄養則已傷殘十之三四再究于官軍之騎操而推折過半矣賴以為用能幾何哉然則馬政之在今日欲使不病民而得實用將如之何而後可也

三河縣志

官莊之設後世弊政也洪惟我太祖高皇帝初定天下即核官民田土額征稅糧與民世守真克舜之道焉至洪武十三年詔北平等處民間田土儘力開墾有司毋得起科宏治二年又令順天等府入官田土俱撥與附近無田小民耕種殊恩嚴制載在令典可攷見也今之官田王田乃以下奉上分所宜然無容議矣何勲戚之家富貴已極猶不能仰體祖宗至意輒肆行奏討將民間力開永業指為無糧地土驟奪為已有噫有是哉其鮮禮也嘉靖初年蒙差科道部屬會同巡按

御史親詣查勘退回侵占民田若干雖未能盡復舊制而積弊已稍遲矣

### 草場

馬房為御馬設也無容輕議但其地自僻開外給佃于軍民者似不可不清焉蓋馬房設在縣西北故地亦盡在西北三河縣之民地及興營二衛之屯田舉相參于其中奸徒乘機侵占兩相影濩不可稽至使京衛官餘不但地以千百計且多膏腴而數復有餘民地屯田盡為鹵而數復不足夫典馬房者中貴也養馬者勢族也有司權不相涉奈之何哉至於兔東兔西二馬房

佃戶皆吾民也何兔東之地類以八九畝即作十畝且每畝徵銀三分兔西之地類以十一二畝止作十畝且每畝徵銀二分四厘茲可不為之一均耶

### 驛遞

三河西接京師東連遼薊使旌旁午至於旅人又皆在亂城狐其大者則有高麗及朵顏諸夷入貢歲或再至三至往來經由無慮數千百人每人乘一馬仍索布五疋十人乘一車仍索布三十疋此昔年日費百金也近馬頭車戶俱係召募商人蓋皆衙前中覺之徒其賴無又足以抗愆而息爭甚相宜也但當召商之時遽奉

君臣才辨書  
明旨嚴禁馳驛一時風清弊絕而各商皆樂於趨事運  
來牌票復濫觴矣此軍不惟毫無所得而且借債支吾  
是豈應募之初心也哉今時給以草料工食又禁革其  
私差且每人止令養二馬則力專事簡斯包攬寘而應  
付不失也窮則變則通不其然乎

### 屯田

國家設立屯田有邊屯有營屯邊屯于各邊空閑之  
地且耕且戰者也營屯于各衛附近之所且耕且守  
者也即古寓兵於農者也法莫善于此矣但三河邊民  
在先兩衛下屯在後凡地之美者民皆得而有之而軍

之所得者則地之惡者也幸其地多糧少頗之賴焉取  
後復稅餘田名曰新增軍始困矣近照三河縣民地均  
攤視前似為稍輕但與衛地每畝止徵銀二分餘而營  
衛則每畝徵銀四分餘夫一區地土徵糧懸絕至此宜  
起不均之歎也今丈地後增添附糧頗多徧略加調停  
是亦平賦之政焉

昌平州志

陵寢之重以黃花鎮為之緊要而黃花之重以四海治  
為之捍衛正猶唇齒相麗而聲氣貫乎相接也是故四  
海治內撫屬夷外禦強虜凡有警有事輒報黃花謂之  
山南欲行隄備舊在鎮後與四海治潛通有一小道以  
便文移往來雖非事體猶之可也然而永寧懷來之人  
咸知捷徑間嘗由之第恐歲久人眾走為常川之道在  
經畧之所不及巡察之所未周惟有本土之官與附近  
軍民安常樂便習成故智萬一變出不測雖為之禁六  
已晚矣今若竟塞其小道則四海治或有警報必由居



庸以達黃花閩內外相去二百餘里不能朝發夕至未  
免失候軍情為今之計必須使通衢絕徑之迹文移得  
飛傳之速斯圖出萬全而永無後患矣愚意當以邊牆  
通道適中之處建一寬敞高大堅固敵臺之上起屋  
三間以便直宿臺分內外俱用軟梯上下黃花撥軍三  
十名四海撥軍三十名分為三班以示寬恤其勞每日  
黃花軍十名四海軍十名在臺直宿凡遇傳報文移到  
時即刻隨自外而入者至臺下黃花軍人傳遞自內而  
出者四海軍人傳遞每傳遞必二人同行以防山險疏  
虞至于臺軍輪流挨定如有推奸恃頑失誤者定以軍  
費難矣

昌平添設武職

提督 嘉靖二十九年邊警之後添設提督兼署都督  
僉事專管八衛邊兵防守 鎮守 仍兼署都督僉事  
本鎮管帶黃花居庸鎮邊三路參將三員遊擊四員坐  
營一員守備五員管領永安標下兵馬二枝及統帥肇  
華昌平白洋道兵三枝各三千名黃花一路主兵三千  
五百員名居庸一路主兵四千員名鎮邊一路四千員  
名 遊兵 嘉靖三十七年冬憲副楊公招募軍民三  
千名五為遊兵一營統兵遊擊一員 標兵 嘉靖四  
十二年十月北虜犯牆子嶺兵部會議添添昌平提兵

下標兵三千員名就於永安營摘發軍二千名召募家  
丁三百名新軍四百名蔚州等州縣清解軍三百名共  
三千名立一營統兵遊擊一員 坐營 嘉靖四十三  
年春軍門議設提兵標下添坐營中軍官一員以都指  
揮體統行事 鞏華營 鞏華建設出自 世宗朝建  
鞏華城都督府職為守備官復改副總兵官俱都指揮  
復改分守官以指揮推補今改設遊擊領兵三千迺開  
操日赴才安城演武教場操備 守備 奉 敕協同  
內守備專保守 陵寢以署都揮併統行事

密雲縣志

石塘崩閣東自陳家谷口西抵开連口延袤二百四十  
七里屬下崗寨二十三

- 白馬關
- 黃崖口
- 營城崩
- 馮家谷
- 白崖谷
- 切車嶺
- 嚮水谷

左二關

西駝骨關

東駝骨關

陳家谷

开連口

神堂谷

河坊口

大水谷

小水谷

牛盆谷

白道谷

大良谷

東水谷

西石城

東石城

共計邊城二百四十七里附塙臺三座空心敵臺二十九座

古北口關東自盧家安西抵秦房谷延袤一百四十七里屬下關寨十六

師坡谷

龍王谷

磚埭子

了髻山

白馬臺

鴉鵲安

盧家安

蚕房谷

陟道谷

吊馬谷

潮河七寨

潮河川關

潮河六寨

潮河五寨

潮河一寨

共計邊城一百四十七里附塙臺一座空心敵臺一百一十一座

曹家寨關東自小臺兒寨西至將軍臺寨延袤一百三十五里屬下關寨二十二

將軍臺

柏嶺安

齊路崖

梧桐安

扒頭岬

師姑谷

倒班嶺

大角谷

漢兒嶺關

水谷

黑谷

烽臺

燒香谷

惡谷

南谷

遙橋谷

大蟲谷

大水窪

蕪家谷

姜毛谷

石塘谷

小臺兒

共計邊城一百六十四里空心敵臺五十八座  
墻子崩閣東自魚子山西抵大黃崕口延袤二百三十  
一里屬下關寨十一

鎮虜營

灰谷口

北水谷

南水谷

熊兒谷

魚子山

大黃崕

小黃崕

磨刀谷

黃門口

南谷

共計邊城一百四十五里空心敵臺十座

總督標下除原設振武營外節年題增

西路協守副提兵營

左營

右營

兵制



韜重營

永勝奇兵營

鎮虜奇兵營

石匣營

石塘嶺營

古北口營

曹家寨營

墻子嶺營

西路南兵營

防守大水谷河大班軍營

防守石塘嶺大同邊軍營

防守古北口山

延綏邊軍營

京營神樞車兵營

防守曹家寨河間班軍營

保定班軍營

寧班軍營

協守墻子嶺大同班軍營

密雲守隘營

以上各營設副參游守都指揮無定自兵馬數目俱見



四鎮三關志

密雲縣東至牆子路九十里東北至石連城六十里石連城四門設提兵東南至牆子路六十里東至曹家寨九十里北至古北口四十里 石塘路四門都司南至密雲四十里西至大水峪四十里東至石峽四十里北至白馬關四十里西北標騎堡白河從堡西北塞外來經石塘嶺至密雲城下東北石佛堡北馮家谷堡又西少北馮家峪軍堡 石塘東北白馬關二門操守南至石連七十里東至古北口九十里西至石塘路四十里北至邊牆十里北有小河流至石佛堡南下白河口

西有堡東陳家谷堡東有水流至潮河川城西入潮河又東為潮河川 大水峪三門操守東至石塘路四十里西至黃花路界四十里北至邊牆南至密雲三十里北西石城堡西北東水谷堡南神臺谷堡西河坊口堡西南開連口堡開連口南為清河營二門北至懷柔二十里又南為牛欄山堡四門南至順義二十里古北口三門都司東至司馬臺二十里北至邊牆三里北為北關營城二門倚關下川口東南為潮河川堡二門操守司馬臺二門操守北至邊牆八里東南有蔡家店民堡將軍臺軍堡新城莊民堡 東為曹家寨路四

門守備西至石匣八十里東至黑谷關二十里北至邊  
牆十里東大角谷民堡有水從堡東入下潮河 黑谷  
關一門操守西至曹家路二十里東南北三面皆邊牆  
南遙喬谷民堡有水入焉曰南谷水口又南吉家莊操  
守東至曹家路三十里西至司馬臺二十里南至邊牆  
二十里有大虫谷水口其南有楊家民堡、東北大黃  
崖河口小黃崖堡、南小黃崖河口 南為墻子路三  
門都司西至密雲七十里五有河西至石匣南入潮河  
東三里磨刀峪堡折而南黃門關堡有河合于墻子路  
河又南魚子山堡熊兒寨堡熊兒營堡 墻子路之南

為北水峪堡又南為鎮虜營有二城東舊城西新城各  
二門操守西至密雲六十里東至北水谷堡十里北至  
墻子路三十里又南為平谷縣

昌鎮邊長二百九十四里九分 黃河鎮東至開連口  
二十里密鎮交界西至驢兒駝九十里居庸路交界南  
至蘇家口四十里昌平交界北至火礮山三十里宣鎮  
交界 居庸關東至龍嶺等六口黃花路交界六十二  
里西至石峽谷等三口鎮邊路交界五十二里南至昌  
平交界二十里北至宣鎮交界三十五里 鎮邊城東  
至五座墩六十二里昌平州交界西至南石羊二十五  
里保鎮沿河口交界

密鎮長六百八十二里

昌鎮慕田谷城三門操守東北慕田峪堡自堡而西賈

兒嶺堡西北有水入焉西曰仙峪堡 西南渤海所  
三門都司所城西北擦石口堡磨石口堡驢鞍嶺大榛  
谷堡南冶口堡南冶口東南大長峪堡南冶口西小長  
峪堡 西南黃花鎮城三門操守黃花鎮川河自二道  
關頭道關入這鎮城東下懷柔界黃花鎮而西頭道關  
外又一重曰二道關撞道口堡鷄子谷堡西水谷堡八  
達嶺 自居庸關正城西北石峽峪城北石峽谷口  
東糜子峪口東接八達嶺口西華家窰口西接分水嶺  
隘口 自居庸關南口西白羊城二門操守西白洋新  
城新城北高崖口白羊城正北長峪城二門操守長峪

城正北橫嶺城二門操守北火石嶺隘口東北分水嶺  
隘口居庸路交界長峪城西長峪新城 長谷新城西  
北橫嶺西接邊城三門都司西北唐虞卷隘口  
密鎮所屬沿邊六百六十七里 牆子路邊長二百零  
九里 鎮虜關東接馬蘭谷交界地名石門墩起西至  
本路交界西山墩止 牆子路正關河口花樓迤西起  
至副將臺止河水流通無邊墻處濶二十丈 曹家路  
邊長一百二十里 吉家莊東自牆子路交界地名鎮  
口臺起西至曹家路剗刀谷墩止共邊長三十三里  
黑谷關東自吉家莊交界地名黑沙峪墩起西至古北

路大鋸齒安塾止共邊長八十七里 古北路邊長九十  
十里 司馬臺東自曹交路交界地名楊水頂起西至  
古北路紅門臺止共邊長四十五里 朝河川東自本  
路紅門臺起西至石塘路交界地名黃花臺止共邊長  
四十五里 古北正閘水口濶三十丈 石塘路長二  
百四十八里 白馬閘東自古北路交界地名陳家谷  
起西至大水峪交界塔兒安臺止共邊長一百一十八  
里大水谷東自白馬閘交界地名花兒臺起西至黃  
花路慕田峪交界黃草窪臺止共邊長一百三十里  
石塘正閘河口濶三十丈五尺

昌鎮所屬黃花路邊長九十里一分東接石塘路大水  
峪并連口起西至居庸路驢兒駝止 居庸路邊長一  
百三十一里二分東接黃花路磚廟梁起西至鎮邊路  
軟夷頂止 鎮邊路邊長七十一里東接居庸路石峽  
谷界軟夷頂起西至掛枝庵斷頭崖止自掛枝庵迤西  
俱重山疊嶂未設邊牆直抵渾河東岸係保鎮地方

郡國利病書卷之三終

郡國利病書卷之三終



國家圖書館, NATIONAL CENTRAL LIBRARY, TAIWAN, R.O.C.

郡國利病書卷之四

北直

自王家東往注高與轉西而北  
過王家口更哥庄折而東由  
上五哥庄至保定此曰定址  
也固更哥庄以南地隸雄縣  
不惟無同舟之濟且標全室  
之文故不得已修運堤以自  
固云

王東  
意兒灣  
注高  
白家道運堤

此內有雄縣三村  
運堤起自白家道  
口至上五哥庄長  
八里俱極高阜崔  
公築

文安縣

王家口  
此內有雄縣三村  
店歌

五哥庄

我平古  
保定渠  
城

議築運堤  
起自保定  
幸蘇橋亦  
詳具余謀  
志


戴土性疎俗  
名鳴壘至  
不水之毋  
居極衝  
營庄魯  
口家死

城新自

河五十匯州霸白

國家圖書館, NATIONAL CENTRAL LIBRARY, TAIWAN, R.O.C.

大城縣



紀克家文安縣志序

敝邑地形如仰盂為十五河尾閘秋水驟致閘殫為河  
 故歲多逋賦不能佐公家急為長吏病然所持以為命  
 脉者惟堤防是賴隄之綿亘百五十里大半在他郡邑  
 地故脩築功力亦與他郡邑共之此勤彼怠人緩我急  
 九仞之功虧于一筭十丈之防穴於一蟻此文之第一苦  
 也其次莫若大戶頭後蓋敝邑賦分九則富者為影射  
 為冒占越然計口之外故積年所食派皆赤貧其寔而  
 大戶其名耳至頭後之累尤不可勝言無論一切解支  
 悉為包賠即過客供張一飯一蔬一羶一席皆于焉取



辨故事三年一編千家立見蕩析此文之一苦也次  
莫若屯牧課稅夫屯牧地坐落汙邪之鄉水至則為江  
為湖蕩若巨津遇旱而剝鹵不能施耕耨昔人所謂石  
田者間或長鳧茈亦可療飢總屬不毛之地既不毛  
賦于何有故課稅之設皆非正供乃二正時闈人用事  
投獻紛々莊田官稅為名不一皆百姓所驚見佃產以  
賠償者自先京理倡議力請減徵以蘇其困而害利  
捐此文之一苦也次莫若寄養馬薄地四頃養一馬  
旱則水草不充一遭滄沒家且浮矣而况于馬故徃々  
有繫之公門而去者不得已累及里甲萬不得已則以

以公署闢為官廐甚至馬斃而家隨之且不止斃一家  
而際甲隨之此文之一苦也次莫若鬻官鹽從來鹽  
法之行祇有禁私販以通官商者敝邑則按口而給如  
期而徵急商課嚴於國賦非通商以裕民而厲民以  
惠商此文之一苦也凡此數者不害于法而害于法  
不法

水經

濁漳水出上党長子縣西發鳩山至武邑與寧池即漳  
合至成平與清河合又東北過章武縣西又東北過平  
館縣南東入海一右出為潞一水北注虜池謂之潞口

即大城之清漳乱流而入于海濁漳又名橫街水至子街  
漳孔安國云漳水橫流入河

清漳水出上党沾縣東至武安縣南黍容邑入于濁漳  
易水出涿郡故安縣閭鄉西山鄰道元云逕鄭縣故城  
北東至文安縣與虜池合

滏水出代郡靈邱縣高氏山又東南過中山上曲陽縣  
北恒水從西來注之道元云恒出常山上曲陽縣東入滏也  
水衛水出常山靈壽縣東北入滏

濡水昭公七年齊與燕會于濡水杜預云濡水出高陽  
縣東北至河間鄭縣入易水地里志云博水東至高陽

入河又東北徐水注之

聖水出上谷東入于海註云東南流注于巨馬河不達于海

巨馬河出代郡廣昌縣涑山又東過渤海東平舒北東  
入于海註云即涑水也又謂之白滏于平舒北南入于海  
霸州治北又徙而南俱桑乾史記趙惠文王二十一

年趙徙漳水武平西二十七年又徙漳水武平南括地  
武平亭今名渭城在瀛州文安縣北七十二里今  
城東北七十二里勝芳鎮衆水滙流疑即武平

會通河在縣治北四十里水自霸州會者一十有五曰  
廣陽水涿水范水益滹水蘆滹河胡良河巨馬河夾河

琉璃河沙河龍泉河玉帶河磁河汶河霸水自安州雄  
縣匯者三十曰梁河清苑河石橋河土尾河徐河方順  
河長流河溫義河馬村河紫泉河五里河拒馬河白溝河  
白洹河唐河沙河滋河滹沱河雄河鴉兒河道欄河祈  
水易水女思谷水濡水涿水雷溪子莊溪一畝泉雞距  
泉自河間任邱匯者二十有一曰滏水西韓河甘陶河  
即治綿蔓河松陽河衛河濊河泆河泆脂河當城河告  
河濁漳河清漳河夾河恒水倒馬關水滹沱河高陽河  
漕河長豐渠五官淀以八十步之渠而匯巨浸六十有  
六此邑之所以歲苦波臣也

石濟河在縣治東北五十里  
柳河在縣治東北二十五里  
急河在縣治東北二十里  
文安潭在縣治北十五里  
大寧橋口在縣治東南五里  
玳瑁口在縣治東南二十五里  
火燒淀在縣治東二十五里廣四千餘畝聚石濟柳河  
急河三水流入衛水達直沽  
麻窪淀在縣治東南  
牛臺淀在縣治東

白龍淀在縣治北

勝芳澱在縣治東北七十里上接會通河下達三角淀大司馬王公遴議自保定縣東路疇村起自西向東由周家庄戴家庄魯家庄西營村直抵堂頭村築大堤一道務極高厚南護文安地方計長約四十里計用夫二千名做工兩月每夫一名給工食銀一兩五錢計銀六千兩此一勞永逸二州七縣之利義當共舉事難惜費俟隄既成即將路疇村迤北至口頭村卜家庄善來營苑家口蘓家橋沿河一帶南岸之隄盡為決去秋水一發即以所築之堤為南岸則水豈能復壅所謂不與水

爭利是已此策之上也目前之計但當於苑家口栲栳園二河之中內有民田京營地約有四五十頃亦因水患皆曲為防一遇水發最為壅塞若將民田京營地捐其賦稅一半餘者各州縣代補聽各自種自食春間無水尚堪種麥夏間稍旱亦可種粟其中曲防盡為決去則秋水亦不致大壅此不過一舉手之力

邑侯郭公允厚議二策一起自注窩東行至圍河出保定之南經留寨之北過西營抵蘇家橋築月堤一道長約二十五里有餘遠者去河二十里近者去河亦數里容蓄有餘水勢漫緩此王大司馬展堤之遺意也雄霸

諸水舉不能東下而犯文安此上策也或曰河之決而入文安也多自保定之下苑口之上則今築月堤而護文安亦當自保定之下苑口之上起于保定日城基下東北經孔家甫戴家庄至西營抵蘓橋不過十三里許此其工力較前堤減半而黑牛口白家道口諸水之自雄入文者尚不能救也此中策也

憲副井公濟博遙堤議由注窩西里許起自白家道口西北達保定縣上五哥庄築為遙隄以防廖家黑牛等口之衝上五哥庄經保定縣北東至路疇村南頭俱極高阜仍用旧防由路疇村南頭起經東北西營村達蘇

家橋亦築為遙堤以防路疇口頭杏葉等處之衝仍脩北堤以縷水復設遙堤以豫防北堤可守則守北隄北堤不可守則決蘇橋東頭之隄以洩水而共守遙堤水勢既寬必無潰決患矣

霸州道觀察王公鳳靈議余觀直沽之上有大淀有小淀有三角淀廣延六七十里深止四五尺若因而增益又為之堤停蓄衆水而委輸於海水固有所受也然後濬治旧川為長堤以束之高廣倍于前功使水有所行又多開支河聯絡相屬使水有所分見在窪淀不下數十處又各深而堤之使水有所積則雖有淫潦飛流大

川瀉之支河析之諸淀瀦之高隄防之可以無橫溢滔天之患矣堤易壞必有隄夫歲繕河易淤必有淺夫時挑支河既分必多有橋梁以通濟則川得安流田得利既人無病涉戎馬不得長驅地方大利也文安大城別為一區亦宜用此法多方疏浚然非朝廷定其議大臣董其役勢必格而難行功或苟而速就求河之治可得乎

掖令姜公揚武議夫水之行地猶血脉之周身欲疏通不欲底滯其性一也顧咽喉其可噎乎脉絡其可壅乎尾閘其可塞乎玉帶河抵苑家口水之咽喉也古鹽河

水之脉絡也三家淀與三角淀水之尾閘也今桑乾巨易匯西北洪流而注于八十步之渠噎乎不噎乎鹽河即衝漳滹沱之故道歲久湮淤闢為桑田秋水灌河餘波橫溢壅乎不壅乎三家淀塞則衝漳滹沱之水不得游衍于梁塘石滄臺山勝芳與三角淀不闢于浮沙即溢于敗葦而滙易桑乾胡梁巨馬諸水不得奔流于滄海祇聞峻防未聞疏浚若此者塞乎不塞乎用王司馬展河之策而咽喉之病除用元人疏河許中丞濬河之策而脉絡尾閘之病除夫水之蓄堤者與水爭勢也以八十步之渠而闢為三里之渠河身廣濶波流漫衍不

惟霸文保大無衝決之患而雄縣新城安州新安高陽任邱俱免壅塞之患矣往時滹沱潰而北桑乾潰而南南北交頽而南患更慘於北余昔經鹽河見故道空曠漫漶水疏一加挑濬便成寬渠南河通流何由北注則西南之水由真定河間而匯於滹沱河者亦可以殺其奔騰之勢而文安免交頽之苦矣靜海居民塞三家淀者有禁凡滹水經由之故道悉浚之使深廣由蘇家橋迤東烟波浩淼萬派朝宗近為沙草填淤而變為斷港絕流者亦浚之使深廣下流一塞則上流必溢下流之趨海者既順則上流之歸壑者愈疾如是則壅塞之弊

撤而九河之績奏矣夫展北河浚南河疏下流要皆相地之脈順水之性貫惟仍舊費可永寧由是而咽喉而脈絡而尾閘猶閉為閘格潰為癰疽無是理也又議云憶余垂髫時同鄉徐公諱貞明奉命開三輔水利阻于浮議曰北土不宜稻也庚戌陳生國紀與涿鹿覓越人之習水利者疏畦引水創為稻田阻于泉口曰北土不宜稻也余私詫曰今涿涿漁陽廣莪粳稻民獲其利矧職方氏云幽州穀宜三種鄭云黍稷稻也賈公彥疏云幽與冀相接冀皆黍稷幽見宜稻故云三種黍稷稻也是幽之宜稻其來旧矣或曰涿涿之間山泉清淺正刈

靖紀勛碑所云疏之使溉決之使散者也吾鄉亢旱則  
涸及三泉隄潰則水深五丈障之猶雲蕩決引之更益  
奔衝談水田於豐利非徒無益寔增之害也余聞之輟  
然曰若所云々真夏蟲之不可語冰者矣且漳水可以  
灌鄴旁注水可以富閩中何吾鄉之於河獨避之如仇  
而畏之如虎耶及讀宋史何承矩傳自順安瀕海東西  
三百餘里南北五七十里悉為稻田食貨志云凡雄鄴  
霸州平戎順安等軍與堰六百里置斗門引淀水溉灌  
吾鄉始為塘漂終為稻田防塞寔邊具有成績稻田有  
八利多為濟渠引淇淤之水利一分為支河疏壅塞之

害利二旱不虞枯槁利三水不虞泛漲利四通舟楫以  
便轉輸利五稻一斗易粟數斗利六通賦易完利七戎  
馬不得馳突利八然始必壞民坵壟多起丁夫變置川  
原遷延歲月都邑易騰浮議愚民潛布流言未驅載穗  
之車已中鏢金之口必主之密勿付之重臣勿因小害  
而阻撓勿徼微利而鹵莽寬其文網需以歲時則數百  
載之曠典庶可次第舉矣

文安地形如釜當十五河之衝為泉流匯歸之區也其  
三營四淀皆不毛之地初無額課自正德時始議開墾  
而大有力者乞為庄田以進官稅其有牧馬草場倫也



等項名色起科倍於常額斯民已不堪命兼以旱澇不  
常相率逃亡漸成荒蕪時屯牧佃戶生員任之龍等援  
霸州倉兒浣減半折徵事例具呈先任鄭君痾瘵切身  
力請監司撫按兩臺俱報可 疏聞然未邀 俞旨屯  
臺盧公嗟痛不已循長孺孺詔發倉之例准鄭君減徵  
之請惟 慈寧宮莊田子粒歲如其額自 神宗顯皇  
帝升遐頒 詔首恤文安除 慈寧宮子粒錢糧不折  
外其餘效勇等三營火燒等四淀俱准一体減半折徵

### 保定縣志

王應禧曰霸屬三縣折畝原無異同惟是保定澤鄉堤  
外窪地大半每遇泛漲泉流蓄聚經年不洩糧存難辦  
以故丁逃而累及於戶之逃而累及于甲人不得不盡  
甲而逃地不得不還官而荒夫亡業榛蕪額賦難減錢  
糧盡歸堤南五百頃內緣是小畝一畝五分析大畝一  
畝而折畝遂與文大之三畝折一者異矣無論地之肥  
磽什伯然均一額賦也輕重奚啻懸絕哉



三年六然照地貪頭甘苦與同此丁有丁差地有地  
 差不相妨也嗣天啓二年東寇犯順援兵調發驛遞  
 擾甚有謂三年分派一年負累難當時遇兵憲邵公目  
 擊民艱每年每地民一畝編派貼銀隨供億煩簡年  
 分量派徵收在公招商應當牛馬頭後百姓不知有  
 差此皆立法之善斟酌行之存乎其人

边防

薊州東北至馬蘭峪營六十里北至黃崖營四十里西  
 北至將軍石營七十里皆轄於馬蘭峪叅將黃將二營  
 各提調官一員及統千把閑寨等以備禦之

提調寬佃峪等閑下

鮎魚石閑水口教場空十馬可並五里至平山頂

寨十里至馬蘭峪閑水口一里外山並四里至獨松

峪寨十里至峰臺嶺寨八里至龍洞峪閑水口三

山險窄止通單馬八里至寬佃峪閑水口數十丈後山八

里至餓老婆頂寨二十五里至耻瞎峪十里至古

強峪寨山口文許後山五里至蚕椽谷寨三十里

至青山嶺寨水口五丈後山六里至太平安寨十

里至小平安寨山口絕二守十里至黃崖口閑

數十丈前後俱寬並西乾澗墩折墻通馬可四十里至彰作里閑

提調將軍石等関下

彰作里関山後數丈前窄二十里至將軍石関水

數十丈前後俱三十里至黑水灣寨十里至黃松

峽関二十五里至峨嵋山寨二十里至魚子山寨

二十里至熊兒峽関四十里至南水峽関十里至

北水峽関山口數丈後山三十里至灰峽口寨三

十五里至黃門子関

### 貢夷

朶顏等衛夷人進貢一年徃回六次自東來者由州送至三河驛自西回者車送至遵化驛鞭把羊酒犒賞等

費共用銀七千六百四十三兩一錢二分至於任載車輛乘坐馬疋猶在牛馬頭後進貢雖曰未王而驛騷甚屬不贊又且擄掠居民婦女大為民害貢夷亦何利于中國哉

玉田縣志問發貢夷議 為酌處貢夷開發銀兩以均

勞逸以蘇賠累事竊照 國家約束諸夷通之款通固

云開柔遠之門寔以寓羈縻之術第其來也果戢心以

奉疆索亦何惜贈勞之加即不然厚其賞以饜其心不

至生鴟張之勢則又何事操不必然之畫哉惟金錢費

而無名民脂竭而愈困當事者僅支持旦夕而時切起

君國才疏書  
一  
寡之實奉公者即至於賠補而未有息肩之日則又不得  
不為之慮矣查開建兩夷設衛入貢則自永樂元年始中  
間叛服不常然時利我賞隨叛隨貢大率貢期定以三年  
貢夷定以一千五百人至之日每夷一名給馬一匹以備  
騎坐每夷十名給車一輛以載行李一應犒賞惟照原單  
給發間其中或有需索亦不過數兩之銀無重費也自萬曆  
三十年後建酋頗稱跋扈兩年不貢一時疑其有異圖令  
兩序班往詰之而二三棍徒教之為應付減少之說蒙兵  
禮二部議定每車一輛貼銀十兩以給之廟堂以此為柔遠  
之惠而更不計夫

銀之所自出驛遞以此為剝肉之苦而不能辭夫役之使  
不來狡夷以此收捆載之利而不能禁夫暴之使不作故  
貢夷一過雞犬林木盡皆成空驛遞頭役一聞僉派父母妻  
子相對泣訴甚有撒邱廬以逃者是遞驛雖不為貢夷設而  
使之畏貢夷以避驛遞又豈長計也見今三十九年正入貢  
之期矣查三十六年馬頭之費原廩給三十分該銀三百兩  
外每馬百匹折乾七十匹每匹折鞭布一錢寔騎馬二十匹  
每匹貼息馬銀五錢而提鈴背本猪首之費不與焉計往返馬  
三千匹該銀六百六十六兩而提鈴背本猪首之費又不下數  
百兩約

費銀一千餘兩矣牛頭之費除 欽賜龍虎車輛每輛折銀二十兩十八九兩十五六兩不等該銀五百四十八兩二錢外每車一輛正賠銀十兩加貼銀五六兩而鞋襪上車下車賃房米菜柴鋪之費不與焉計每車一輛約費銀十五六兩往返車三百輛共費銀四千五六百兩矣最爾玉田才遺幾何五千金錢從何補辦欲假之官帑則懸匱而貯積原空欲取之民間則脂竭而皮毛皆盡俟調停而後開發安所得神運鬼輸之財稍減裁而養疲瘡且先冒啓釁開邊之罪卑縣斟酌事勢博採人情思一通融之使賦不加而事集則無如調停幫

價銀之一術矣何者卑縣民地五千二百一十六頃每畝除正供徵銀一分有零外復派有幫價銀八厘協助驛遞共銀四十一百七十餘兩每年皆牛馬頭役自相允取并不假之官徵其取教亦多米麥豆穀之類不盡給之銀兩至於開發夷人站協不足亦皆各役那湊並不俟之官帑此雖聽民之便事誠不擾但惟免領自頭役則償之不以時得之不以寔政所謂名存寔亡者又均是頭役無事之年有幫價之利無開發之苦當貢之年有開發之苦而無幫價之利是駟遞中且自相胡越矣况財入百姓之手其費用也甚易役當賠累之秋其

措辦也甚難故有開發不得而逃者在、有之早縣所  
謂通融者正通融三年之中所謂不加賦者正調停于  
幫價之內查照早縣頭役三年一編海夷諸夷三年一  
至除三十九年幫價銀今見出示徵收預備外其自四  
十年為始統計三年幫價銀該一萬二千五百一十餘  
兩貢夷開發除協站外約費銀五千兩于每年幫價銀  
中扣徵一千六百六十六兩六錢七分貯庫其餘銀二  
千五百餘兩仍舊聽民幫兌積之三年當有銀五千兩  
貢夷一到即以此銀開發之論賦則民間應納之錢而  
非出重徵論銀則三年積貯之有而非屬驟辦論事則

公平久遠之舉而不為難行論情則有餘不足之濟而  
不為偏槁早縣所云均勞逸蕪賠累者此也至于彈壓  
之使不桀驁限制之使不多入則又非早縣所敢與也  
伏候詳示施行





標下右營在邑治東南嘉靖三十八年設統領撫院標  
兵專候應援并脩工遊擊一中軍一千總二把總八  
標下輜重營在邑城西門外萬歷元年設統領撫院輜  
重兵馬轉運兵餉並應援見額遊擊一中軍一千總一  
把總三

鎮守中軍坐營一員即三屯中營永樂年設見額千總  
把總六員

中路協守副總兵官兼管三屯左營隆慶三年設原係  
右營萬歷四年立協守統領改為左營駐劄三屯萬歷  
二十六年題革前車營遊擊歸併民兵于左營隨移協

守駐劄漢兒庄轄中軍坐營一千把總十三

三屯右營設自嘉靖四十二年原係左營萬歷四年左  
右互易為右營遊擊一中軍一千把總有九

深陽營設自萬歷九年遊擊一中軍一坐營一千把總  
七

中路南兵營設于隆慶三年遊擊一中軍一千把總等  
官四十有八將領中軍駐札三屯兵士分守四路臺空  
按南兵營故設南將統之乃軍士分防西路將獨居中  
指臂不屬鞭腹不及贅疣駢指翻為士累且南兵亡失  
募補多北人其長子孫者久于北猶北地人也兵且不

盡南矣萬曆戊子撫臺劉公曰格言于上竟罷不設  
太平路永樂二年設屢經改移今仍曰叅將一轄擦崖  
子守備一榆木嶺提調一中軍一坐營一千把總六  
本路夷人二十八枝共部落五千四十有奇俱各忠順  
帖服

喜峰路永樂初係提調把總嘉靖二十二年因撫賞總  
關改為守備萬曆題加叅將駐劄董家口提調一李  
家谷守備一中軍一坐營一千把總凡三本路夷人  
一百一十枝共部落二萬五千六十有奇咸忠順帖服  
惟駱駝一枝恃其梟雄沿邊騷犯停貢革賞固有悛心

憑逞以挾增益撫臺劉公不許遣路將孫顯祖等擊之  
野得功首二十餘級已又三擒其奸細郎中等已又行  
間使其部下殺之駱駝隕命边境稍寧今其子卜得猶  
困不忘讎也

松棚路曰隸馬蘭峪至陰慶二年添設遊擊一轄潘家  
口羅文谷守備二洪山口提調一中軍一千把總各一  
本路夷人二十八枝共部落六千三百三十餘名俱  
已帖服

馬蘭路永樂年設屢經改移至正統己巳年添設叅將  
一負轄大安口寬佃二守備黃崖營將軍石二提調中

軍千把總凡十 本路夷人四十六板共部落四千五百四十九名口暫稱馴怙

閩隘

太平路 東自白羊谷關起至榆木嶺止邊垣延袤六十八里有奇 關營寨堡一十有一 樓臺二百一十有九

極衝者五

白羊谷關

擦崖子關

城子嶺關

大嶺寨

榆木嶺關

次衝緩者六

新開關

五重安關

爛柴濟關

五重安營

太平寨營

青山營

喜峰路 東自青山駐操營寺兒谷起西至團亭寨深

河中西止邊垣延袤六十三里有奇 關營寨堡有八  
樓臺七十有九

極衝者五

青山口關

董家口關

鐵門關

李家谷關

喜峰口關

次衝者三

青山駐操營

遊鄉口關

團亭寨

松棚路 東自潘家口起至羅文谷關止邊垣延袤一  
百三十九里 關營寨堡一十有五 臺一百八十有  
奇

極衝者九

潘家口關

西常谷關

三臺山關

龍井關

洪口山關

馬蹄谷關

千家谷關

羅文谷關

沙坡谷關

次衝緩者五

掾八谷寨

白棗谷寨

西安谷寨

捨身臺寨

羅文谷營

馬蘭路 東自冷嘴頭關起西至蛾眉山營止邊垣延  
袤一百六十八里有奇 關營寨堡二十有三 樓臺  
一百八十有五

極衝者九

冷嘴頭關

大安口關

鮎魚石關

馬蘭谷關

寬佃谷關

黃崖口關

彰作里關

黃松谷關

將軍石關

次衝緩者十四

龍洞谷

平山寨

馬蘭谷營

大安口營

鮎魚石營

古強谷

青山嶺寨

太平安寨

黃崖下營

黃崖上營

將軍石營

黑水灣寨

峨眉山寨

峨眉山營

烽堠

邊城通人馬衝處建空心敵臺其制高三四丈不等周  
迴濶十二丈有十七八丈不等者凡衝處四十步百步  
一臺緩處一百四五十步或二百餘步不等為一臺兩  
臺相映左右相救騎牆而立每臺百摠一名專管調度  
攻打臺頭副二名專管臺內軍器輜重五臺一把摠十  
臺一千摠悉以南兵充之

凡無空心臺處即以原墩充之有空心臺所相近百步  
以臺當墩大約相距一二里柶鼓相聞為一墩每墩設  
軍五名備號帶火砲什物有差近臺者聽守臺百摠調  
度不近臺者聽信地百摠調度烽號賞罰立為哨守條

約分給官軍習學遵行每一提調下各設把摠二員每  
一路各設傳烽官一員用南方人以其性便捷而肯用  
心也凡遇賊馬所向該墩舉烽左右分傳即邊牆延袤  
曲折不過瞬息可遍禦備既速馳援不後

### 各路哨探說

薊鎮竅喫緊惟哨探往年哨探不的屢至闖關蓋邊是  
外有西敵有東敵而三衛屬夷繁衍襟處其間住牧有  
遠近夷性有向背部落有勁弱有多寡欲知彼中消息  
設有暗哨有明哨暗哨則出口按撥常川瞭望者也明  
哨則腹裏入本路常洽敵營久住採聽者也此不論時

日遠近但聞大敵結聚或屬夷暗搶要挾縛有的犯隨  
即星夜回關路將預料敵情是真是假又查酋長住某  
由某可犯某須熟知其路徑再度其向犯果係真信一  
面通報撫鎮調兵馳援一面傳樓臺烽墩晝夜加防其  
所調應援兵不必擺牆或出口埋伏或口裡荷戈以待  
敵一猝至我火器火箭矢石交下以逸待勞豈不坐有  
長筭乎所慮明哨之信不的路將料敵或料我不行那  
緩就急合兵待寇耳暗哨須計日以換酌其山川逶迤  
或三四里或五六里每撥兩人各執快鎗一桿在樹  
木叢密高處如瞭見敵首南向十人以内則放鎗一桿

二三十人以上則放鎗二桿以次傳至關下我亦如前  
堵截敵或聞砲偵我有備必不敢深入自取敗亡所慮  
尖夜不肯出口赴撥而私行樵採斧斨振山谷徃之被  
敵搜獲我無耳目賊至關搶掠而高枕卧者有之所以  
屢入屢創也



平谷縣志

邊防

將軍石營提調統本營

峨眉山營

黃松谷關

將軍石關

彰作裡關

黑水灣寨

峨眉山寨

以上關寨俱屬薊州兵備道及馬蘭峪叅將所轄

國家圖書館, NATIONAL CENTRAL LIBRARY, TAIWAN, R.O.C.

鎮虜營提調統本營

熊兒峪營

南水峪關

北水峪關

熊兒峪寨

灰峪口寨

漁子山寨

以上關寨俱屬密雲兵備道及墻子嶺叅將所轄

順德府知府徐翁衍祚勸種桑栽樹

種桑之法四月間桑椹子熟時揀摘黑紫色透熟的用水淘淨取出淨子隨宅園墻下或井旁或空隙處所密栽種上或又於園井打成菜畦如種菜之法家戶隨力栽種長出桑秧任意移栽不曉澆灌務期成效一歲要千萬株即可得也

一壓桑之法初時在桑樹根上將發出嫩條聽其長成不要動至二月間將條壓倒自根至梢每尺用短繩橫綑俱令着地至三四月條上所發之芽不要摘壞至五月夏至前後其芽自然長成小秧再將大條用土培壅

止露小秧向上發長類用糞水澆灌一兩月間其土內  
大條必生出白根待來年正月却照小秧之處或五六  
株或十餘株照株裁斷移分別地照依後法表植  
一栽桑之法正月內擇高阜之地每株周圍相離八九  
尺鋤開一坑小者深二三寸大者三四寸坑底要平將  
桑秧根鬚各分曲直豎在坑內用糞壅培牢固即將餘梢  
剪裁與土相平每月用糞水澆灌二三次清明前後自  
然發芽再用糞水澆一二次一月可長一尺每株根上  
只可二芽或一芽隨日而長至五六月間將新發枝上  
葉內小芽盡行摘去亦不要留旁枝止培原養本枝務

長直上直下仍照前月澆灌一年即可長成六七尺或  
四五尺臘月間復將上梢剪去只留三四寸到次年每  
月只澆灌一次春分後當日暖之時其根上復生出桑  
芽不拘多少摘去止留一二芽最要防護牲畜踏踐至  
五六月內看桑內有小斜枝亦要摘去不可容留以奪  
本根脂力長至六七尺又怕風搖致傷根本可用細繩  
拴縛各桑根上互相牽絆候至次年任從摘葉飼蚕其  
栽桑地內不宜栽種各色花草恐奪地脈只宜種葱韭  
瓜菜之類取其類澆頻灌桑葉愈得茂盛遇有艸莽即  
當芟除

王可信邢臺縣百泉閘記

邢治隸順為附郭邑控地甫百里西入太行居之七八  
野多峽峭岡阜土雜山石不純不可佃種獨東南一隅  
泉湧百穴因名曰百泉旁地平坦廣衍可為耕種區顧  
東行不數里民墮田盡轄屬他邑隸邢者止十之二三  
而已且勢逼山瘠西高東下若建瓴然每夏秋雨集山  
潦橫至則衝突邢阜之土淤積東南諸邑田一淤輒沃  
飮二三歲愈於附糞而邢之田乃或濃為涸壑甚至盡  
滌厥稿壤止遺沙石不復成田者有之旱則諸邑之民  
引泉水溉田坐收滋渥利而邢地近泉者反壟高水下

非大排激之不能入田以故山川形勝雖萃於邢而利卒歸之他邑民之籍邢者率苦窳寡蓄藏輕流易窳而他邑接邢壤之民視邢為頗饒

朱誥曰邢迤西諸山大都峽岨無所產獨百泉水有無窮之利特以水勢下注直趨南任西邑邢民獲利最少余於華家庄創永澤閘而珍珠堤東又創流珠堤更頌水車之制於民而並建水磨于豫讓橋等處業已就緒足為永利又覘東南增益永盛二源皆足灌溉業已相度授工或亦可垂之永利但地利無窮人易情怠非在上者以時料理而振勵之安保其久而不廢耶予識陋

特自所見者為民圖之如此若推而廣之使人事益脩地利益盡則在後之君子云

正德二年十月濬滄陽河，曰在順德府任縣新店村之東北源出磁州經永年曲周平鄉至穆家口會百泉等河北流兩岸皆徵糧地景泰間漳水併入漫流衝曲周等縣地方沿河各築堤以備泛溢成化間曰河於塞于村之西南衝決為新河合沙洛等河入穆家口兩岸亦築堤備之弘治初漳水徙入御河民棄隄不復修理近年漳水復入新河西岸地皆滄沒任縣民高賜等以為言下巡撫官勘處至是具奏言穆家口乃衆河之委請從此先浚乃并浚旧河新河令兩處分流以殺其勢堤岸亦漸加脩理庶民患可除工部覆奏從之

廣平府志

地有大地小地之分者地二百四十步為一畝自有地  
以來未之有改也由國初地有開墾永不起科者有  
因濬下鹵薄磽瘠而無糧者今皆一槩量出作教是以  
原額地少而丈量地反多當事者又恐畝數增多取駭于  
上而貽害於民乃以大地該小畝取合原額之數此後  
上行造報則用大地以投黃冊下行征派則用小地以  
取均平是以各縣大地有小地一畝八分以上折一畝  
者有二畝以上折一畝者有三畝以上折一畝者有七  
畝以上折一畝者有八畝以上折一畝者折畝之少者

其地猶中，而折畝之多者其地多低薄又皆合一縣之丈地按一縣之原額以攤一縣之原糧而賦後由之以出故各縣地之折筭雖有多寡而賦之公派則無移易宜無不均也

屯田有邊屯，於各邊空曠之地且耕且戰者也有營屯，於各衛就近之所且耕且守者也今廣平之屯乃於畿輔之地而立山西諸衛之屯謂之下屯軍則屯于衛而留其餘丁於屯此祖宗之深意遠慮相維相制之法也

廣平牧馬之地自宋已設宋初養馬務洛州置一太宗

興國二年改為牧龍坊景德而後改坊為監在外十四監之內有廣平監多擇種馬牝牡為群神宗留意馬政或請以牧馬餘田脩稼政而群牧司言廣平監餘田無幾宜仍旧及熙寧元豐坊監遂廢元祐初左司王巖叟上疏謂廣平監棚基州地疆畫具存使臣牧卒大半猶在稍加招集則指顧之間措置可定此前世廣平之馬政養之于官也者紹聖初韓侂等建議于邢州請以牧田募民授田一頃者為官牧一馬而蠲其租於是始行給地牧馬之政此前世廣平之馬政養之于民者也我朝養馬之政洪武自革群監官命有司孳牧是用宋



紹聖以來之法江北五戶共養一匹凡牝牡馬五匹為  
一群立群頭一人五群立群長一人每一年約一駒永  
樂宣德則論丁養馬成化元年例則三年課一駒弘治  
年奏定廣平等府免糧養馬每地五十畝領兒馬一匹  
百畝領騾馬一匹正德元年御史王濟奏大名廣平  
等府有種馬之額而無種馬之寔有孳生之名而無孳  
生之用合行但視種馬之臆壯不追馬駒之有無罰是  
之後備用大馬正照種馬之額派行買解此正德以前  
廣平馬政也及嘉靖初本府度地均糧之後凡養馬之  
田皆收糧地之內納糧之地皆輸養馬之銀故馬無專

田必地數頃而共養一馬駒無全育必輸四年而馬課  
一駒上之政未嘗不寬而下之力每不能辦者何也雜  
役之煩而襍費之多也

廣平縣志


漳水議

按漳河之源有二一出山西潞州長子縣名濁漳一出平定州樂平縣名清漳東至林縣合流于彰德磁州之間至臨漳而成大河出廣平大名達于臨清冬春則涸夏秋則漲其涸也枵腹熬之其漲也泛溢千里今年東明年西一淤成地一衝成河固地勢沃衍平坦使然由水勢波濤洶湧致之也漢唐以前其治易以黃河故道繞大名出河間達于海則黃河深廣而漳水易洩所以消息而不為害宋元以後其治難以黃河繞徐州出淮

安入于海則黃河淤淺而漳水難洩所以散漫而不可制其在今日尤甚宋元漳河南決後大名出臨漳統魏縣過府城之南由艾家口入于衛河其流久其河深此其故道也近則向南之河忽湧成淤比決自臨漳過魏縣從元城以達於館陶此新河之一派也又自花佛堂南決一口泛溢而為四流魏與元城均在四流之中而廣平西南若柳林屯龐兒庄南溫油房等村泛則為洪濤淤則為沙礫廬舍墳墓其遭水害者不可悉數今之議者徒曰如何堤如何塞此不過補苴罅隙奉漏卮沃焦釜之計也不知治漳與治河異黃河可資漕運引注

徐呂二洪水性湍急宜防而不宜洩漳河可資灌溉泛溢三省五縣水勢平緩宜洩而不宜防謀國者果為經久不易之策必當久任責成相地勢畫經界立邱甸深溝洫時蓄洩水一泛溢則散于五縣溝渠而不為城郭宮室之害水一乾涸取于萬井蓄積而可收十倉萬箱之利則沙磧變為沃土洪流登于衽席其視今年堤明年決塞於南壑於北傾有限之帑藏填無窮之巨津驅必不得已之民圖必不可成之功此兩策者相去遠矣釋此不為而顧彼之久行此余之所未解也

Blank columns for text, mostly empty with a large watermark.



萬曆二十八年 月漳河決工科王德完陳漳流北徙  
二变二患三策言河決小屯東經魏縣元城抵館陶入  
衛為一变其害小河決高家口廝二流於臨漳之南北  
俱至成安縣東昌彪河合流經廣平肥鄉永年至曲周  
入滏水同流至青縣口方入運河為再变其害大滏水  
不勝漳而今納漳則狹小不足收束巨浪病溢而患在  
民衛水昔仰漳而今舍漳則細緩不能捲掃沙泥病涸  
而患在運塞高家河口導入小屯河費少利多為上策  
仍迴龍鎮至小灘入衛費鉅害少為中策築呂彪河口  
岸隄漳水運道固不資利地方亦不罹害為下策中謀

引漢事為証而未復力荐原任知縣劉宇郎中樊兆程  
章下所司覆議三策總治漳之建畫與利害之更端容  
咨河漕部院逐一從長計議務使國計民生一舉有賴  
報可

### 清河志

衛河者即所謂屯氏河永濟渠也始隋陽帝四年發河  
北軍百萬役及婦人開永濟渠導自衛輝蘓門山百里  
泉東北引淇滏漳洹諸水為大河賜名御河流八百里  
為元城又百五十里當清河之南臨之清會之通彈丸  
小邑環視皆水衛河勢湍悍每秋霖泛溢灌以漳沁安  
陽高村諸河之水洪濤奔馳隄防稍不支即衝決漫衍  
漂室廬沒禾稼城池府庫岌乎殆哉而尖塚白廟甲馬  
橋諸口尤其重要語曰開了口滄無走者此也無論口  
決脫有恒雨決旬則臨觀諸道之水數十里泝聚洪河

蓮花池田家窪諸所停蓄如盂盜田廬盡坐魚鱉中語  
曰倒坡水滄無底者此也口自館陶歷夏津要害凡二  
十六轄清河者歲役夫八十為防水至則益鄉夫數千  
晝夕戒嚴僅免一決乃尖塚白廟弔馬橋屬在他境  
彼民肥瘠不閔莫肯為防于是有開渠之議弘治中縣  
三老宗安等詣 闕上書謂水歲侵清河治而地魚而  
民壯者携老扶幼沾濡手足終歲望洋租庸無所出不  
足以報縣官今四海統一德澤汪濊方以爰養元之為  
首務奈何置數千頃膏腴之田民十餘萬指于水而不  
為之所積久不散潰且為漕河害匪細故也幸 聖明

哀矜與大司空計事者 天子以為然乃 詔部使者  
為清河開渠導自洪河蓮花池延四十餘里下達古黃  
河廣二丈深等之名曰疏水渠以洩河決及倒坡諸窪  
之水功施于百世其後歲久渠淤漫流為災又後如前  
民坐苦河伯以聽其漸下武城而于武城河西置減水  
牌一以洩之亦猶有行水之道也嘉靖三十七年武城  
令私具民乃召徒役於御河西接一字河築橫隄四十  
餘里逆絕上流四十一年水患作逼浸清河民洶莫知  
死所武城人且聚隄抵掌以明得意由是二省交惡謀動干戈  
殺我民李秉訟之臺府屬吏勘當又擊殺我隸人胡守

仁其獄上廷尉 朝廷下明詔令兩省使者平其事武  
城人強不服猶豫未肯撤隄隆慶三年河決尖塚平地  
水深丈餘死于水者王景木等十餘人城不下者數版  
民多避居九塚得免武城人日操兵守堤如藏府屬  
水勢壅迫一夕決堤直下如建瓴而武城人反自貽伊  
戚夫土之有川猶人之有口也止啼而塞其口豈不遽  
止然死可立待也故善為川者導之而已矣曲防為戒  
五伯猶能言之今天下一家壤土相接而欲以隣境為  
壑其謂何然此執爭於末流也防不弛則可不決渠不  
淤則決不為灾于是有濬渠之議願抱仄厝薪苟安旦

夕作舍道旁三年不成而長吏者又率傳視官舍誰肯  
焦毛髮以身當利害 今上萬曆六年春水猶注地中  
民田千頃種不得播萬姓嗷嗷于是三老田官何希儒  
等博士諸生武綸何九臯魏諤等白狀今令請復浚渠  
令方苦民水欲言方略會父老諸生言良合乃著為四  
論繪圖窮源流條便宜教事上請於郡太守雁門薛公  
鑰憲副膠州姜公繼曾御史河南許公乾御史大夫渭  
南孟公重咸報可復下郡通守蒲州南公椿來縣召令  
計利害相度故道募山東水工高藥孫虎與境內老宿  
人覘地形準高下樹幟分部乃昇城隍神于工所為文

酌酒以誓曰其有不若于令者有如此河是役也計地  
徵夫庶民子來凡動衆三千餘人以義官田官等六十  
三人董其工沈尉源溥專部其事令則昕夕行役所為  
察勤惰而勸戒之逾月報成延袤深廣一拓旧制乃撤  
洪河蓮花池積水行渠中沛然若決江河注古黃河而下  
然後民得平土而居之部使者下郡理孟津王公价覆  
驗與所報合乃移檄獎禮令尉賞賚諸役有差又督夫  
千餘脩漕堤凡四十里以故數年雨水得不為灾而河  
亦不決且有渠無患又不爭於武城人嗚呼清河自  
昔當水衝今且闕運道故為運道計莫若治隄為河決

計莫若治渠充冀間地多流沙豈惟渠易淤塞百世而  
下將徙決不獨衛河余故為論次古今顛末俾後有君  
子得以覽焉先是水注古黃河古黃河者即馬頰也自  
馬頰塞兩岸居民盡田河壩歲久若為固有而寔無額  
稅不得與城邑較利害奸民不省所以一旦見水至遂  
浮言惑衆將起訟令與南宮令邢公侗雅以論政相引  
重數言為民大計非私一人邢避之屬民自對簿不能  
辭訟遂止向子曰昔太史公悲瓠子作河渠書令治  
河之策論者具備余為一郡邑言利害耳往武城以千  
金築堤成清河乃出數百金與之訟然水至清河害



堤破武城言蓋若以其曹併力治渠豈不為兩利之哉



國家圖書館, NATIONAL CENTRAL LIBRARY, TAIWAN, R.O.C.

郡國利病書卷之五

小灘鎮

北直

國家圖書館 NATIONAL CENTRAL LIBRARY, TAIWAN, R.O.C.

舊府

大  
大城縣

大  
縣名大


南  
縣樂南

清  
豐縣


開

東  
縣明東





衛河



大名府

按元輿地圖河北山東西盡中書所轄也 國家割鄴  
 汲以西隸河南割濟博以東隸山東而大名府郡衛距  
 百四十里縱特三倍之北繚館陶南深入蒲陽儀封之  
 間而獨領于畿內者何哉要之在易制耳河朔之地西  
 接太行北距蜚狐東窺齊魯南阻河為險自古稱重鎮  
 蓋其形勝隱然四境之外固不區區在疆域間也唐不  
 能分其地而并為河北路故藩鎮擅其強而唐以隗宋  
 不能分其地而并為京東西路故契丹擅其疆而宋以  
 削豈盡將不强士卒不衆哉由形制之失其利也 國

家引大名獨斷而為三不設兵衛而沃壤千里輔車都  
甸意深遠矣

所屬州邑滑為最大開次之長垣魏縣地不遠滑也而  
物產稱饒焉元城豐濟三邑等耳南樂又次之東明又  
次之內黃與開州接壤並稱硤瘠且多硝河下墊故多  
沙鹼苦淹者以十年之通居六七也是以令於斯者恒  
感額以從事又大名縣自古稱元城之貴鄉或置或省  
當洪武以前府治東去縣三十里似不可已今既徙而  
西凡大名縣所稱膏腴地皆割而為府治城內外及四  
圍皆是也以故地益感民益貧令雖賢莫可展布以今

視之誠可省而入于元城也

府故城在城迤東八里唐魏博節度樂彥禎所築也周  
八十里號為河北雄鎮宋慶歷間復建為北京百官有  
司畧如東西京故事詔輸內府緡錢十萬築行宮洪武  
三十四年水圯為志都指揮吳成始徙築今城周特故  
城九之一高三丈有基南距衛北負漳為險嘉靖以來

漳併流入衛頗或齧城矣

水西注魏鼎北歷西店東至衛常安流漳善猛汎固初漳  
南商家渡入衛又十年自雙井入衛皆由艾家口東北  
徑小津館陶入臨清堤堰完固環抱郡城雖時小決  
易補塞自嘉靖三十六年復決于田龍之下遂舍艾家  
口水經大名縣南分流出為害甚滋亟道潘誌欲求故道引使

北流以殺其勢然常病其靡費頗多似唯卒復今大名  
果西漸有支流去艾家口僅三里許可開新河以入循  
艾家口河之西徙也士為風氣慮民為道慮難稱不  
也業先告浚者屢之十道九年該管大名知相范在復道  
陳利病乃猶與見詳當道檄該管大名知相范在復道  
街河自白水村至艾家口濠渠十一年功甫就初擬築堤  
自艾家口東全引水于濠渠通舟楫遠是年秋注雨泛  
于勢甚洶湧狀如引水于濠渠通舟楫遠是年秋注雨泛  
三勢甚洶湧狀如引水于濠渠通舟楫遠是年秋注雨泛  
有衝于漳仍流七分于城西南漳河村置閘又議于忠  
孝祠前築堤洄則  
注之防則洄則

按隋唐時黃河在澶滑之間隋置黎陽倉漕粟入汴梁  
節度羅紹威六歲輸穀百萬以供京師而宋人因之此  
大名歲漕之畧 國家以來黃河南徙蘭陽儀封之間

而餉道絕故河南輓漕每歲遣部使者一員駐鎮招商  
估價轉糴輸兌凡數十萬石於是山東之粟東至磁鄴  
之粟西至濟黃之粟南至一都會也鎮有浮艘二所  
曰廣濟橋大學士有戶部分司布政分司規制略備

魏 北臯鎮界成安臨漳之間民僦而廬者千餘家知  
縣馮惟訥如檄堡北臯明年復堡隄井而知縣董威繼  
之置義倉及斥堠戎器之數畧備隄井阻漳衛合流之  
衝亦他日列屯地也邑人王永壽記嘉靖甲寅知縣陸  
東復保沙口當郡縣之中居民數百家其地東倚郡城  
西入魏由邯鄲之道走邢襄踰恒山工谷以達于京師

自井陘而下守魏則郡之全境安非涉沙口郡城未可  
窺也邑人申旆記

濟 濟故稱黎陽隋唐時城大伾山北麓而一統志云  
廢黎陽縣在今縣西二里蓋黎陽漢以來嘗置兵監聚  
六郡校士戍屯於此入隋唐咸列重鎮焉按故址衡水  
以西也水經酈道元注曰黎山之北故城蓋黎陽縣之  
故城也今黎山不可考宋天聖間濟州治沒為湖始徙  
浮邱山巔洪武初復徙山之北陂弘治十年知縣劉台  
城之周七百三十丈有奇是時城西連浮邱登高內瞰  
指顧畢盡不可守成嘉靖二十九年知縣陸光祖乃截

西南隅棄之城外據山岡險絕處改築焉于是城小且  
堅可恃為永利云

開州 開故城按五代晉與梁人戰以鐵鎖斷德勝口  
築河南北為兩城號夾寨宋獨守河北城而熙寧十年  
河決為患始徙築今城前方列而後拱形如卧虎周二  
十四里

東明 杜勝集在縣南六十里近年以來黃河數出沒  
徑流其間置通判一員督天繕塞即宋監河堤使也

### 山川

大名諸州縣境內漫衍相屬無他山獨濟阻淇衛之間

予嘗登大伾最高處望之蓋襟太行之左麓也故其下  
多山淇水自縣西北入界南流至枋頭仰合衛水折而  
蜿蜒西北滌縣之右北接漳流以出諸山亦猶二水而  
出縣之最西北八十里而峙者曰黑山周十五里漢獻  
帝時黑山賊十餘萬衆掠魏郡即其始跡地也山多削  
壁怪石迴溪曲澗盤鬱其中黑山西南曰陳家山左揖  
而南五十里曰童山隋宇文文化及嘗及李密戰其一山  
無草木故曰童之麓連綿亘引四十里北屬善化  
山其行若遊龍而所當脊處若龍脊也故曰龍脊岡之  
西有山相輔而行西屬太行曰達西岡善化去縣西

北二十五里山出雲多樓觀亭臺或舟車旗鼓人馬之  
狀幻態不出故曰善化分而為三故一曰三山俗傳紂  
殺比干於此故又曰枉人山之多花斑石可為屏几柱  
礎故曰善化者即其氣也近因採石衆多變狀頗少矣  
山下檻泉七十有二而龍脊之左有山曰白祀白祀童  
山之下並有陂按鄴道元水經注云五穴口一水逕五  
軍東分為蓼洧東入白祀陂又南分入同山陂溉田七  
十餘頃同山即童山也童山西麓又別有波羅河南流  
至龍口峽伏流地中潦溢則會於長豐洎地理志曰天  
下水名洎者二一曰梁山洎一曰長豐洎長豐洎即二

陂所會今為牧馬逐水草處聞諸父老曰東行尚有廢  
 開址今其地多沮洳地頗不畊稍依廣平滏河故事沿  
 岡穿渠東屬屯子口入衛則其田固多可稻也山東行  
 伏衛河之底而突起繚於衛之東岸者曰浮邱今縣西  
 枕衛跨浮邱之脊而城浮邱之東二里曰大伾禹貢導  
 河東過洛汭至于大伾是也周五里有竒上多浮屠宮  
 嶽巖洪洞之跡焉大伾之東曰鳳凰東北曰紫金二山  
 者大伾之餘氣也其扼淇衛交流之口無復旁引蓋大  
 行左俛趾處矣故世多帝王都邑及賢豪奮跡往往不  
 可勝數焉又按傳記別有黎陽山今失其處若他州縣

志以山書者尤為衆多滑曰鮒鮒山一名高陽山  
 九嬭堊其陰四蛇衛之曰白馬山寰宇記在果東北三  
 方輿勝覽一名青塚山十里河決馳走則山崩故津與縣  
 有馬群行山上悲鳴則河有村曰白馬塙疑其與也曰  
 皆以此名今果東北三十里有村曰白馬塙疑其與也曰  
 狗脊山其地亦狗脊州故名連曰天臺山  
 城許有高堤也百開曰金沙山建炎間楊棣守開德棣  
 步弟彭年代領金人攻降之棣歸其守卒嬰城固守  
 出弟彭年代領金人攻降之棣歸其守卒嬰城固守  
 金兵復大至屠其城元弟皆死人為瘞肯立塚如山因  
 以名曰洪洋山在郎真南人嘗遊于此遂壘焉今此  
 沙名曰洪洋山在郎真南人嘗遊于此遂壘焉今此  
 曰衛陽山一統志在東南二知所在此曰雞鳴山  
 明曰白雲山或曰漢張良北雲里其處也  
 在果東南清豐曰秋山在棗于秋山之陰今按為黃河  
 三十里



故道南樂曰方山在果北七里方山故時相傳有東西  
呼之仍大名曰恆山果北十五里或曰漢成帝時河決今村  
今曰城之西有恆元城曰沙麓山果北四十里春秋  
山廟即其遺址焉王翁時嘗徙居其下間多本傳記頗可次驗然或為  
黃河所徙或雅由好事者所附會予嘗行縣半不可考  
見閭所指畫惟杯土卧列草莽間高者二三丈下者尋  
尺而已予故不詳特附傳記所載以備來者之覽時焉  
 右大名境內諸山記  
 按古傳記唯黃河為最次之淇次之洹水蕩水清  
 水及美防宜師溝諸水又次之而漳衛不與焉于今多

湮謬異同不可攷桑欽水經曰河水之東淇水入焉東  
 逕渡害亭注曰淇水東十八里有金堤又有宿胥口曰河  
水北又右逕滑臺城又東北過黎陽縣南又東北逕吳  
子胥廟南注曰廟在北岸頓邱界長又東北逕戚  
城西注曰今為又逕繁陽縣故城東又東北昌樂縣故  
城東又東北逕元城縣故城西北而至沙丘堰濟水東  
逕封邱縣又東逕東昏縣故城北注曰濟水南溢為  
滎澤不淇水東過內黃縣南為白洹注曰宛水東南入  
可曉不淇水東過內黃縣南為白洹注曰宛水東南入  
胥故清受河于頓邱屈從縣東北與洹水合注曰白洹  
庶害亭東黎山西北注曰此下漳水白洹淇河咸得通稱矣  
注洹水從西南來注之又漳水白洹淇河咸得通稱矣

又東北過館陶縣北洹水東北迳鄆縣南又東過內黃  
縣北入于白溝蕩水出河內陰縣西南山東又東北至  
內黃入於黃澤蕩水即湯水也注曰蕩水亦謂清水東  
過汲縣北又東入於河注曰清水出內黃縣又一日美水出湯陰  
西北四十里流美里城北東至內黃與防水合而水經  
注又云防水出安陽縣西北東經防城故名又東合湯  
水入黃澤宜師溝東北至內黃入湯水自魏武築衍河  
北流四水並入於衛欽漢人注之者酈道元魏人此漢  
魏以前諸水所經流略也然按漢書河渠志唯黃河為  
患餘水不詳見武帝時河決瓠子口又放黎陽渡害亭

帝自臨決河令群臣從官自將軍以下皆負薪寘之乃  
塞成帝時復決隋書以後頗見傳記為患然亦不數唯  
五代及宋南渡之際歲決濟滑開黃南樂清豈諸州縣  
之間而諸州縣壞半為魚龍之宮當是時天子震悼遣  
從臣沉白璧白馬以祭而州縣長吏並兼河堤使以嚴  
水患又增置都水監使者行視河決賦諸州薪石楫楸  
芟竹輸大名歲數千萬然迄無成功與宋相為終始何  
者病在專捍堤回河而不能順下以導也元曾魯治河  
以後河頭南徙所為大名境患者不數矣今其流在封  
邱蘭陽之間去長垣東明遠者越百里近者六七十

當數世無恙予故不論著而衛河者即水經淇湯諸水所合流以出者也一名曰御河近內黃以下為漳水所合按經曰漳水東過列人縣東北過斥漳縣南又東北過曲周縣東又東北過鉅鹿縣東按宋河渠志惟黃河數於王供埽諸處溢入衛河有司輒塞或沙河間亦引水併入而終宋末嘗與衛合流者國初漳西注魏縣而北歷西店東注館陶入衛正德初始徙府南崗家注入衛又十餘年自獲井入衛近復自回龍入衛經稱漳水端悍併流漸南則衛所當受處漸湫隘近年以來濬縣內黃之界頗數患溢蓄而大名艾家口迤西漂去廬舍

泮民田者不可勝數或革議循漳河故道即入衛之處分流北注以殺河勢此最計也特惜興徒繁巨稍欲繕堤防以護河決於乎宋之六塔河故事可鑒予不敢不為土之人深長慮也 萬曆十九年知府塗時相議浚河自白水村至艾家口十一里達漳河其詳見境內圖說

雕馬河在大名縣北王莽河即元莽河在元成縣唐朱

瀋攻魏沙河出城自府城西南引漳入城灌

州里其流常不滑河之嘗作魏消分河錄此即黃河運滑

者也誤志濮水在滑州東六十里即莊鷓陂在內黃

縣西周高雞泊在府界唐節度龍窠河里南樂渠徑十

至龍窠村故其他或附會或流徙沒其處故不著  
傳龍潛於此

右大名境內諸水記

大名境內別有窪水窪水者非出泉谷有經流志所不  
載頗淤漫田間沮洳為患者也其為窟巨者一曰衛南  
陂由滑縣南界受胙城孟華潭王德口諸水北注匯城  
而東又迤北注桃園而東南匯為衛南陂所浸沒者凡  
四十里許或曰衛南陂即古衛南縣廢治也二曰澶州  
陂或曰古澶水也旧志在頓邱廢縣西南二十里伏流  
至今繁水謂之繁泉今按澶水由開州南界東北注清  
河頭十之七分注於霸家河又東注濮州入于張秋十

之三分注於清豐縣東南界孫古城北匯為朱龍河又  
西受硝河之自傳家河而東注者流次邵家灣次英滿  
城而北潄於南樂趙庄或即古繁泉是也間溢則又東  
引清流橋以達東館鎮是也三曰硝河由滑縣北界其  
一運開州馬駕河東北注戚城半東匯為趙村陂所浸沒  
者地七八百頃而西引王家潭口復會入于白倉之北  
半夾戚城運白倉北合趙村陂而來還者會于傳家河  
北注岳儒固以達東館或北注於大名其一由石村滌  
內黃東北運大岩屯橫腰大名縣南界又東北注三角  
潭而十之三自飲牛口注衛十之七自梅家口注衛是

也開水溢碛河北注之勢不能直則一由石村分注開州火燒店迳清豐之秦村而會於岳儒固一由內黃城東迳南樂西近德固復注之二流者若經帶而交內黃清豐南樂之界者也水稍殺則否漳衛之決蓄其患固大或數十年一適或十餘年一適民犹稍得繕隄廬以避之而諸水所淤漫田陸之間十歲九適不得他徙春冬稍耗秋夏則溢然浴為江湖鳧雁之澤而碛河者又泄鹵下墊凡所經流率數歲不復芻牧計南北縱百六七十里衝或十數里少者二三里予問行縣求之蓋西河之向古受井田處也自秦廢阡陌歷唐宋以來洧洳

之規漸蕪沒不治故率為田陸而大名諸州縣西南接太行之左麓而下其地由西南俯注而滑為受河南界諸水窠嶺脊處迤東北則開州內黃清豐又東北則南樂大名而東為張秋漕河北為衛河東北為山東冠縣界乃其所壑處也水行地中也猶人血絡手足百骸之間血循絡則治否則錯經妄行為痿痺崩漏數百里之間曠然平隄丘阜相亘而無丈尺之渠以瀦瀉其間雨三日二日適為漑滋稍遲之旬日則壅腫內溢矣烏得而不壑也余問長老疾苦狀或言鑿開州之南隄疏衛田陂之水東北合澶淵東注之以入于張秋而朱龍河

以下特合其受清豐南樂本境之水而已鑿硝河東西  
二支一則由內黃入大名之梅家口一則由開之戚城  
塞趙村陂傅家口之東折者而直入于兵儒固迤東館  
大者廣二十丈小者減三之一深特十之一而旁甃以  
堤之之左右分疏田間水道倣江南旱澗之法而穿埭  
于堤之下以馮堤所阻捍之處如此則衆水各有所歸  
而歲可樹獲矣

右附論大名境內近年諸窪水之患

故時堤渠之蹟在元城境者曰西渠在元城西二十里唐開元間刺史盧暉  
之商道濟渠以通淮曰寸金隄在元城北宋韓琦公所築  
水大至而不浸者寸許

故曰王村隄自清豐界延袤六在大名境者曰逯家堤  
去里東三里許相傳曰李茂隄北去八里東曰范勝隄去南  
十五曰張家隄去三里曰附城堤知縣吳嘉靖已曰衛  
柳千株故又曰諸公隄去縣治西北二里嘉靖已曰紅船灣隄  
名吳公柳堤曰諸公隄知縣李增築故名曰衛  
河堤在縣西里北五里起新鎮李增築曰紅船灣隄  
在艾家口東知府李瓚所築曰沙邱堰水經注在貴  
術決為患知府李瓚所築曰沙邱堰水經注在貴  
或天即沙堤在魏縣境者曰漳隄自臨漳延袤八十  
里北岸自咸安五里每夏秋淫雨河漲衛沒甚慘  
俱由魏果抵元城界  
萬曆十六年北徙邑南郭外隄下知縣梅守相補築大  
堤以防之二十年教諭胡璉署篆因河決臨漳曰口滄

損麥苗請於道府移文臨漳廣平元城三縣被患處協力隄防二十一年漳河分為三知縣田大年因鄉民張天載等控告水灾隨親詣查審鳩夫重堵為一勞永逸計 曰鮑公隄環護城外弘治間知在南樂縣境者曰宋堤東去河八里宋仁宗至和二年脩築在清豐境者曰復閘堤寰宇記澶州臨河宋仁宗至和二年脩築在清豐境內黃境者曰六輔渠漢倪寬為內黃令南渠曰高堤南起高堤鎮北接泊口曰黃澤隄在果西北五里澤廣教五十集延袤百餘里曰黃澤隄在果西北五里澤廣教五十地也其曰倪隄倪寬所築曰古堰在街河東以隄漢世祖破五者曰宋堤去州南里許宋興寧州時所築曰靈平埽在開州境

北寧間所築水漲隨在滑縣境內者曰繇隄在廢臨河繇隄在廢臨河水繇治曰瓠子隄在城西南三里漢曰陳公堤在南門陳克曰大堤東南邢村一在黃塔兒曰東西堤頭一在大船佐築曰大堤東南邢村一在黃塔兒曰東西堤頭一在大船輝東堤一在八字口曰新堤正統九年河決邢城漢為夾堤一在八字口曰新堤正統九年河決邢城漢里因築此禦之東在濟縣境者亦有繇堤曰永濟渠在北十里隋大業四年濟西城下即衛河廣教丈堤甚開今廢內黃亦有之 卑薄上受淇水諸流夏秋淫雨暴漲滄沒民曰西南二陂水害尤劇萬歷六年知縣任養心于曰堤外八里許自石羊村至侯固寨築長堤以障之濬人至今利賴濬有黃河故道眾流所歸國初於縣北四十里大齊村

東曰堤開一堤口以洩衆水由田氏村順入衛河東滑  
 西濟民獲安堵萬曆十年滑縣土豪徐守芝等社塞堤  
 口壅水禍濟北一帶幾為魚鼈濟民張志等鳴于兵備  
 行大名蕭知縣查鞠得其情從而正之洩注如初 在  
 長垣境者曰三尖口東去果三十五里元曰朱家河堤  
 曰三春柳堤曰大岡堤曰閻家潭堤以上四堤並曰油  
 房村堤在安亭里曰牛家口堤在黃岡里曰周村口堤在烏岡里曰速  
 報司堤在亂岡里曰常村堤曰新豐堤二堤相屬去果西南  
以下北十堤並弘治在東明境者曰長堤南距果六十  
六年李太守瓚築在東明縣四門俱有護城壕  
東抵曹州縣二百里  
弘治高李知府瓚脩築

堤唯北門堤外曰有普河一道當黑羊山下流歲久衝  
 淤漸成巨浸湮沒禾稼浸害城郭知縣區大倫增高其  
 堤以障之仍增橋以殺水勢 曰社勝隄在果南六十  
年通判陳杜勝集長堤屬東明者三十三里皆近年  
萬言脩築所築知縣區大倫督令堤夫歲增之內外栽植木椽一  
 十四萬餘株榆柳成林根枝盤結長堤孔固河不為患  
 矣 曰七堤西距果四十里而曰金隄者取古自漢  
 文帝已有之漢書曰河決酸枣東清金堤是也延袤二  
 百餘里聯絡于元城南樂清豐開州滑縣東明之間弘  
 治間河水泛溢李知府瓚增築云



右志境內堤堰溝渠之蹟

愚按古人建城必為水漕以引城內潦出而達之壕水通流域以內室廬保無淹浸即大名郡城只南門下通一渠而西北東三門更無水口雨多水溢聽浸溢于城內隙地如遇霖潦泛溢則合城為巨湖居民其魚矣若西南大寺前東南隅角樓下地窪下可通漕而他十州邑城更無一通水漕蓋未見水患而莫肯預圖也

通判楊瑞

識

方物志

予嘗覽傳記五方之產名山多金玉嶺南多玳翠玳瑁

豫章多漆長沙以南多丹礪塞以西多名馬何者山壑偏阻瑰璋磅礴之氣故也大名為中州故其民人宜稼穡其土宜五穀蔬果牛羊雞豚以為養率五方所同也無他方物書攷故時黃河經流其間江淮閩蜀之貨往往遠者萬里近者數千里各輻輳而至國家以來河南徙濟東阻數百里惟臨清為南北都會稍一轉輸通有無市閭之間然錦綺翡翠珍異之物亦不至予嘗按次境內多黍多稷多粟多梨枣其耕畜牧百畝之家百樹梨千樹枣牛一頭驛二頭千畝之家千樹梨萬樹枣牛十頭驛二十頭此其大較也魏以西南多桑絲滑黃

以北大碛多黠黃之人不得種樹老少數耆益以瞻朝夕而有司奉法為厲禁不得出郡縣他境故其價輕售而民人貧瀕漳衛之間頗有魚鱉然泉澤數殺而網罟少木多榆柳民間廬舍器具各採園林所樹以自給非勢家巨室不以乾五方濟汴之材而至土無秔稻故酒多黍釀土宜桑絲然秦漢以來兵革代興戶口散亡而樹桑者什一而已故織絰不廣男女衣服多布多麻桑綾縑之屬惟長垣有之然亦不逮南州之精美也嗟乎州邑之間庶幾長厚務本矣此其古魯衛之道風流美也予謹列而識之若他蔬草花鳥非郡縣有司之亟也

故不詳著特附書如左

田賦志

余按傳記次大名境內三代以來戶口羸縮之數蕭何嘗收秦國籍史記不載下及曹魏晉宋五代畧矣漢魏隋唐迄宋金元之際稍藉記割隸州邑與今時不同或難詳定嘗括其數之見存者想睹之西漢為最盛何者休養生息世久故也我國家洪武初承金元之後戶口凋耗閭里數空諸州縣頗徙山西澤潞之民填寔之予過魏縣長老云魏縣非土著者什八及濬滑內黃東明之間隸屯田者什三可概見矣然百餘年後累

聖德澤土無兵革之闕民人樹畜稍闕溢其中蓋嘗  
次之洪武時境內州縣為里三百五十二弘治十五年  
則益二百二十有七宣德以前戶口不可考正統七年  
戶五萬一千八百八十三口二十九萬二千六百二十  
四弘治十五年則益戶一萬七千九百二十一口三十  
一萬二千五百二十五故孝皇帝時號為極盛與兩漢  
相當正德來徵需滋擾民或不給間多水旱凶荒數轉  
徙無着故四十餘年以來男女稍孳息口蓋三萬四千  
四百八十七而里甲漸耗減其里六十有一減其戶一  
千九百四十九此其大較也草豐則獸肥林茂則鳥歸

法網踈德澤洽則民人滋予現閩塞北轉力疲于戍守  
江南之民澤竭于歲徵淮濟而下腴削于夫役大名諸  
州縣稱河北沃土適年獨戶口日耗者何哉閩行諸州  
縣名長老問疾苦狀長老前曰江南之患糧為最河北  
之患馬為最且故時俵馬率隨孳生近則必市西馬費  
每數倍近年以來額外復有餘地之徵民不堪命一也  
成化以前民間自兩稅馬糧以外不過歲給官師臺皂  
廝役而已弘治以後中外坐派歲增十倍其六其最鉅  
者若京班皂隸及惜薪司柴夫歲入三萬諸郡縣驛傳  
亦歲費二萬有奇此寔民所不堪者二也正統時州縣

始設机兵正德懲劄盜之乱復益置快手歲費金一萬  
以上三也弘治以前河雖數患薪芻夫役徵輸有時迨  
年以來河或南徙歲設白夫二千五百名故時歲費計  
金六千五百近稍從未減然亦不止四也弘治以前  
歲常豐稔間有凶荒亦什之一二而已正德以來水旱  
相仍斗米百錢者相望况土之俗故不為貯積少急則  
轉徙亡業五也國初以其土曠賦輕之時計口而今之  
也特八萬有奇故其力贍而戶日增今則以其斂厚灾  
數之時計口而養之也至六十萬以上故其力耗而戶  
不得不日減此其勢也嗚呼為民牧者所唏噓太息也

已予故首國家來戶口蓋縮之數次疏賦稅之額俾有  
司者按籍而酌計焉 一曰邱畝大名之土漫衍非若  
秦隴江淮會稽豫章長沙象郡閩蜀嶺海之間阻山塹  
谷其籍可畫而守也然國家草昧之初戶口散亡圖籍  
不存當時州縣長吏悉據民間口畫丈度所及而籍之  
故其夏地秋地綿花枣株農桑之額不同而別有馬厰  
窰厰並為官地其所召佃而徵入子粒額最輕民不得  
買賣迨年以來自官地外蓋已例攤諸然州縣之籍草  
次兵燹之餘故自相廣狹互有不齊有大畝有小畝小  
畝者即周人六尺為弓而步二百四十是也大畝則倍

之而上下有差或以五百四十步或以七百二十步或以一千二百步是也而養馬之額亦頗贏縮以駉馬一匹為率最重者二頃三十畝而最減者為八百五十畝糧之次第紛雜還出乎其間而又聞民間隱沒至頃畝以上雖里甲什伍之中不能私相次舉按大名之土連亘數百里無甚懸隔何蓋悖至此也予亦切謂田賦必均而後可久除沙茅之地別籍外請檄諸州縣長吏盡一而度之以鈔准尺以尺准步以步准畝以畝准賦倣江南魚鱗冊故事而編次之曰所籍不齊之額悉罷去而括其府之見存者均攤于州縣之間一切糧稅馬草驛

傳均徭里甲之類率例視之以差數百里之間風土人煙同條共貫或稍寧謚矣此今日有司之事也然俗習既久稍更必拂予不敢必其可行特草議以待來者今按嘉靖三十一年所入之版書之於後其大地四萬七千一百八十一頃八十五畝二分二厘七毫四絲一忽而諸州縣私相廣狹之數并附見焉

### 徭役志

夫徭役即古力役之征也然地里遠近不同故以其身入庸者曰力差所待於府州縣境內者是也入其庸之值而聽官轉募者曰銀差所待於京師職署及他州縣

驛遞之類是也又歲計所入天子犧牲果品物料之需以及歲貢科第諸所襍出之費者曰聽差聽差者言不可為歲額而籍貯之以待用者也大較曰時歲徵額共一十二萬二千五百七十八兩有奇今額止共一十萬七千二百三十三兩有奇而間或上下以差江淮之間率如里甲之法十年次待者一而河濟以北三歲一徵特數已故時諸州縣唯籍丁為九品而不計其田里胥稍得孤伏胤沒其間而貧弱者不堪徃之因而亡徙嘉靖以來始做以田准丁以丁准田之法相配行之民力頗均矣

### 兵防志

按大名當河山割裂之間自古強兵銳卒燕秦所稱武士奮擊天下強莫焉者也漢初令天下郡國城置村官騎士以八月屬部都尉太守令長丞為會都試韓延壽翟義皆以都試者起光武以河北兵定天下乃於濟州置黎陽營注伏侯云每營四千以謂者領之是後臧宮度尚之屬徃以將黎陽兵逐破羌胡按後漢書臧宮將黎陽兵破陵馬武武當國陳新將黎陽兵平羌胡羌胡當國陳新將黎陽兵平匈奴匈奴當國陳新將黎陽兵平烏桓烏桓當國陳新將黎陽兵平塞下塞下當國陳新將黎陽兵平取東將黎陽兵逐破羌胡近是在秦漢間已稱雄長矣唐天寶間置義成軍是時河北諸鎮數失而義成軍

者獨全以待朝廷厥後田承嗣父子踵亂改義成曰天

雄軍恃其兵力抗衡天下九世四姓迄於唐亡田承嗣

戶口壯者皆籍為兵有衆十萬選其驍健者萬人自當

術考曰牙兵梁貞明元年楊師厚復置銀槍節校

宋之世迫近契丹建北京置武衛簡河北驍勇善射之

士悉為義勇當是時兵力最甚是以契丹恃其驕悍大

舉入寇卒無成功按宋史太平興國間立雲捷雄武

寺軍于澶州東明長葛滑州中以指揮領之咸平三年

置壯勇軍滑州指揮二大中祥符間置威武虎翼軍

東明澶州通利指揮各二于澶州置宣毅指揮各一

弩手龍衛廣勇廣提等軍為四路北京澶滑通利合為

大名路六年詔分河北兵為四路北京澶滑通利合為

府三路而北京澶州復置騎射軍通利置威邊保節廣濟

軍大名府置宣武廣威軍滑州置騎射保忠奉化雄勇

軍元豐四年改五路義勇為保甲狄懿劉定部領之

澶州教習大保長四百八十二人見于崇政殿召執政

闕試補三軍借以戒衛差使建隆中滑州置武捷軍

大名立宣武衛馬監軍元年詔滑州屯禁軍三千蓋

軍廣威步軍廣捷政和元年詔滑州屯禁軍三千蓋

悉天下兵力聚於澶滑之間故其兵制獨倏徽欽昏濡

乃以內侍梁方平統兵拒之將領失人遂至潰敗要非

兵卒之不銳也建炎以後政令不行于河北金人概籍

民戶為軍民怨滋甚蓋虜地然也金正隆四年詔籍大

十以上五十以下者悉從征雖元更其制每二十丁起

親老丁多求一子為侍不聽軍一名而以萬戶統之問以江南新附軍錯置之元太

年詔大名路于新事官忽都虎新籍民戶三十七萬二

千九百七十人教內每二十丁起軍一名令各不棄兒

宗

不棄兒

領之中統二年年沿藉大名路蒙古漢人民戶悉為軍四  
年罷大名路新僉防城戍卒至元十六年調江南新附  
軍五千編置大名後萬戶以領之茲秦漢以來兵制強弱之效可概見  
矣 本朝畿輔列郡建衛者五守禦所者一而大名獨  
罷兵衛豈不以魏擅兩河之樞其人習挽強椎剝代數  
為亂故監古割其左翼之濟北隸山東右翼之鄴汲隸  
河南支伏戍兵臨清彰德真定之間以為形骸犄角之  
勢又以山西之寧山蒲州陝西之潼關諸衛所轄隸于  
此以脩緩急而郡獨罷置欤由予觀之大名土蔓衍不  
不可列都而可與爭利自古天下無發難則已稍發難  
則首兵禍事在年紀可鑒也當金之南渡也虜嘗曰使

南朝以一二千人守河吾豈得渡哉已而李綱宗澤徑  
理兩河並募兵數萬屯駐大名以形制京東西諸郡今  
河既南徙而國家復建都燕薊宋之所謂北門今乃為  
南郡矣故其形勢稍有不合然由濬則可以窺洛陽由  
開則可以窺山東由洛則可以窺常山其轉樞中原之  
勢隱然在也特首領腹心之差耳正統己巳之變 肅  
愍始議添機兵以為城守正德以來薊盜猖獗出沒境  
內者經年馬太守御檄諸州縣繕城濬隍收官寺銅浮  
屠像鑄為戎器召募膂力別為隊伍擇縣令陳智教諭  
陳恂領其事申明號令懸賞格以訓厲之教振河朔間



盜謀聞之潛出東境不敢犯賊既蕩平當事者于是建  
議置兵備僉事一員 今上改元因巡按歐珠議陞僉  
事為副使隸河南按察司奉專勅建節大名以控兩河  
之間始轄廣平大名兩府近乃兼轄順德督令三郡馬  
步兵四千有奇而大名所籍者馬步兵九百五十名團  
操民壯一千五百名快  
手一百以操官十一員領之別有撫院馬兵二百九十  
九十名以操官十一員領之名步兵三百一十四名  
易州道馬兵一十八名步兵一十九名天津道馬兵  
七十二名步兵七十二名本府守宿民快一百名不與  
此數詳見 歲秋移鎮順德防馬嶺等口嘉靖三十三年  
總督楊公建以  
順德府邊隘北起馬嶺錦綉堂等口南至黃背岩教道  
岩口寺止俱屬防守順德守禦百戶所德州衛德州左  
衛寧山衛蒲州潼關二所俱聽節制六月申三時則肄  
旬以後暫駐順德偵探敵警緩急調度防禦

武殆與古者之意稍異合矣予現國家內外置衛戍守  
之兵列屯坐食而已無可與格敵者往有警惟驅鄉  
兵以為爭利合及之先而况大名多剽悍閭里少年並  
習弓弩酗酒使氣為節仗抗古魏勁兵遺風也有司能  
毋徒視為故事悉藉諸州縣壯悍者隸之畧如唐李抱  
真澤潞之法歲設賞格特自便宜團結訓練以備非常  
寔國家腹心之地一勝策也予故詳著其本末及奉道  
建置之原以備一方戎制云

馬政志

國朝洪武二十八年革群監官令有司提調孳牧每五

馬立一群五群立一長永樂中始計丁養馬每一丁養  
壯馬一三丁養牝馬一兩歲納一駒並免稅糧之半弘  
治六年兵部奏更為計地養馬之法每壯馬一匹編地  
五十畝牝馬一匹編地百畝正德二年御史王德建議  
令大名等府于種兒馬中揀選四尺以上十歲以下者  
解寺俵印其矮小老弱者聽其賣價買償近來以來邊  
方多事馬非臆壯不准印烙徃々市西馬以充額費乃  
十倍民不堪命矣後因藪盜猖獗巡撫都御史韓檄諸  
郡縣每畝徵銀二分以為買馬征調之費此特一時額  
外之徵不意遂貽害于無窮也至今乃有餘地徵銀之

例隆慶五年撫按疏請豁免會蒲州楊少傅為本兵覆  
題奉旨免徵始得拔去數十年禍本云

兵備副使侯一元大名府志後序

叙曰自昔理人者縣法憲令曷嘗不孳孳民之故天下之慮哉故當時則粲然易世則弗諼其仁覆無窮至與天地相敝者惟書也史是已而郡國志則史之分也非郡國志則不能以成國史微史則無以存往跡而善治嗟乎其重矣哉夫大名者古之魏也以其襟帶兩河介于山東西之間故常為天下樞至後分割則魏又為北戶屹然外悍故魏者重地也譬魏于全盛則人之彘也列之則熏于心其在偏安則背也拊之則扼于亢故君子而無天下之慮則已誠有之其所以稽古驗今保輔

員輻以鞏輿圖者胡可緩哉而其志願久弗治非以其  
重地難之耶頃歲茅子順甫來倅則嘗為之茅子文士  
又喜事然草之卒弗就去矣而再至又竟弗就遺其草  
且落蓋久之而值大中丞鄭公巡察姜公董學馬公咸  
鉅人孳之于民之故天下之慮顧大名無能志之者而  
潘子時秉適以太史踵而至于足兩臺交檄余之受以  
檄府而太守李子應乾者九臆之家其官則相與委重  
潘子徵召文學夜以繼日蓋未半歲而書成其文悉本  
史遷而倫春秋編年之法精確灑雅近所未見也其志  
之良乎迺余尤有重于斯志者其孳之于民之故天下之

慮也蓋一篇之中三致意焉固首言大名之地三割矣  
縱三而衡一固 聖王所以披強枝也然而形束壤制  
則尊周者亦無以成夾輔之功然則交隣之誼犄角之  
勢不可不講也地近而分則雜五民姦彼此窟穴求盜  
或不得是故其治衛為急縱次之不可不知也述沿革  
者制也述紀年者政也蓋曰其所不可得而議者王制  
也所可得而因革張設者官政也不可不思也帝后人  
物之大也山川故蹟之聚也是故先之而山川之言治  
水尤詳嗟乎夫水為魏患久矣煙泊則有近功而多後  
患寬為之道務以疏之則順于水而財訕非臚列嘉言

擇于長筭則不能以成釀沉澹灾之功是故詳之夫夷  
土之于政蹟蔑如矣然其流風宛然青民風于上之化  
夫誰得而辭之惟土物爰而無竒淫不近監者國之利  
也故其志曰長厚務本蓋余讀至于賦役之志而有感  
于民之遭也當是時兩臺寬民歲以千萬計曰拊循之  
不休志中時之見焉異日者秩祀且有考矣而余以書  
生職兵且再歲顧不能使盜弭得不泚顏哉甚矣夫馬  
政之敝也法使民多馬歲攻駒而入之圍人乃今所入  
非所字所字者類不中度徒取其文吏操以為姦至有  
緩急率復他市是以民甚苦之而莫以為言者馬政重

也夫北方之民以地曠稅少為饒而不能富樂者職以  
馬也官大者即不賢不得以逃其名除其耻小者為賢  
也不得以名通是齊豹三叛之義也貢舉其書而傳特  
記其亡者罷而去者以事示定蓋其嚴矣夫作志者其  
有憂乎政志宵人而以僭偽同傳非以其類乎蓋春秋  
之義扶陽抑陰莫先于正邪而夷夏之防決之戒其辨  
之不早辨也于是乎徵之獻焉徵之文焉吁其脩矣蓋  
志有難者八焉不詳即事不該而米鹽詳之則蕪不簡  
則要不舉而太簡則傷略舉其大則見以為不勤小物  
忽羸豕死童牛而細故毛舉則謂之不知類遠古之事

傳之則忽荒芒昧近于誣而不傳即羊去而礼亡文不酌諸古則不雅醇而古則遠于俗而不適于用當世之顯人善而傳之則有官盛之嫌而置之則無以示至公不善不諱而怨興而改枋頭則傷于直筆意而不微則戾周身之防而微之則或不習其讀而無以鏡後故志所以難者也斯志也酌繁簡兼小大綜今古存美刺不猥不并不窳不劇常直書而見義則可謂曲暢微顯者矣故曰其志之良乎余斯有以藉手而復于兩臺矣後有孳之于民之故天下之慮者得以攷焉

### 大名縣志

衛河在縣治南三里許源發于河南衛輝府輝縣蒺門山自淇門入本府濬縣界受淇湯諸水經內黃與漳水合東北至縣境大巖屯橫腰南界又東北注龍王廟達臨清下流與滹沱河合至直沽入海同濟漕運故一名御河

漳河有二曰清漳曰濁漳清漳出山西太原府樂平縣沙河濁漳出潞安府長子縣發鳩山至相州鄴縣與清漳合書曰衛漳蓋漳橫流也周定王五年河徙而東故漳水不入河而自達于海國初漳西注魏縣北歷元城

西店東注山東館陶縣入衛正德初始徙府南商家渡  
入衛又十餘年自獲井入衛嘉靖初自回隆鎮迤上三  
里武家莊入衛後復自內黃田石村入衛萬曆戊子徙  
魏縣旋由故道徙肥鄉成安曲周諸縣會達天津漳為  
大名患久矣近徙成安肥鄉等縣或者河伯有靈不欲  
重困此一方乎而今則議改之艾家口艾家口距郡城  
邑城之中去郡一里去邑正半里漳北溢則嚙郡城南  
溢則嚙邑城此必然之勢也然郡城地稍高亢若本縣  
地最窪下漳河之涓如于縣城之巔水勢利于建甌此  
將南二里餘又有衛河亦每年大漲水勢洶湧彼此  
加攻勢必無大名矣况河原非驅之使去今則必欲引  
之使來今日者以廣平之害而移之大名異日者又將  
以大名之害而移之廣平是紛紛無已時矣高謂事之不必矯舉工之不必詭成也  
支河在縣西塗公新開距城僅半里許累肆衝沒知縣

趙一鶴請郡主翟公塞之

碛河者泄鹵下墊凡所經流率數歲不能芻牧一由滑  
縣北運開州戚城匯趙村陂傳家河注岳儒固達館陶  
或北注大名一由石村滌內黃縣東北迳大名大嚴屯  
邊馬集馬村東注或注南樂縣 霸王溝北張鋪小支  
河萬曆二十九年知縣江騰蛟會同南樂知縣即曰河  
身小加挑濬水直東下今民居率佃治其間河身漸為  
平陸矣按郡志云碛河十之三自飲牛口注衛十之七  
自梅家口注衛與今經流不大同姑記于此  
漳河隄隆慶五年知縣李本意築南接樓底日堤自老

隄頭止約三十餘里北接龍王廟旧隄自艾家口止約二十餘里

華侯隄起縣西関隄北隅至回隆九十里嘉靖二十七年築

甄侯隄起駢村新河口至内黃田石界約百里有奇嘉靖三十四年築

金隄勢如岡嶺自東南入縣界漢書曰河决酸枣東滑

金堤則漢文帝時已有矣凡十名元城南樂清豐開州東明滑臺之境皆有之綿亘二百餘里

牧堤在縣東十二里

清豐縣志

淇河寰宇記云在頓丘即縣北五里上接清豐果下入現城縣又載淇水在臨河廢果東南五里黃河北

岸東經縣界三十里

繁泉在臨河廢果土地十三州志云澶水在頓丘西

金隄在清豐南四十里伏流至古繁水城西南謂之繁泉

德清軍即日之頓丘鎮也又漢書金城東南五里所渭

帝時王延世運土以塞河决自金堤而增築之堤

復関堤寰宇記澶州臨河將復関在南黃河北岸

也其堤在南三百步自黎陽入清豐縣界



王永壽治河議

議曰魏縣地方土疏去漳水發源不遠瀕河之田賴堤以稼而西南上游接安陽內黃與山西潞安諸屯營東北勢下則與元城大名共處委匯故夏秋之交水患孔棘論者憂之而未有以拯也蓋古之遂溝洫澮皆以通水于川也遂從溝橫洫從澮橫遂入洫入澮澮注川洫必因勢防必因地勢有周井疆之法如此自秦廢井田開阡陌而洫洫之制大壞萬世而下井田雖不可行而洫洫之遺制則不可盡廢况今魏之境內漳河故道徑絡旁午于其間者宛然可尋故鄉里之名或

君國禾苑書 卷五  
三  
曰某溝或曰某口或曰斗門恐即前代溝渠之道也獨  
不可倣其遺制而分支流以洩水勢乎又按境內平原  
曠野率有洿下或曰某陂或曰某洿或曰某溝或曰羅  
池者固多不能皆近河道每霖雨連朝則隨處陂洿池  
溝迤相灌注一望無際其患不減漳河俗名滌水則溝  
渠之制尤不可以不講也苟相其地勢其洿近河循之  
而下某陂達某陂某洿達某洿皆因其勢而利導之以  
屬于河則所謂堤洿陂堰者于天時無雨則由溝以蓄  
水而田可施灌溉之功所謂洿陂池洿者于天時多雨  
則由溝以洩水而地可無淹沒之患蓋下流既疏則水


性順遂不但可以拯民于旱澇而郡城亦且永保無虞  
矣

蒲潭營倉口營車網營郝村營俱在城西南四十里劉  
家庄營城西南五十里永樂年間以土曠人稀徙山西  
潞州衛軍人散處壑關屯糧曰志云國初屯地非止一  
方不徒為壑關之謀且有犬牙相制之意但軍民雜處  
莫相鈐轄或寄冒民業而賦後自逸或窩住奸民而勾  
攝是拒甚或屯官與軍為奸縱肆寇掠有司莫敢誰何  
設管又遠難申達其害實有不可勝言者往時當道使  
宜設策通行各屯擇立鄉長編排人甲朔望亦赴有司  
呈遞執結兼聽鈐轄非但可消郡邑小梗之虞亦可脩  
萬一不軌之變申明而遵守之誠善后之良猷也

NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.



郡國利病書卷之六

永平府

按元初定稅制獨水田以五升為其利也中統二年鑿沁河渠成溉田四百六十餘所此其水利之始三年詔給懷州新民耕牛二俾種水田此其水田之始至元七年以都水監司隸大司農頒農桑之制凡河渠之利委本處正官一員以時濬治或民力不足者提舉河渠官相其輕重官其導之地高水不能上者命造水車貧不能濟者官給其材木俟秋成驗使水家俾均輸其直田無水者鑿井之深不得水者聽種區田其有水者不必區種近水又許鑿池養魚并鵝鴨之畜及種蒔蓬藕雞頭

菱芡蒲葦等以助衣食九年又詔諸路開復水利三十  
七年薊州漁陽等處稻戶饑給糧三十日以東無開焉  
時主雖急于勸課而丞相主其事漢人史天澤方有事  
于啟土自此首撥皆其種未嘗知此為先務雖有姚樞  
張文謙北平不能大行其說為至荅刺罕鑿稱海古渠  
溉田少試于和林獲利及其卒而即廢不聞復議水  
田矣

洪武六年四月雲龍鎮守北平言塞上諸關東自永平  
薊州密雲西至五灰嶺外隘口通一百二十一處相去  
約二千二百里其王平口至官山嶺口開隘有九約去

五百餘里俱繁擾衝要之地並宜設兵守之若紫荆關  
及蘆花山嶺尤為要路宜設千戶所守禦從之

洪武十五年九月丁卯北平都司言邊衛之設所以限  
隔內外宜謹烽火遠斥候控守要害然後可以警服強  
敵撫輯邊氓按所轄關隘曰一片石曰黃土嶺曰董家  
口曰義院口曰箭箒嶺曰孤窰兒曰刘家口曰河流口  
曰徐流口曰冷口曰界嶺口曰青山口曰乾澗兒曰桃林  
口曰重峪口曰石門子曰白道子曰白羊峪曰石湖洞  
曰五重庵口新開嶺曰佛面山曰栲栳山曰擦崖子曰  
城子嶺曰大峪曰水峪曰中寨曰榆木嶺曰青山曰遊

鄉口曰鉄門口曰大喜峰口曰小喜峰口曰團亭寨曰  
潘家口曰常峪寨曰三臺山曰隘口寨曰龍井寨曰胡  
兒嶺曰松陀兒曰松棚峪曰青山大嶺曰木潭嶺曰臭  
麻峪曰刀山寨曰分水嶺曰馬蹄峪曰洪山寨曰蔡家  
峪曰秋科峪曰于家峪曰道溝峪曰羅文峪曰猫兒峪  
曰山寨峪曰小拐角山曰大拐角山曰會仙臺曰沙披  
峪曰山口西寨曰片石峪曰冷嘴頭口曰楮皮寨曰夫  
山寨曰龍池寨曰大安口曰井兒峪寨曰鮎魚石口曰  
琵琶峪寨曰馬蘭峪曰平山寨曰寬田峪曰南山頂寨  
曰餓老婆頂寨曰滴水峪小寨曰北山頂曰滴水峪北

山等寨曰録山頂曰峰臺嶺寨曰古強峪曰耻瞎峪曰  
鑽天嶺曰黃崖口曰小平安嶺曰大平安嶺曰三山寨  
曰蚕椽峪曰青山嶺曰彰作里曰將軍石口曰岢山寨  
曰黃松峪曰文家莊曰魚子山曰蕭家嶺曰熊兒嶺曰  
沙兒嶺曰灰峪口曰灰嶺兒曰猪圈頭曰山嘴頭曰木  
湯峪曰灰塘峪曰墻子嶺曰磨刀峪曰許家峪曰蒼木  
會曰小黃崖曰大黃崖曰石堂峪曰姜毛峪曰蘓家峪  
曰大垂峪曰遙橋峪曰南峪曰燒香峪曰黑峪口曰峰  
臺峪曰高梁子曰小水峪曰漢兒嶺曰城子山曰倒班  
嶺曰杷頭嶺崖曰師姑峪曰梧桐安曰齊頭崖曰栢嶺

安曰將軍臺曰盧家安曰司馬臺曰了髻山曰沙嶺兒  
曰磚垛子曰龍王峪曰師婆峪曰古北口曰潮河寨曰  
柞峪曰陡道峪曰蚕房峪曰陳家峪曰東駝骨曰西駝  
骨曰白馬甸曰划車嶺曰馮家峪曰營城嶺曰黃崖口  
曰石塘嶺曰東石城曰西石城曰東水峪曰白道峪曰  
牛盆峪曰小水峪曰水口峪曰河坊口曰神堂峪曰开  
連口曰加兒嶺曰驢鞍嶺曰南冶嶺曰黃花鎮曰西  
水峪曰枣園峪曰灰嶺曰墮莊口曰錐石口曰德勝口  
曰虎峪口曰居庸關曰陽峪口曰蕪林口曰白羊口曰  
柏峪口曰高崖口曰方良口曰常峪口曰長城嶺曰沿河

口曰石港口曰小龍門口曰天井關曰東龍關曰天橋  
關曰天門關曰洪水口曰西龍門曰段口曰石峩口曰  
蘭房口曰鹿角口曰南門口曰馬水口曰道水口曰石  
塘口曰金水口凡二百處宜以各衛校卒戍守其地詔  
從之

弘治十三年巡撫洪鐘脩邊自十一年巡撫張淮躬督  
叅將白琮指揮羅綱推官周瑄率軍民于大茅山扞蘿  
躡險極力未就淮卒于邊鍾代之次年脩邊城二千四  
十八丈乙銀一兩酬士卒勞是年春檄琮同叅將高瑛  
瑄及同知邵達以二萬人自山海關迤西至李家谷止



延袤三百餘里脩二萬八千一百七丈於要害立寨堡  
次年志之具高廣丈尺營凡十六曰長峪駐操曰黃土  
嶺曰石門寨曰附馬寨曰平山曰臺頭曰界嶺駐操曰  
燕河曰桃林曰刘家曰徐流曰建昌曰五重安曰太平  
寨曰青山曰青山駐操其徐流其溧陽其赤洋海口其  
新橋海口其牛頭崖五營丈尺不具關具者六曰一片  
石曰界嶺口曰刘家口曰冷口曰董家口曰李家口其  
居城無丈尺及曰城曰山海關曰徐流口關曰河流口  
關曰石門子關曰星々峪關曰白道子關曰山幸峪關  
曰白羊峪關曰葦子峪關曰五重安關曰花場峪關曰

新開嶺關曰察崖子關曰義院口關曰大嶺關曰長峪  
口關曰平頂峪關曰榆木嶺關曰水門寺關曰城子峪  
關曰大毛山關曰寺兒峪關曰小毛山關曰三道關曰  
小河口關曰角山關曰北水關曰大青山關曰旱門關  
曰南海口關曰西洋口關曰南水關凡三十二云俱曰  
設有城若箭桿嶺關若爛柴溝關若拿子峪關若城子  
嶺關若廟山口關若無名口關若黃土嶺關若大安口  
關若羅漢洞關若火燒城寨若孤窰兒寨凡十二曰有  
關無城鍾城之又立灰窰峪寨橫山寨沙嶺寨三城皆  
無丈尺也嗟夫山海大衛不志于城池大關不知于丈

尺所具者今皆不同故不述之其大小喜峰口關至漢  
莊三屯等營皆不列者不知其為境內地而委之于隣  
縣也第述時新舊如此

隆慶三年二月丙子兵部尚書霍冀覆總理練兵戚繼  
光條陳咨總督撫按會議合練是否議云太公對武王  
曰車者軍之羽翼也所以陷堅陣要強敵遮走北也騎  
者軍之伺候也所以踵敗軍絕糧道擊便寇也故車騎  
不敵又曰易戰之法一車當步卒八十八人當一  
車一騎當步卒八人八人當一騎一車當十騎十騎當  
一車險戰之法一車當步卒四十人四十人當一車一  
騎當步卒四人四人當一騎一車當六騎六騎當一車  
由此觀之則今日車騎合練之法即太公復起不能易  
矣且所謂險地易地在薊昌皆有之今計二鎮間可練

兵車七營每營用重車一百五十六兩輕車二百五十  
六兩步兵四千騎兵三千駕輕車馬二百五十六匹以  
東路副總兵一營合巡撫標下一營住之建昌遵化以  
西路副總兵一營合總督標下一營住之石匣密雲以  
薊鎮總兵二營住之三屯昌平總兵一營住之昌平是  
十路二千里之間有七營車騎相兼轉戰之衆即有數  
萬敵無能為矣或者疑於敵騎迅疾車步遲不相及臣  
等為之解曰用兵之法有分有合兵車七營豈皆聚為  
一處必以一半合戰而又以一半出奇或遮其前或搏  
其後或出其左或掩其右有追奔有迎擊有扼塞有邀

截追奔邀截及險地用騎與輕車扼塞用重車迎擊及  
易地則輕重車騎相合敵之所恃者馬也而我有車以  
制其馬敵之所習者射也然遠不能六十步而我之火器  
火箭皆可遠二三百步之外且有車以為之營衛我得  
以展其所長是技又不相若矣此車騎合練堪用者一  
也行則為陣止則為營以車為正以騎為奇進可以戰  
退可以守人無挑壕疊壘之勞馬有從容飲秣之便此  
車騎合練堪用者二也車不用食步不用馬以車蔽步  
又步不用甲省骨甚鉅此車騎合練堪用者三也前此  
敵入內地如蹈無人之境四散標掠遍地皆敵莫之誰

何今有兵車與戰敵既不敢分掠又不敢久持僅自保取道以趨此車騎合練堪用者四也薊昌地方險阻車利扼塞邀截使敵大失利當有終身之創此車騎合練堪用者五也臣等又以奕喻駐則布車四隅將卒馬砲俱處其中明以車為衛也行則馬步各有止節惟車縱橫遠近所向無前明其不可當也炮則隔子取子明無物可障也此車與火器相須為用又因可互見矣臣等又以字說戰字從車陣字從車軍字從車火軍所駐名其門為轅門轅字從車騎字從馬從奇可見古人以車為正戰以馬出奇其所從來遠矣不獨太公之對武

王為然今都督戚繼光議以車騎合練臣等援古証今實以為得制敵之長策部覆從之建昌自此設車營矣其條陳有七策六失四弊云臣嘗見射者硬弓勁矢射疏及遠倏令射近則云習遠而不能近彼弓矢由人苟如此合邊牆依山之勢崎嶇有斜坡百十丈皆有平低數丈者所恃全在火器火器力大奪手又非弓矢由人之物處高臨下又非教場平坦之地若不平日演試識其高下臨敵一發不中再發不中賊已至牆下火器非無用矣臣行邊每查庫貯一區之內多者十餘萬少亦不下數萬恣皆掩臥塵土問之將領則云俟報警方給

問之軍曰臨警隨給汝能用乎皆謝曰不能節歲費數十萬金置造軍器萬發以有用之物置無用之地誠竭江河以實漏卮耳此不練之失也今之所懾敵者僅火器火器之中惟邊銃快鎗被鎗銃之腹原造未曾鑄扭粗細不一以致鉛子出口不直口大子小銃腹有隙以致火氣先失子大者啣于銃口一激落地矣且手點火一手執銃手執銃後子出銃動低者入土高者穿雲賊少犯則命中不能賊環至則銃稀無措由是雖具火器不能退賊次惟弓矢夫弓矢之力不力于賊則與賊共且堅甲兇器非矢能貫所謂雖練無益之弊也

永平道葉夢熊戰車議

兵家有勝筭之策有制勝之器今之言禦敵者非不脩矣然或各得其一端而其策其器多散漫而嘗試及不及之精專敵所恃惟騎射自步而壯止一藝耳千人萬人亦止一藝耳故箭不虛發騎追逐如死飄風疾雨頃刻蹂躪勢不可當此其所長也中國豈獨無所長哉火器也輕車也換牌也此吾之所長也敵弓雖強必逆發而不能遠及矢雖如雨可以善避惟火器一發避之無措一銃可殲數十人千銃齊發可殲萬人加之萬銃雷震山裂絡繹響應即敵騎百萬亦無不撓亂矣古人

以車戰後人失其意僅用以守戰車宜輕可使馳逐守車太重僅可備營壘轉輸耳成化間工部及大同所製用十八人推挽即今薊鎮偏箱六用十六人後要改衝鋒車亦非十人不能運皆安營輜重之具非戰具也今製雙輪稍前遮板退後著地如飛平地二人可推過險四人可舉上列鎗刀行時相暨戰時前向火器從中而發隨敵所往而逐彼止則我進彼進則我止人遇之掀靡馬望之辟易可戰可守萬全之計也挨牌中用薄板內外皆竹片藤編密釘試以硬弓十步內射之不能入萬歷三年本戰任贛州時曾用以破黃鄉寇三萬彼長

鎗硬弩飛鏢俱無所施今以直抵敵箭一齊挨前用破馬刀與長短器相夾翼車而衝然後騎兵隨之是兵法所謂馬步車混為一法敵安知吾車果何出騎果何來徒果何從潛九地而動九天者也蓋制勝之器我中國所長也然惟專而後精惟精而後長欲其精專非練不可欲練非選鋒不可兵不選鋒曰北蓋貴精也秦漢擊胡常用兵三十萬往之不利然出塞千八百里窮極其地勢不得不用衆如我成祖北征亦用至三十萬是也若敵入犯與之對敵則可以計取如岳飛以五百人破十萬劉錡以千人破十三萬我太祖用中山開平岐

陽分道驅逐胡元皆以精銳襲擊所向無敵此用寡之效也夫敵之擁衆而來也徒以鷙悍自驕烽團烏噪奔掠無紀若能設伏出奇一大創之如鳥之傷也可以空弦下矣故出奇之兵必練之必選鋒密雲遵化三屯俱有標兵每標選一千西協四路選五千中協四路五千東協四路五千以二人之食一人以二馬之食一馬南兵三營每營選一千又責成總兵選家丁五百副叅遊以下或二百或一百汰遊食冗員虛糧冗役積其餘以陰蓄死士則兵馬不必加也錢糧不必增也于常額之中而得轉弱為強之術蓋今日制敵之勝筭也戰

車每兩車正一名挨牌六名長鎗二名鈎鏹二名佛郎机手二名百子銃手三名兼火箭三層推車夫二名馬八匹馬上各梢百子銃一把騾一頭馱減敵炮一函百子銃十把共計步兵十七名馬兵八名以二十五人為一隊十隊為一員十司為一部十部為一軍分為三營合為一大營勢小則分擊勢大則合擊處有節制之兵人有敢戰之氣此薊門之命脈京畿之神靈忠義之臣所宜剗胸裂眦而圖者也夫天下之禍莫大於不見其形而有其實今之敵形與實大勢可觀矣敵未嘗一日忘中國則中國亦不宜晏然無事而坐待其變也